

Mawari

Mawari naiti mititaiyariwa

¹ Yawé Muitsexi kaniuta'inieni, 'ixuriki tuki-yarita 'ayekaiti. Mipai katinitahiawe,

² yunaime 'ixaheritsixi mipai mitiwatahiaweki: «Kepauka xeme xewiti 'imikieri mawariyari miyetuani Yawé hetsiemieme, wakaxi yatini muxa pihikitini.

³ »Mawari taiyariyari xemiwewieniki xika tewa hikitini miki pu'ukitini 'aixia mi'ane pihikitini, 'ixuriki tuki-yari kitenie hixie xekene'atia mawari taiyariyari mayaniki. Yawé muwa kanitanaki'erimiki.

⁴ 'Ana tita mititimawa hetsie yumamaki mu'uyatsie peutimeni, mitanaki'eriwaki hetsiena mieme meta mixinarieni mawariyari mayaniki.

⁵ 'Anake Yawé hixie tsikeru mekaniwaxitekuni, mawari wewiwamete 'Aruni niwemama xuriya mekwewieme mawari taiyame 'aurie mepeyurietikine, 'ixuriki tuki-yari kitenie hixie muwetsie.

⁶ Meta wakaxi mi'atia kanitakwipiemiki meta tinaime pitiwayewitexiani.

⁷ 'Aruni niwemama, mawari wewiwamete, mawari taiyametsie kiyexiki mepakanaini,

⁸ hiki wai muwitekietika 'aixia mepiteyatsa tai mita'a heima mawari taiyametsie, mu'u nikame meta wi-yari,

⁹ kwinurieya meta 'ikateya haki pititihauxinire, miki mawari wewiwame mawari taiyametsie

naime pititaiya. Miki mawari naiti taiyariyariiekame kanihikitini, 'imikieri taipa kwaxiyariiekame witsimu'ia Yawé minake.

¹⁰ »Xika xewiti mawari taiyariyari 'ixatiani tu-uru, yatini muxa 'uki, yatini tsipu 'uki pihikitini 'aixia mi'ane.

¹¹ Yawé hixie mekaniwaxitekuni mawari taiyame tayeta hepatsie, 'Aruni niwemama mawari wewiwamete xuriya mekwewieme mawari taiyame 'aurie mekaneyeurietikinikuni.

¹² Hiki puwayewitexiani, hiki mawari wewiwame 'aixia katiniyatsamiki kiyexi mitatikatsie heima mawari taiyametsie, mu'u nikame meta wiyayari.

¹³ Yaxeikiata kwinurieya meta 'ikateya haki pitihauxinire, hiki mawari wewiwame naime tikuxeirieme mawari taiyametsie pitititaiya. Miki mawari naiti taiyariiekame kanihikitini, Yawé mawari miyetuiriyariwa taipa mieme witsimu'ia kanihikitini.

¹⁴ »Xika xewiti memite'awiwawe Yawé yetuirieni mawari taiyariyari mayaniki, xeime kukuru yatini xeime haimi pixatiani.

¹⁵ Mawari wewiwame kukuru panutuni mawari taiyametsie mana mu'uya panutiteke, meta mawari taiyametsie pitataiya. Hiki xuriyaya mawari taiyame 'aurie kanayepinamiki,

¹⁶ yaxeikiata 'iniaya kanayehanimiki meta kwinurieya, mawari taiyame 'etsatana tau manatineika hepatsie naxi meukawiwiwatsie paiti kaneiwiwimiki.

¹⁷ Hiki 'anateyatsie tiwieti tawieya kananutax-itemiki 'anateya kawayetsanati. Hiki mawari

wewiwame mawari taiyametsie kanitataiyamiki, tai heima. Miki mawari naiti taiyariekame kanihikitini, Yawé mawari miyetuiriyariwa taipa mieme witsimu'ia.

2

Tiriku mawariyari

¹ »Xika xewiti tiriku mawariyari Yawé het-siemieme yetuamiki, miki tiriku mitixiyari 'aixia mi'ane pihikitini, hetsiena huriwa hatseitiyari peutituani meta 'ikwa witsimu'ia.

² Hiki 'Aruni niwemama mawari wewiwamete wahetsia kaniyetuamiki, mana xeimamayari panatituni harina witsimi'ane hatseiti mini'i meta 'ikwa witsimu'ia nikame, hiki mawari wewiwame 'imikieri ma'eriwa mawariyari mawari taiyametsie kanitataiyamiki. Miki mawari Yawé miyetuiriyariwa taipa mieme witsimu'ia kanihikitini.

³ Tiriku mitixiyari mawariyari muyuhayewa, 'Aruni meta niwemama wahetsiemieme kati-nayeimiki. Miki 'imikieri taipa warikariekame Yawé hetsia miyetuiya, 'iki pihiki waikawa mipatsie.

⁴ »Kepauka xewiti tiriku mitixiyari mawariyari mukwaxiyarie miyetuani huxunuta mieme, miki paa 'aixia mi'anene pihikitini tikuxanariyame mikani'i, huriwa hatseitiyariki xeikia pihawiyarieka meta paa huriwa hatseitiyari piwiriarietikani.

⁵ »Xika tiriku mitixiyari mawariyari xakitsie mukwaxiyarie xeyetuani, miki 'imikieri tiriku

mitixiyari 'aixia mi'ane pihikitini tikuxanariyame kanikame, hatseitiki xeikia hawiyariekame.

⁶ Yayeyeume xepitaraxiani meta hatseiti xepanutituani. Miki tiriku 'imikieri mawariyari mihikiki.

⁷ »Xika tiriku mitixiyari mawariyari xarita kwaxiyariekame pe'ixatiani, miki 'imikieri harina mitixiyari 'aixia mi'ane pihikitini hatseitiki xeikia pihawiyarieka.

⁸ Tiriku 'imikieriyari mipai reukuwewiyakame xepiatiani Yawé hetsia, hiki mawari wewiwame pepiyetuirieni, miki piyaneni mawari taiyametsie miyetuani.

⁹ Mawari wewiwame miki 'imikieri yapaimeme 'anatitume mawari ma'eriwa mihikitiniki, mawari taiyametsie pitataiya. Miki 'imikieri Yawé miyetuiriyariwa taipa mieme witsimu'ia kanihikitini.

¹⁰ Tiriku mitixiyari mawariyari muyuhayewa, 'Aruni meta niwemama wahetsiememe kanayeimiki. Miki 'imikieri taipa warikariekame Yawé hetsia miyetuiya, miki pihiki waikawa mipatsie.

¹¹ »Xeme 'imikieri Yawé xemiyetuirieni tikuxanariyame pikanika, xiete meta tikuxanariyame pikatitaiyariwani miki 'imikieri Yawé miyetuiriyarie taipa mieme mihikiki.

¹² Xiete meta tikuxanariyame Yawé xepite'anutikirieni mawari matari mieme mayaniki, peru miki mawari taiyametsie xepikatehapineni witsimu'ia hepai.

¹³ Naime 'imikieritetsie xemiyetuirieni piti'unamatikani, hatsuaku xekakaiyari

tiratuyatsie 'una heuyeweti pikahayeikani. Naime miki 'imikierite piti'unamatikani.

¹⁴ »Xika Yawé 'imikieri matiari tiriku mitikaxuawere xexatiakuni, miki tiriku mihehekwa pihikitini, meta pitixieka yaxeikiata xatitsie pixarikietikani. Miki mexiakame 'imikieriyari mihikiki.

¹⁵ Miki 'imikieritetsie huriwa hatseitiyari meta 'ikwa witsimu'ia pepanutituan.

¹⁶ Mawari wewiwame tiriku mihehekwa meta mitixiyari yapaimeme pititaiya mawari ma'eriwa mihikitiniki, huriwa hatseitiyari meta 'ikwa witsimu'ia naime yinikame. Miki 'imikieri taipa mieme Yawé muxatiarie kanihikitini.

3

'Aixia memiteyuxeiyaniki mawariyari

¹ »Xika xewiti Yawé tuuru yetuirieni 'aixia memiteyuxeiyaniki mawariyari, kanixatiamiki 'aixia 'aneme tsepa mitituuru yatini tsepa mitiwakaxi.

² Kemi'ane 'imikieri miyetuani miki wakaxi muwaxitekieni mu'uyatsie peutimeni, miranutahakitiretsie 'ixuriki tukiari manuwe hixie. Hiki 'Aruni niwemama mawari wewiwamete, xuriya mekwewieme mawari taiyame 'aurie mepeyeurietikine.

³ Kemi'ane miyetuani Yawé hetsia, 'imikieri taipa kuaxiyariekame, 'iki 'imikieri 'aixia memiteyuxeiyaniki mawari pihiki: wiya meta kwinuri naime mi'eimatika piyetuirieni,

⁴ mumé muhuta wiyayari mi'eimatika, meta wiya katutsitiana mieme, meta wiya nemaya

heimana mikawere, miki pirayehapanieni mumé muhuta yinikame.

⁵ Hiki 'Aruni niwemama naime 'iki mawari taiyametsie mekatenititaiyakuni, mawari taiyari-yari heima matita'a muyekatsie. Miki mawari Yawé miyetuiriyariwa taipa mieme witsimu'ia kanihikitini.

⁶ »Xika mawari 'aixia memiteyuxeinyaniki miyetuani tuuru hikitini, kemi'ane miyetuani Yawé kaniyetuiriemiki 'aixia 'aneme, tsepa mitiwakaxi yatini mitituuru.

⁷ Xika 'imikieri muxa hikitini, Yawé hixie xepiyetuani,

⁸ mu'uyatsie putimeni 'anake pimieni 'ixuriki tuki-yari manuwe hixie. Hiki 'Aruni niwemama xuriyaya mawari taiyame 'aurie mepayeurietikine.

⁹ Kemi'ane miyetuani Yawé hetsia 'imikieri taipa kwaxiyariekame, 'iki mawaritsie mieme yamitipaime pitihikitini: wiya meta kwaxieya naimime, (tsutianapaiti kanexitemiki), wiya meta kwinuri naime mi'eimatika piyetuirieni,

¹⁰ mumé muhuta wiyayari mi'eimatika, meta wiya katutsitiana mieme, meta wiya nemaya heimana mikawere, miki pirayehapanieni mumé muhuta yinikame.

¹¹ Hiki mawari wewiwame miki naime mawari taiyametsie katinititaiyamiki. Miki 'ikwai kanihikitini, mawari taipa warikarieti Yawé hetsia miyetuiwa kanihikitini.

¹² »Xika tsipu 'uka hikitini mawari 'imikieri mayaniki Yawé hixie piyetuani.

¹³ Mu'uyatsie putimeni, 'anake 'ixuriki tuki-yari manuwe memanutakika hixie penutixiteni. Hiki 'Aruni niwemama xuriyaya mawari taiyame 'aurie mepayeurietikine.

¹⁴ Kemi'ane mitiyetuani Yawé hetsia 'imikieri taiyariyari, miki pitihikitini: wiya meta kwinuri naime mi'eimatika piyetuirieni,

¹⁵ mumé muhuta wiyayari mi'eimatika, meta wiya katutsitiana mieme, meta wiya nemaya heimana mikawere, miki pirayehapanieni mumé muhuta yinikame.

¹⁶ Hiki mawari wewiwame naime miki mawari taiyametsie katinititaiyamiki. Miki 'imikieri taiyariyari Yawé minake witsimu'ia kanihikitini, miki naiti wiya Yawé hetsia kanimiemetini.

¹⁷ »'Iki kanihikitikamiki 'aitsika xexiiyarima wahetsie mieme yamemitekahuniki, tsepa hakewa xemetiteni. Xuriya xepikakwa'ani meta wiya».

4

'Itiya mawariyari

¹ Yawé Mui sexi mipai katiniuta'aitiani

² 'ixaheritsixi mipai mitiwatahiaweki: «Kepauka xewiti 'atsikatimaiti Yawé 'aitsikayatsie 'axamitiyurieni, tixaitiki kemikareuyewetse xika tiuyurieni, miki 'ipai pita katiniyurimiki:

'Itiyari mawariyari mawari wewiwame het-siememe 'axamitiyuriki

³ »Xika xewiti mawari wewiwame Kakaiyari menayexei 'axatiuyurieni, yunaiti teiteri wahetsie katinahiiyamiki, miki mawari

Yawé kaniwewiriemiki tsikeru 'aixia 'aneme kanitimawamiki mi'itiyaniki.

⁴ Yawé hixie tsikeru kananuhanimiki, 'ixuriki tukiari manuwe mirayutixexeiritire pi'atiani miranutakikatiretsie, 'ana tsikeru mu'uyatsie 'utimetu Yawé hixie puwaxiteni.

⁵ Mawari wewiwame manayexeyarie tsikeru xuriyaya yapaimeme kwewieme 'ixuriki tukiari manuweta paiti penuhana.

⁶ Yu'itiwameki xuriyata peukameni, 'anari 'atahutamexia pei'iyaxiani 'ixuriki meuwie hepatsie Yawé hixie.

⁷ Hiki mawari wewiwame mawari taiyame 'awateya naukametsie xuriya panuwirixiani 'ikwa witsimu'ia Yawé hixie muwe, 'ixuriki tukiari murewayutixexeiritire. Hiki tsikeru xuriyaya muyuhayewa mawari taiyame 'ikateyati pitiyeuri, 'ixuriki tukiari manuwe hixie miranutakikatiretsie muwe.

⁸ Hiki, tsikeru mumerie 'itiya mawariari hetsiememe, naime wiyaya kwinuriteya mi'eimatika mepitehayepini,

⁹ mumé muhuta wiyayari mi'eimatika, meta wiya katutsitiana mieme, meta wiya nemaya heimana mikawere, miki pirayehapanieni mumé muhuta yinikame.

¹⁰ Mipai xekateniyurikuni tuuru hetsie 'aixia memiteyuxeyaniki mawariari wiyaya kexemite'ayepine hepai. Hiki mawari wewiwame naime miki mawari taiyametsie katinititaiyamiki,

¹¹ peru naiti mitiyuhayewa nawiyari, waiyari, mu'uya, 'ikateya, kwinurite meta kwitaya,

¹² Miki naiti mutiuyuhayewaxi tsikeru

hetsie timieme, yateewa paiti xepenyuetuni maku'itiyarietsie, miki naxi matiwiwiwatsie taipa miratitaiyariwatsie xepitiwiwieni naiti mitaxiniki. Naxi matiwiwiwatsie kanitaximiki.

'Itiya mawariyari yunaiti kiekatari xika 'axamete'uyurieni wahetsiemieme

¹³ »Xika yunaiti 'ixaheritsixi 'at-simekatemaiti 'axamete'uyurieni, 'ana yunaiti memiyukuxexeiriwa wahetsie pirahiyaka Yawé 'aitsikaya kemira'imawa memika'anu'eniki.

¹⁴ Xika kwitiwa miki yameteheyutimani kename 'atsimekatemaiti 'axamete'uyuri, 'ana tsikeru 'aixia mi'ane mekanitimawakuni memi'itivaniki, 'ixuriki tukiari manuwe hixie mekanenuhanikuni,

¹⁵ hiki kiekatari 'ukirawetsixi, mana tsikeru mu'uyatsie mekanitumeikuni, 'ana mekaniwaxitekuni Yawé hixie.

¹⁶ Hiki mawari wewiwame Kakaiyari menayexei, tsikeru xuriyaya yapaimeme kwewieme 'ixuriki tukiari paiti penuhana,

¹⁷ yu'itiwameki xuriyata peukameni, 'anari 'atahutamexia pei'iyaxiani 'ixuriki meuwie hepatsie Yawé hixie.

¹⁸ 'Arikeketa mawari taiyame 'awateyatsie xuriya 'etsiwa panuwiriexiani, 'ikwa witsimu'ia Yawé hixie muwe, 'ixuriki kiiyarita. Xuriya muyuhayewa mawari taiyame hetia kanitiyeurimiki, 'ixuriki kiiyari manuwe hixie miranutahakitiretsie muwe.

¹⁹ Yaxeikiata mawari wewiwame naima wakaxi wiyayari payetuni, 'ana mawari taiyametsie pitataiya,

20 Yaxeikia tsikeru hetsie mīrayepine xepite'anatipini 'itiya mawariyari xemite'uwewi hepai. Mipai mawari wewiwame miki memi'itiyaniki pitiwewieni wahetsiememe, miki mepiteheuyehiwiyarieni.

21 Hiki tsikerutsie timieme mitiyuhayewaxi naime pīranuyepini yateewa memakuteitsie taipa pihayewa mitixiniki, xewiti tsikeru kemirayepiniyarie hepai. 'Iki kanihikitini 'itiya mawariyari yunaiti memuyutixexeiriwa wahetsiememe.

22 »Xika xewiti kiekari mihiritiarie 'axatiuyurieni 'atsikatimaiti Yawé xekakaiyari 'aitsikayatsie kemira'imawa, hetsiena pīrahiiyaka.

23 Kepauka yamireyutimani kename 'axatiuyuri, 'ana penuhana xeime tsipu 'ukitime 'aixia 'anekame mawari mayaniki.

24 'Ana mu'uyatsie 'utimeme Yawé hixie kani-waxitemiki, hakewa memanutixitewa mawari taiyariyari mayaniki. Miki memi'itiyani mawari-yari pi'ayumieme.

25 Hiki mawari wewiwame 'itiya mawariyari xuriyayatsie yu'itiwame heuketsati mawari taiyame 'awateyatsie penuwirixiani, kwitita xuriya muyuhayewaxi mawari taiyame 'ikateya hetia pitiyeurieni.

26 Kwitita mawari taiyametsie naime tsipu wiyayari pitataiya, mawari memuyuxewiniki mawariyari mitiuwewiwa hepai. Mipai mawari wewiwame 'itiya pitiwewieni kiekari mihiritiarie 'axamitiuyuriki pīreuyehiwiyarieni.

'Itiya mawariyari xika 'axatiuyurieni mana

kiekametiti

²⁷ »Xika tewi mana kiekametiti 'axatiuyurieni 'atsikatimaiti, Yawé 'aitsikaya kemira'imawaki, hetsiena pīrahīiwani.

²⁸ Kepauka yamīreyutimani kename 'axatiuyuri, kaneuyeweka miyetuani tsipu 'ukatime 'aixia mi'ane 'axamītiuyuriki kīmana mireuyehiwiyarieniki.

²⁹ Hiki tsipu mu'uyatsie putimeni, kaniwax-itemiki hakewa memanutixitewa mawari taiyari-yari mayaniki.

³⁰ Hiki mawari wewiwame xuriyatsie yu'itiwame heuketsati 'etsiwa mawari taiyame naitsata 'awateyatsie pawiriexiani, hiki xuriya muyuhayewa mawari taiyame hetia pitiyeurieni.

³¹ Hiki tsipu wiyayari naime mepayetuni 'aixia memiteyuxeiyaniki mawariyari kememiteheyetu'iriwa hepai, hiki mawari wewiwame naime mawari taiyametsie kanitataiyamiki, witsimu'ia Yawé minake mihiki. Mipai mawari wewiwame 'itiya hetsiena mieme pitiwewieni, miki ke'axamītiuyuriki pīreuyehiwiyarieni.

³² »Xika tewi muxa yetuani mi'itiyani mawari-yari mayaniki, miki muxa 'uka 'aixia mi'ane pihikitini.

³³ Muxa mu'uyatsie 'utimetī kaniwaxitemiki 'itiya mawariyari mayaniki, hakewa memanutix-itewa mawari taiyariyari mayaniki.

³⁴ Hiki mawari wewiwame 'itiyari mawariyari xuriyayatsie yu'itiwame heuketsati mawari taiyame 'awateyatsie panuwiriexiani, kwitita

xuriya muyuhayewaxi mawari taiyame 'ikateya hetia naime pitiyeurieni.

³⁵ Kwitita tsipu wiyayari naime mepayetuni, muxa wiyayari 'aixia memiteyuxeianiki mawariyari memite'ayetu'iri hepai, mawari wewiwame mawari taiyametsie pitataiya 'imikieri mawari taipa warikarieti Yawé hetsiemieme miyetuiya heima. Mipai mawari wewiwame miki tewi hetsiemieme 'itiya pitiwewieni, ke'axamitiuyuriekaiki pireuyehiwiyarieni.

5

'Itiya mawariyari 'ayewaikawameki xika 'ax-atiuyurieni hepaitisa

¹ »Xika xewiti xeme 'anayexeiyarieni heitserie mititaxataki tita mitiuxei meta tita mutiu'eni hepaitisa, xika yuku'imawani katixatamiti pitika'eniexiani 'axamitiuyuriki.

² »Yaxeikia xewiti xika 'atsikatimaiti mitimiki tiumayiani, tewatsiekame yatini yeutanaka meta yutawima mukuyeika, miki ka'itiyati kanayuyeitiamiki hetsiena katinahiyamiki tsepa 'atsimikaretima.

³ »Xika xewiti 'atsikatimaiti tewi mika'itiya 'umayiani waiyarieyatsie, tsepatitaki miki mikati'itiya, mikita ka'itiyati payuyeitiani. Xika 'arike mipai retimani hetsiena pituhiiwani.

⁴ »Xika xewiti 'atsikatimaiti 'uyutakeni 'ipai tiyihiritiati, mexia niuki wewieti 'aixia mitiyurieniki, yatini 'axamitiyurieniki, matsi xikaratimaiya, hetsiena katinahiyamiki kepauka miki meye'erienitsie.

⁵ »Kemi'ane hetsiena mirahiwa 'iki naime hepaitsita, kaneuyeweka muyutahekiataki ke'axamitiuyuriki,

⁶ meta peuyewetse Yawé mawari miwewirieniki hetsiena mitiuhiiwa mawariyari xeime muxa 'ukatime yatini kapira 'axakemitiuyuriki. Mipai mawari wewiwame 'itiya pitiwewieni 'axamitiuyuriki.

Tixaiti mikarexeiya hetsiemieme

⁷ »Xika xewiti muxa minaneniki ka'i'axeni, Yawé pita panutikirieni yuhutame weuraixi yatini haimixi mirayukatuani mawariyari ke'axamitiuyuriki. Xewiti miki mi'itiyaniki mawariyari payani, xewitita mawari taiyariyari payani.

⁸ Mawari wewiwame hetsia piwa'atiani, miki waurai meri piyetuiyani mi'itiyaniki mawariyari mayaniki. Hiki kapieya puwakuhirumina mu'uya ka'anutiteketi.

⁹ Kwitiwata 'itiya mawariyari xuriyayaki 'etsiwa xeitapatsie mawari taiyame peuta'iya, meta xuriya muyuhayewa mawari taiyame hetia pita'ipakieni. Miki 'itiya mawariyari pihiki.

¹⁰ 'Utimana miemeta mawari wewiwame kani-tataiyamiki aitsika kemaine. Mipai mawari wewiwame 'itiya pitiwewieni, 'ana ke'axamitiuyuriki pireuyehiwyarieni.

¹¹ »Yatini matsi yuhutame weuraixi meta haimixi pikatiwa'axe, huta kiruyari tiriku mitixiyari 'aixia mi'ane pita pi'atiani 'itiya mawariyari mayaniki. Huriwa hatseitiyari pika'iniituani meta 'ikwa witsimu'ia, miki 'itiya mawariyari kanihikitini.

¹² Mawari wewiwame hetsia pi'atiani, mikita yumamaki yapaimeme 'anatitume ma'eriwaniki mawariyari, 'ana mawari taiyametsie naime yinikame pititaiya Yawé hixie. Miki 'itiya mawariyari pihiki.

¹³ Mipai mawari wewiwame 'itiya pitiwewieni ke'axamitiuyuritsie mieme mipai miki pireuyehiwiyarieni. Mawari muyuhayewa mawari wewiwame hetsiemieme payani, yaxeikia tiriku hatsiyari mawariyari hepai».

Mirayukatuani mawariyari

¹⁴ Merikitsi Yawé Muitsexi mipai katiniu-tahiawe:

¹⁵ «Xika xewiti tewi 'atsikatimaiti 'axatiuyurieni Yawé tipiinieya mitipatsietika hepaitita, kaneuyeweka muxa 'uki Yawé manuhanirieniki 'aixia 'aneme 'imikieri mirayukatuani mawariyari mayaniki. Pirata tukita keraye'akameki memiteyukutuaya hepai, 'iki mawari mirayukatuani mawariyari pihiki.

¹⁶ Miyatiyurieme, miki tewi pirayukatuani ke'axamitiuyuriki Kaka'yari tipiinieya mitipatsietikatsie timiemeki, 'auxiwimeyaritsie mieme xei'iniariyari mawari wewiwame kaniyetuiriemiki. Mipai mawari wewiwame 'itiya pitiwewieni tewi hetsiemieme muxa 'ukiki mirayukatuani mawariyari mayaniki, 'ana pireuyehiwiyarieni ke'axamitiuyuriki.

¹⁷ »Xika xewiti 'atsikatimaiti 'axatiuyurieni Yawé 'aitsikaya kemikahainetsie, tsepa 'atsikatiuyurieme muyu'erie tiuka'eniwati payani 'axamitiuyuriki.

18 Miki muxa 'uki 'aixia mi'ane panuhana mawari wewiwame hetsia, miki mirayukatuani mawariyari kemitika'iniari kaniyetuamiki. Mipai mawari wewiwame 'itiya pitiwewieni hetsiena mieme miki 'axakemitiuyuriki 'atsikatimaiti, 'ana miki pireuehiwiyarieni.

19 'Tki mirayukatuani mawariyari kanihikiti, kemi'ane yuriki hetsiena mitiuhiya 'axamitiuyuriki Yawé hepaitsita».

6

1 Yawé Muitsexi mipai katiniutahiawe:

2 «Xika xewiti hetsie rahiyani 'axaka-tiniyurimiki Yawé hepaitsita, 'aixia kati'iwiya kepauka hepaina tewi tixaiti tihiritiaku, yatini tinawatsirieni, yatini wairiyarika tinawairieni tita miki mitipiinieya,

3 yatini xika tixaiti retaxeiyame reuehiyaku kename kaheixeiya 'utayini yaki'utaiti yihiritiani yamiti'iyamateki xeikia,

4 kemi'ane 'iki miyapaimeme hepaitsita yuhepai tewi mukwamanaxi miki hetsiena pirahiyani. Miki tewi piiniteya mitinawatsiri tihiritiaku katiniyetuiriemiki. Meta tita wairiyarika mitinawairi, yatini tita reuehiyaku mitiutaxe mika'itaxa, yatini tixaiti tiutaxeiyaka kename kaheixeiya 'utaiti,

5 yanutsu tsepa titaki yuhiritiati tiu'itani. 'Ayumieme pitietuani heitseriemeki meta 'auxiwimeyaritsie mieme xei'iniariyari kaniyetuamiki tita mirexeiyani. Naime 'iki kutsiyarieya katiniyetuiriemiki kepauka mirayukatuani mawariyari muwewienitsie.

⁶ Yawé panuhanirieni muxa 'uki 'aixia mi'ane, mirayukatuani mawariyari kemitika'inari kaniyetuamiki. 'Ana mawari wewiwame piyetuirieni,

⁷ miki 'itiya miwewieniki Yawé hixie tewi hetsiemieme, tsepa titaki hetsiena mirahiwa pireuyehiwarieni».

Mawari taiyariyari

⁸ Yawé Muitsexi mipai katiniutahiawe

⁹ 'Aruni meta niwemama mipai mitiwatahiaweki: «'Iki 'inari niukiyari kanihikitini mawari taiyariyarietsie mieme: Mawari taiyariyari pitaka mawari taiyametsie tikariki kepaukake mikataretsie.

¹⁰ Mawari wewiwame rinu kamixayari panakatini meta weruxiyari yukamixa hetia, hiki mawari taiyariyari naxiyari kanikuxerimiki, mawari taiyame 'aurie pitiyeni.

¹¹ Hiki kamixate mawari hetsiemieme miranakatikikai kananutihinaxiamiki, hipameta kamixate ranakatime mematiteitsie naxi panuyetuni, hakewa maku'itiyarietsie penutuni.

¹² Mawari taiyametsie tai yapititaka mepika'ikutitsani. Mawari wewiwame matsi kiyexi panutixiriwani ximeri meta mawari taiyame heima mawari taiyariyari 'aixia pititeni heimana 'aixia memiteyuxeyaniki mawariyari wiyayari mitataiyaki.

¹³ Tai mawari taiyametsie mieme hatsuaku tima pikahanukatititseni, yuheyemeki yapititaka.

Tiriku mawariyari

14 »'Iki 'iniari niukiyari kanihikitini tiriku mawariyaritsie mieme: 'Aruni niwemama Yawé hixie, mawari taiyametsie mekaniyetuiriekuni.

15 Mawari wewiwame xeimamayari 'imikieri mawariyari panatituni tiriku mitixiyari 'aixia mi'ane hatseiti nikame, meta 'ikwa witsimu'ia hatsi mawariyari heima maka. Naime 'iki mawari taiyametsie xekanititaiyakuni, mawari ma'eriwa 'imikieri witsimu'ia Yawé minake mayaniki.

16 'Aruni meta niwemama 'imikieri mawariyari manayuhayewa mekanitikwaikuni, hakewa mekupatsietsie tikuxanariyame kanikame, 'ixuriki tukiyari manuwe takwayaritsie piyiwani memitikwaniki.

17 Tikuxanariyame kaniti puka'etsariwani, miki kanihikitini mawari wewiwamete nemixeyetuirie nemawari xemnetsiwewirie taipa. 'Iki pihiki waikawa mipatsie kepapaiyeti wahetsia mumieme, miki mi'itiyani meta mirayukatuani mawariyari pihiki.

18 Yunaiti 'Aruni niwemamata 'ukitsi mepiyiwaweni memitikwaniki. Miki 'aitsika kanihikitini yuheyemeki xetiiriyama wahetsiememe, mawari taipa kemiti'atariwa Yawé hetsiememe. Tsepa ketita piinitetsie mawari mireutawerixi miki patsieti payani».

'Imikieri mawariyariki kememite'anayexexeyariwa

19 Yawé Muitsexi mipai katiniutahiawe:

20 «'Iki kanihikitini 'Aruni meta niwemama Yawé hixie mawari memiyetuanu kepauka mawari wewiwameteki memanayexeyarienitsie. Huta kiruyari tiriku mitixiyari 'aixia mi'ane

wamawari pihikitini, ximeri hixiata 'arikame taikaita hixiata 'arikame.

²¹ Katsuweratsie pikawewiwani hatseitiki pinariekame, 'imikieri 'etsipepekame penu'ini Yawé hixie witsimu'ia minake mayaniki.

²² 'Aruni nu'aya pikuha'aritiwani kemi'ane mawari wewiwameki manayexeyarieni. 'Iki 'aitsika yuheyemeki Yawé hetsia kanimiemetini: Miki mawari naiti kanititaiyariwamiki.

²³ Naiti tiriku mawariyari mawari wewiwamete memiyetuani pikatikwaiwani, naiti pititaiyariwani».

'Itiya mawariyari

²⁴ Yawé Muitsexi mipai katiniuta'aitiani

²⁵ 'Aruni meta niwemama mipai mitiwatahiaweki: «'Iki 'iniari niukiyari kanihikitini kemitiu'itiyani mawariyari hepaitsita: Tita mitimawarie Yawé hixie kaniwaxitekiemiki. Hakewa memewaxitewa mawari taiyariyari mayaniki. 'Iki kanihikitini mawari yemek i waikawa mipatsie.

²⁶ Mawari wewiwame kemi'ane 'itiya mawariyari miwewieni miki kanitikwaimiki. Hakewa makupatsietsie, piyiweni 'ixuriki tukiyari manuwe takwayaritsie mitikwaniki.

²⁷ Tsepa kemtitita xika wai mawaritsiemieme heutawere patsieti payani. Xika xuriya 'ixurikieyatsie hawere kaneuyeweka makupatsietsie mita'ekwaki.

²⁸ Yaxeikiata, peuyewetse haxu xariyari mitatararieniki mikita mawari muka'etsarieki, mawari xika wurunitse xariyarita 'uka'etsarieni

tepiaki naime piwakukaraxieni meta haki
piwakuhauxini.

²⁹ Yunaiti 'ukitsi mawari wewiwamete
wahamatia mekaniyiawaweni mawari
memitikwaniki. 'Iki kanihikitini mawari yemeki
waikawa mipatsie.

³⁰ Matsi 'itiya mawariyari mitikwayaniki
pikayiweni miki xuriyaya tuki muyepat-
sietā me'iiwaki mixinarieni mawariyari
muwewiyaniki, 'ayumieme miki mawari taiki
kanitixitsitariemiki.

7

Mirayukatuani mawariyari

¹ »'Iki 'iniari niukiyari kanihikitini
mirayukatuani mawariyari hepaitsita, miki
waikawa mipatsie kanihikitini:

² 'Iki mawari Yawé hixie kaniwaxitekiemiki,
hakewa memetikwikwiwatsie mawari taiyariyari
mayaniki, meta xuriyaya mawari taiyame 'aurie
pitiyeuriyani.

³ Hiki naiti wiyayari pixatarieni: kwaxieya,
wiyaya kwinurieya mi'eimatika,

⁴ mumé muhuta meta wiyayari mi'eimatika,
meta wiya katutsitiana mieme, meta wiya ne-
maya heimana mikawere, miki pirayehapanieni
mumé muhuta yinikame.

⁵ Mawari wewiwame naime miki mawari
taiyametsie pitititaiya, mawari taipa warikarieti
Yawé hetsia miyetuiwa kanihikitini. Miki
mirayukatuani mawariyari pihiki.

⁶ Yunaiti 'ukitsi mawari wewiwamete
wahamatia mekaniyiawaweni mawari

memitikwaniki. Piyiweni makupatsietsie memitikwaniki. 'Tki kanihikitini mawari yemeki waikawa mipatsie.

'Tkwai mawari wewiwamete wahetsiemieme

⁷ »'lki 'iniari niukiyari yaxeikia paine, mi'itiyani mawariyari hepaitsita meta mirayukatuani mawariyari hepaitsita: Muxa mawari wewiwame hetsie pimiemetini mixinarieni mawariyari muwewiki.

⁸ Yaxeikiata nawiyarieya, mawari wewiwame hetsiemieme pihikitini mawari taiyariyari muwewiki.

⁹ Yaxeikia naiti hatsite mawariyari huxunuta xarikietikaiti yatini xarita, meta katsuweratsie, miki mawari wewiwame kemi'ane miyetuani hetsiemieme pitihikitini.

¹⁰ Naiti tiriku mawariyari, xarikiyari yatini hatseitiki mihawiyarie, 'Aruni niwemama wahetsiemieme payani, mepitikwani yunaiti yaxeikia papaimeme.

'Aixia memiteyuxeyani mawariyari

¹¹ »'lki 'iniari niukiyari kanihikitini 'aixia memiteyuxeyani mawariyari Yawé miyetuiriya:

¹² Xika pamipariyutsi xemipitianiki hikiti, piyiwenta paa tikuxanariyame kaniti hatseitiki xeikia hawiyariekame, yatini paa kixauyari tikuxanariyame kaniti hatseiti nikame xeikia, yatini paa tiriku mitixiyari 'aixia mi'ane hatseitiki xeikia hawiyariekame.

13 'Aixia memiteyuxeiyaniki mawariyari meta pamipariyutsi xemipitiaki, piyiweni meta paa tikuxanariyame nikame xemiyetuirieniki.

14 Xexuiti mawaritetsie mieme yapapaiyeti Yawé 'imikierieya 'aixia mi'ane pirayani miki mawari teiki petserarieni 'uyuitariwati. Miki mawari wewiwame hetsiemieme pirayani kemi'ane xuriya mitayeurieni 'aixia memiteyuxeiyaniki mawariyari hetsiemieme.

15 'Iki wai mawariyari piyiweni mitikwaiyaniki xeikia kepauka miyetuiyani tukariyaritsie, xepika'ikuhayeikawani 'uxa'arieka mieme mayaniki.

16 »Xika mawari kepemutayi mawariyari hikitini, yatini kepemiti'awariya mawariyaritini, miki wai mawariyari pitikwaiyani miki tukaritsie, mexika yuhayewa piyiweni 'uxa'arieka mitikwaniki.

17 Peru naiti wai muyuhayewa hairieka tukaritsie mieme taipa kanititaiyariemiki.

18 »Xika xewiti wai 'utikwani 'aixia memiteyuxeiyaniki mawariyaritsie mieme hairieka tukariyaritsie 'aye'ayu, mikiri mawari pikatanaki'eriwa meta tixaiti katiyunaki'erieti payani, kariki wai kanipininiri. Kemi'ane mitikwani tiuka'eniwati payani.

19 »Xika wai mawariyari tixaiti mikati'itiyatsie rautawere pikatikwaiyani, matsi pita taipa kanititaiyariemiki. Matsita xewiti wai mi'itiya, yunaiti teiteri memi'itiyatika mepiyiwaweni memitikwani.

20 »Xika xewiti tewi ka'itiyati 'aixia memiteyuxeiya mawariyari waiyarieya

'utikwani Yawé hetsiemieme miyetuiya, miki yuteiterima watsata payeweyarieni.

²¹ »Xika xewiti tewi ka'itiyakame 'umayiani yatini yeuta mitiuyeika yatini tixaiti timikime yatini tixiati mitixani'eriwa, xika wai 'aixia memiteyuxeianiki mawariyari Yawé muxatiarie 'utikwani, miki yuteiterima watsata payeweyarieni».

Xuriya meta wiya xika 'utikwani ke-memitekunamiariekai

²² Yawé Muietsexi mipai katiniuta'aitiani

²³ 'ixaheritsixi mipai mitiwatahiaweki: «Xeme tuuru, muxa meta tsipu wawiyayari xepikakwa'ani.

²⁴ Yeuta memite'u'uwa wawiyayari mikime yatini 'irawe 'itexierieya, tixaititsie timiemeki mirayani piyiweni, peru xemitikwaniki pikayiwani.

²⁵ Kemi'ane tewaxi Yawé hetsia memiyetuiya mawari taipa warikariyari wawiyayari mitikwani, miki payeweyarieni yuteiterima watsata.

²⁶ Tsepa xeme hakewa xemetiteni, tsepa wikixi meta tewaxi wawiyayari meta waxuriya xepikahekwa'ani.

²⁷ Kemi'ane tsepa tita xuriyaya mititikwani, miki payeweyarieni yuteiterima watsata».

'Imikieri mawari wewiwamete wahetsie timieme

²⁸ Yawé Muietsexi mipai katiniuta'aitiani

²⁹ 'ixaheritsixi mipai mitiwatahiaweki: «Kemi'ane Yawé 'aixia memiteyuxeianiki

mawariyari m̄wewirieni, m̄k̄i yapaimeme kaniyetuam̄k̄i Yawé h̄ixie mawari hetsiena mieme mayaniki,

³⁰ meta mawari taipa war̄kariekame xep̄iyetuani. Taim̄xieya meta wiyayari ȳk̄imana piyetuirieni mawari 'imikieri taipa war̄kariyari teik̄i kanetseram̄k̄i 'iyuit̄iwat̄i Yawé hetsiemieme mayaniki.

³¹ Mawari wewiwame mawari taiyametsie wiya p̄it̄ataiya, peru taim̄xieya 'Aruni meta niwemama wahetsiemieme payani.

³² Kepauka 'aixia mem̄teyuxeiyaniki mawariyari xem̄wewieka, teuri tserietana mieme mawari wewiwame xep̄iyetuiriēni, m̄k̄i mawari 'imikieri teik̄i metserar̄wa kanih̄ik̄it̄ini.

³³ M̄k̄i teuri tserietana mieme mawari wewiwame hetsia p̄imieme kem̄'ane xuriya meta wiya mawariyari muwewieni.

³⁴ M̄k̄i 'aixia mem̄teyuxeiyaniki mawariyari 'ixaheritsixi mem̄netsixat̄ia, ne taim̄xi meta teuri neputanaki'eri nemuxat̄arie, 'Aruni meta niwemama nem̄wayetuirieniki, mawari wewiwamete ne'imikieri 'aixia m̄'ane mayaniki. 'Ik̄i kanih̄ik̄it̄ini 'aitsika yuheyemek̄i 'aixia m̄'ane, 'Ixaheritsixi wahetsiemieme».

³⁵ Yawé muxat̄arie 'imikieri taipa war̄kariet̄i m̄iyetuiwa, m̄k̄i 'imikieriyari m̄ipatsie 'Aruni meta niwemama wahetsiemieme p̄ih̄ik̄i, kepauka mem̄itsut̄ia M̄uitsexi m̄iwayetua Yawé hetsia, mawari wewiwamete mem̄ak̄ineki.

³⁶ Kepauka mem̄anayexeiyarie, Yawé 'ixaheritsixi m̄ip̄ai p̄itiwar̄ih̄irit̄ia mem̄iwayetuiwaniki yuheyemek̄i tita wahetsie m̄itinakenikekai. 'Ik̄i

kanihikitini 'aitsika 'aixia mi'ane yuheyemeki xenuiwari wahetsiemieme.

³⁷ 'Iki naiti 'aitsikate kanihikitini mawari taiyariyari hetsiemieme, tiriku mawariyari, mi'itiyani mawariyari, meta mirayukatuani mawariyari, meta kememite'anayexeiyarie mawariyari, meta 'aixia memiteyuxeiyaniki mawariyari.

³⁸ Yawé Muitsexi Tsinahi yemuriyaritsie katiniyetuirieni, kepauka 'ixaheritsixi mitiwaruta'aitia mawari memixatianiki makumawetsie.

8

*'Aruni niwemama kememite'uta'aitiarie
(Maw 8:1-36 - Mem 29:1-37)*

¹ Hiki Yawé Muitsexi mipai katiniutahiawe:

² «'Aruni meta niwemama keniwaranuwitiki, meta wakemarite meta hatseiti mitiyupata memikawiriyarieni, meta tsikeru 'itiya mawariyari mayaniki, yuhutame muxatsi 'ukitsi meta tsikiiwiti paa mikakuxanariyarietika mayemane,

³ yunaime keniwarukuxeiri kiekatari 'ixuriki tukiari manuwe kitenieyaritsie».

⁴ Muitsexi yakatinikayani Yawé kemitita'aitia, kaniwarukuxeirieni yunaime kiekatari 'ixuriki tukiari manuwe kitenieyaritsie.

⁵ Muitsexi mana 'ipai katiniwarutahiawe: «'Iki kanihikitini Yawé kemitati'aitia yatemitayurieniki».

⁶ Hiki Muitsexi 'Aruni meta niwemama warutakwewieka 'ahurawa haki puwarukahauxi.

⁷ 'Ana 'Aruni kamixa tixukame panakatitia, hiyameki kanenakihiani meta kanenaku'eima

herie kamixa 'amitewiki, yaxeikia kamixa 'et-siminena wiwieriyariteki 'axia katinihiaxiani.

⁸ Kwitita kuka tawitsie mieme kanekatitiani, taitana tetexi *'urimi* meta *tumimi* kaneukayatsa.

⁹ Imatirieka 'ixuriki xupureruyari mu'uyatsie kanenutiketsirieni, hixiena huru tepiayari kanenuyeketsirieni 'iniari mihikitiniki kename patsie Yawé hetsiemieme, Yawé Muitsexi kemitiuta'aitia.

¹⁰ Hiki Muitsexi hatseiti mitiyupata watihanaka, tuki kaniutawirieni meta tinai me muwa mirayepikai tipatsieti mirayaniki kakaiyaritsie mieme.

¹¹ Mawari taiyametsie 'atahutamexia hatseitiki katinii'yaxiani mitipatsiekaki, miki haa mayema mawari taiyametsie meta kimana miwetika meta nai me wapaiti miratipine.

¹² Hiki Muitsexi 'Aruni mu'uyatsie kaniukawirieni hatseiti mitiyupata manayex-eiyarietsie mieme, kimana mipatsiekaki.

¹³ Kuitiwata Muitsexi 'Aruni niwemama 'ahurawa kaniwarutakwewieni, kamixa 'amititiki, 'ana kaniwarutikemaritiani wahi yameki kaniwaranahiaxiani, meta mukuretsi kaniwarana'uitirieni mawari wewiwamete memihiritiarie memakineki. Yaxeikia Yawé kemitiuta'aitiakai.

¹⁴ Hiki Muitsexi katiniuta'aita tsikeru mi'atiarieniki 'itiya mawariyari mayaniki, 'Aruni meta niwemama yumamaki tsikeru mu'uyatsie mekaniutimeni.

¹⁵ Hiki Muitsexi tsikeru kanewaxiteni, 'etsiwa xuriyatsie yu'itiwame kakeka, mawari taiyame 'awateyatsie naitсата kanawiriexiani mi'itayaniki

Kakaiyaritsie mieme. Xuriya muyuhayewaxita mawari taiyame hetia putiyeuri, mipai patsiekame pirayeitia hetsiena mieme meta memixinarieniki mawariyari.

¹⁶ Hiki Muitsexi naime wiya kwinuri mi'eimatika kaneukuxiteni, wiya nemaya heimana mikawere meta mumé muhuta mi'eima miki naime 'ukuxeiriekaka mawari taiyametsie kanititaiya.

¹⁷ Miki naiti tsikerutsie mitiuyuhayewaxi nawiyari, waiyari meta kwitaya, Muitsexi taipaka kanititaiya yateewa memakuteitsie, Yawé kemitita'aitiakai.

¹⁸ Muitsexi pitiuta'ai muxa 'uki mi'atiarieniki mawari taiyariyari mayaniki, hiki 'Aruni meta niwemama muxa 'uki mu'uyatsie mekaniutimeni.

¹⁹ 'Ana Muitsexi kanewaxiteni, xuriya mawari taiyame 'aurie kaniutayeuri.

²⁰ Hiki muxa 'uki kaniwayexitexiani, yaxeikiata mu'uya meta wiyayari meta 'etsipepeme mitiutixitekai naime katiniutitaiya.

²¹ Kwinurieyata haki kaniutihauxini meta 'ikateya, hiki mawari taiyametsie muxa 'uki naime kaniutataiya mawari taiyariyari mayaniki Yawé minake witsimu'ia, mawari taipaka warikariekame Yawé hetsia miyetuiwa kanihikitini. 'Iki 'imikieri taiyariyari, Yawé Muitsexi kemitiuta'aitiakai.

²² 'Ariketa Muitsexi tawari xeime muxa 'uki memi'atianiki katiniuta'aita, 'iki kememite'anayexeyarie mawariyari mayaniki, hiki 'Aruni meta niwemama muxa 'uki mu'uyatsie mekaniutimeni.

²³ Hiki Muitsexi kaniwaxiteni 'etsiwa xuriya 'anati'ika 'Aruni nakaya heima tserietana mieme 'etsiwa kaniuwirieni meta 'itiwameya 'amipayaritsie tserietana mieme meta 'ikayatsie mieme 'amipayari tserietana mieme.

²⁴ Yaxeikiata 'Aruni meta niwemama 'ahurawa memakineki kaniwaruta'inieni. 'Anari wanaka heima kaniwarutixurimani watserieta meta wa'itiwame 'amipayayaritsie watserieta mieme meta wa'ikatetsie 'amupapayari watserieta miemeyaritsie, hiki xuriya muyuhayewaxi mawari taiyame 'aurie kaniutayeuri ni naitata.

²⁵ Wiya meta kwaxieya naiti mana mirayepikai kwinurite miti'eimatika, meta wiya nemaya heimana mikawere, meta mumé muhuta wiyayari yuniti meta teuri tserietana mieme.

²⁶ Tsikiiwiti Yawé hixie mamakaitsie paa tikuxanariyame mikanitika mayemane xeime mikakuxanariyarie hanati'ika, meta mikixauni meta xeime paa tsuirayari hatseitiki xekia mihawiyarie, miki naime wiya heima katinapini meta teuri tserietana mieme.

²⁷ 'Iki tiname Muitsexi 'Aruni meta niwemama katiniwayetuirieni, hiki 'Aruni mawari Yawé kaniuxatiani hixiena teiki heititserieti 'iyuitiwati 'imikieri mawariyari minake.

²⁸ 'Ariketa Muitsexi kaniyetuiriyarieni, miki mawari taiyametsie kanititaiya, mawari taiyariyari yinikame, kememite'anayexeyarie mawariyari witsimu'ia mayaniki, meta 'imikieri taipa warikariekame Yawé miyetuiriyarie.

²⁹ Hiki miki mawari yapaimeme wahetsie mumieme, taimixieya 'anukutuka Muitsexi

Yawé hixie kaneititsera 'iyuitiwati, Yawé Muitsexi kemitita'aitiakai.

30 Hiki Muitsexi hatseiti mitiyupata memiwakawiriwa 'etsiwa 'anahanika meta xuriya mawari taiyametsie mieme, 'Aruni meta niwemama kaniwaru'iyaxiani meta wakemarite. Muitsexi mipai metepatsiekame 'Aruni meta niwemama piwarayeitia metatsiere wakemarite.

31 Hiki 'Aruni meta niwemama Muitsexi mipai katiniwarutahiawe: «Xemayutixexeiriwa Kakaiyari hamatia 'ixuriki kiyari manuwe xemeutahaketsie, mana wai xekeneuka'etsa meta xekeneukwa'i paa kememite'anayexeiyarie mawariyari nikame, mipai kenemitixe'uta'aitia kepauka 'ipai nemutayitsie: “Aruni meta niwemama mepitikwani”.

32 Naiti wai meta paa mitiuyuhayewaxi xepititaiya.

33 'Ixuriki tukiari kitenie xemayutixexeiriwa miranutahakitiretsie, mana 'atahuta tukari xekenekuteni, kepaukake xemanayexeiyarie maye'ani, 'atahuta tukari katineuterimiki.

34 Yawé katiniuta'aita mixinarieni mawariyari muwewiyaniki xehetsiemieme, yaxeikia hiki hepai.

35 Merikite 'ixuriki tukiari miranutahakitiretsie mana xekanikutekuni 'atahuta tukari meta tikariki, Yawé kemixetiuta'aitia xemeye'atiakaki, xemikakukukuweniki. Yawé mipai kanetini-uta'aitiani».

36 Hiki Yawé Muitsexi kemitiuta'aitia, 'Aruni meta niwemama yamekatenikakine naimetsie.

9

*Mawari wewiwamete yu'uximayatsika
kememite'utsutia*

¹ Merikite 'atahairieka tukaritsie, Muitsexi 'Aruni kaniutahiawe meta niwemama, metatsiere 'ukirawetsixi 'ixaheritsixi wa'ukiyarima.

² Hiki 'Aruni mipai katiniutahiawe: «Tsikeru xeime kene'atia mi'itiyani mawariyari mayaniki, meta xeime muxa 'uki mawari taiyariyari mayaniki, miki 'aixia mepi'aneneni Yawé pekanixatiamiki.

³ Kwitiwata 'ixaheritsixi mipai ketiniwarutahiawi: “Xekene'atia xeime tsipu 'ukitime 'itiya mawariyari mayaniki, xeimeta tsikeru meta muxa mawari taiyariyari mayaniki, 'aixia me'anenekame xeiwiyari mehitikaime.

⁴ Yaxeikiatatsiere tuuru xeime xekene'atia xeimeta muxa 'uki Yawé temitimawirieniki 'aixia memiteyuxeyani mawariyari mayaniki, meta tiriku mawariyari hatseitiki hawiyariekame. Yawé hiki kaniyuhematikamiki xehixie”».

⁵ Hiki 'ixaheritsixi mekatenetini 'ixuriki tukiari manuwetsie paiti Muitsexi kemitiwaruta'aitiakai, yunaiti mana kiekatari mekaniu'axiani Yawé hixie mekaniti'uni.

⁶ Muitsexi mipai katiniwarutahiawe: «'Iki kanihikitini ti'aitame mitixe'aitia yaxemiteyuriekaki, Yawé witsi'aneti kemitimatsiikini xehixie».

⁷ Hikita Muitsexi 'Aruni mipai katiniutahiawe: «Mawari taiyametsie 'ahurawa keneuye'a, 'itiya mawariyari meta mawari taiyariyari keneuwewi 'ahetsiemieme. Meta mixinarieni mawariyarita

keneuwewi 'ahetsiemieme meta teiteri wahet-siemieme. Mawari keneuxatia teiteri wahet-siemieme meta mixinarieni keneuwewi wahet-siemieme, Yawé kemitiuta'aitaxi».

⁸ Hiki 'Aruni mawari taiyametsie 'ahurawa 'uyaka, tsikeru kaniwaxiteni 'itiya mawariyari hetsiena mieme mayaniki.

⁹ 'Aruni niwemamata xuriya mekanei'iirieni, miki yu'itiwame xuriya 'utawirieka mawari taiyame 'awateyatsie kaniuwirixiani, meta xuriya kaniutiyeurieni mawari taiyame hetia.

¹⁰ Hiki wiyayari mawari taiyametsie kaniuti-taiya, muhuta mumé meta wiya nemaya heimana mikawere mitimawarietsie mieme, mipai Yawé Muitsexi mitiu'aitiakaiki.

¹¹ Nawiyari meta waiyarieya memakuteitsie ya-teewa paiti kaniutitaiya.

¹² 'Ariketa 'Aruni mawari taiyariyari mayani kaniwaxiteni. Niwemama xuriya makanei'iirieni, miki kanitayeurieni mawari taiyame waritana naitsarie.

¹³ Yaxeikiata tuurutsie mitiwayexitekiexia meta mu'uya yunikame mekateneitituirieni, 'ana miki mawari taiyametsie katiniutitaiya.

¹⁴ Kwinurite meta 'ikate kaniutihauxini, hiki naime mawari taiyametsie katiniutitaiya mawari taiyariyari yinikame.

¹⁵ Hiki 'Aruni teiteri wahetsiemieme mawari kaniyetuani, tatsiari tsipu 'ukitime 'itiya mawariyari mayaniki. 'Iwiya kaniwaxiteni 'itiya mawariyari kanixatiani, matiari miemetsie hepai.

16 Hiki miki tita mawari taiyari-yari mirayanikekai kanixatiani, kememite'u'aitiariekai mipai pitiuyuri.

17 Yaxeikiata tiriku mawariyari kanixatiani, meta xeimamayari 'anatituka mawari taiyametsie kanititaiya, yaxeikiata mawari taiyariyari ximeri mieme yinikame.

18 'Ariketa tuuru kaniwaxiteni meta muxa 'uki 'aixia memiteyuxeiyani mawariyari teiteri yunaime wahetsiemieme mayaniki. 'Aruni niwemama xuriya mepei'iiri, miki mawari taiyame 'aurie pitayeuri naitsarie.

19 Hiki tuuru wiyayari 'utituka meta muxa 'uki, tatsiari, kwaxieya meta wiyayari kwinuriteya mi'eimatika, meta mumé muhuta yaxeikia wiya nemaya heimana mikawere,

20 miki tiname watawitsie katinapixiamiki, mawari taiyametsieketa mitititaiyaki.

21 'Aruni Yawé tawi meta teuri tserieta miemete tita memitemawarietsie timieme kanixatiani hixiena kaneititsera 'iyuitiwati. Mawari teiki hetserarieti 'uyuitiariwati patia, Muitsexi kehepai mitiuta'aitakai.

22 Hiki 'Aruni teiteri wahepa teiki yumamate kanetseraxiani, 'ana teiteri 'aixia kaniwaruyurieni. Hiki kepauka mitiutahayewaxi 'itiya mawariyari wewieti, meta mawari taiyariyari, meta 'aixia memiteyuxeiyani mawariyari 'uwewieka, mawari taiyametsie kanewakayani.

23 Muitsexi meta 'Aruni 'ixuriki tukiyarita mekaneutahaxiani. Kepauka memuwayekitsie teiteri 'aixia mekaniwaruyurieni, 'ana Yawé

witsikemi'ane matsikiti kanayuyeitiani yunaime teiteri wahixie.

²⁴ Hiki Yawé hetsia tai kanakaneni, 'ana miki naime mawari taiyariyari meta wiyayari mawari taiyame heima mirapikai kaniutixitsitiani. Mipai mete'uneniereka, yunaiti teiteri mekaniutihiwa meyutemamawieti, meta kwiepa mekaniukahixima'uni.

10

*Narawi meta 'Awihu kememite'ukwi
'axamete'uyurieka*

¹ Hiki Narawi meta 'Awihu 'Aruni niwemama, yuxexuiti yupitsiwiwame me'utihapaxiaka, me'akanaixiaka 'ikwa witsimu'ia me'akawiwiexiaka, Yawé mekaniuxatiani, matsu miki tai kaheuyewekakaku mepixatia, miki mikawaruta'aitiakaiki.

² Hiki Yawé hetsia tai kanayeneni kaniwarutixitsitiani, hixiena mekaniukwini.

³ Muiitsexi 'Aruni mipai katiniutahiawe: «'Iki hepaitsita painekai Yawé kepauka mipai mutayi:

»“Kemi'ane nehetsia 'ahurawa memakika wahetsia,

kenemitiipatsieki nematsiikime

nepaneyeitiaka,

Meta yunaime teiterima wahixie

witsikenemi'aneki nepinehekiata”».

'Ana 'Aruni kayuwati pitiuke.

⁴ Muiitsexi Mitsaheri meta 'Eritsapani katiniwarutani'airieni memiwitikieyuki, 'Utsiheri niwemama 'Aruni tatatsieya, mipai katiniwarutahiawe: «Xekenakini 'ena 'ahurawa

meta yu'iwama tukita xekeniwaranuye'ii.
Tematiteitsie 'ateewa paiti xekeniwatuayu».

⁵ Miki 'ahurawa me'ikineka, wakamixatetsie metiwitikaiti memakutekaitsie 'ateewa mekaniwaranuye'ini, Muitsexi kemitiwaruta'aitiakai.

*'Aitsika hiwerika mawari wewiwame
hetsiemieme*

⁶ Hiki Muitsexi 'Aruni meta niwemama 'Eriyatsaxi meta 'Itamaxi mipai katiniwarutahiawe: «Xeme xekamu'utsikietikaiti xepika'u'uwani meta yukamixa xepikaheukatsanani. Mipai xeme xepikakwini meta Yawé pikayeha'ani teiteri yunaima wahetsiemieme. Xe'iwama 'ixaheritsixi hiwerika mekaniwewikuni Yawé tai mutaiyaxiki.

⁷ Xemeru 'ixuriki tukiyarita xepikawayekikani kapa xe'ukwiniki, xemanayexeiyarie Yawé hatseiti mitiyupata mixe'ukawiri xehetsie mitiunakixiki peuyewetse xemeye'atianiki kexemite'u'aitiarie». Muitsexi kemitiwarutahiawixi mipai mekateniuyurieni.

*'Iniari niukiyari xeiripa taweti kakaiyari
kemikatinawani*

⁸ Yawé 'Aruni mipai katiniutahiawe:

⁹ «'Eki meta 'aniwema kaxie winuyari xepika'ieka 'ixuriki tukiyarita kepauka xemautahaxiani kapa xe'ukwiniki. 'Iki 'aitsika yuheyemeki kanihikitikamiki xexiyyarima wahetsie mieme yamemitekahuniki.

¹⁰ Memiyiwawenikita yamemitemaikaki ketita mitipatsie meta mikatipatsie, yaxeikia ketita miti'itiya meta mikati'itiya.

11 Xepiyiwawenita 'ixaheritsixi
 xemitewata'ikitianiki naima 'aitsika Yawé
 mixeyetuiriki xemimaikaki Muitsexi
 ya'utainekaku».

*Mawari wewiwamete kepaïmeti wahetsie
 mitinake*

12 Muitsexi 'Aruni mipai katiniutahiawe meta
 niwemama 'Eriyatsaxi meta 'Itamaxi miki
 niwemama memuyuhayewatiwekai: «Tiriku
 mawariyari muyuhayewaxi Yawé 'imikierieya
 xekeneukutikika xekeneutikwa'i tikuxanariyame
 kaniitiariekame, mawari taiyame 'aurie, miki
 yemeki kanipatsieka Yawé hetsiemieme.

13 Xekeneutikwa'i hakewa makupatsietsie,
 mipai nemiti'aitiarieki. Miki 'aitsika kanihikitini
 'ahetsiemieme meta 'aniwema, miki mawari
 taipa warikarieti yapaimeme Yawé muxatiarie
 mihikiki.

14 »'Eki meta 'aniwema 'ukitsi meta
 'ukari xepiyiwaweta xemitikwaniki hakewa
 maku'itiyarietsie, taimixi tatsiari mawari teiki
 hetserarieti 'uyuitiariwati miyetuiya meta teuri
 miki mawari pihiki 'ahetsiemieme 'imikieri
 'aixia mi'ane mayaniki, miki tihutati 'aixia
 memiteyuxeianiki mawariyari kanihikitini
 'ixaheritsixi wahetsiemieme, 'eki meta 'aniwema
 xekaniyetuiriarieni 'aitsika mihikitiniki.

15 Miki teuri meta taimixi pixatiarieni wiya
 yunikame, Yawé memiyetuirieni teiki hetserarieti
 'uyuitiariwati mawariyari mihikiki. 'Iki 'aitsika
 pihikitini yuheyemeki 'ahetsiemieme meta 'ani-
 wema, Yawé kemitiu'aitakai hepai».

Hiwerikaki mawari xaïtsie mutikwaiya

16 Hiki Muitsexi tsipu kaniuta'iwauni 'itiya mawariyari hepaitsita mutimawarie, matsi mikiri taipa putataiyariekai. Kepauka yamiretima kename mawari taiyametsie 'utataiyariekai, miki 'Eriyatsaxi meta 'Itamaxi wahepaitsita kaniuyeha'ani, 'Aruni niwemama memiyuhayewatiwekai, 'ipai katiniwaruta'iwawiya:

17 —¿Ketitayari tuki muyepatsieta xekate'itikwai 'itiya mawariyari? Miki waikawa mipatsie kanihikitini, miki mawari Yawé hixie xekaniyetuiriarieni xemixinarieni mawariyari mayaniki yunaiti xehetsie mirahiwaki.

18 Tsipu xuriyaya xika xekahei'ini hakewa makupatsietsie, 'ayumieme peuyewekai xeme muxa waiyarieya xemitakwaniki tuki muyepatsieta ne kenemitixe'u'aitia.

19 Hiki 'Aruni Muitsexi mipai katiniuta'eiya:

—Neniwema hiki mepixatia 'itiya mawariyari meta yumawari taiyariyari Yawé hixie. Tsepa yumawari memiyetua, matsi 'iki miyamitiuyiki pinetiuka'enitsitia. Xiari 'aixia pika'anenikuyu Yawé hetsiemieme xika ne miki 'itiyari mawaritsie timieme netiutikwanike.

20 Hiki Muitsexi 'u'enaka 'Aruni kemutayi 'iyarieya 'aixia kaniuyini.

11

'Aitsika yeutari memi'itiya meta memika'itiya wahetsiemieme

(Maw 11:1-23 - Hut 14:3-20)

¹ Yawé Muitsexi meta 'Aruni mipai katiniwaruta'aitiani

2 'ixaheritsixi mipai memitewataxatiani:ki:
«Yunaima yeutari kwiepa memitexiawe, 'iki
mekanihikitini xepiyiwaweni xemiwakwa'ani:ki:

3 Wakarutsa manutahuhuta meta hutarieka
memite'iyawa.

4 Matsita mekanixiaweni hipati mete'iyawati
wakarutsa ka'anutahuhutati. Xemikawakwa'ani
'iki mepihiki:

»Kameyu piti'iyawa matsi karutsaya
pika'anutahuhuta, miki pika'itiya xehetsiemieme.

5 »Tatsiu piti'iyawa matsi karutsaya
pika'anutahuta, mikita pika'itiya xehetsiemieme.

6 »Yaxeikiata tatsiu hepai mi'ane mikita
piti'iyawa matsi karutsaya pikahanutahuhuta,
miki xepikakwa'ani mika'itiyaki xehetsiemieme.

7 »Tuixu meta karutsaya panutahuhuta matsi
pikati'iyawa, miki pika'itiya xehetsiemieme.

8 »Waiyarieya xepikakwa'ani meta mek-
wikwi'ime xepikawakumaiwani. Miki
xehetsiemieme mepika'itiya.

9 »Hapa memiteye'uwa, haramaratetsie meta
muyehapanetsie 'iki mekanihikitini xeikia
xeme xemiwakwa'ani: Memeukakararayatika
yuhauweme memexeiya naitasata.

10 Yuhauweme meta yukararayari
memikahexeiya, tsepa haramaratsie meta
hatuxametsie memiye'uwa, miki xeme
xepiwaxani'erieka.

11 Waiyarieya xepikakwa'ani mikime
xepixani'erieka, miki pika'itiya xehetsiemieme.

12 Yunaiti hapa memiteye'uwa yuhauweme
memikahexeiya meta memikaheukarayatika

miki xepiwaxani'erieka meta mepika'itiya xehetsiemieme.

¹³ »'Iki mekanihikitini memite'awiwawe xeme xemiwaxani'erieka meta xemikawakwa'ani: Werika, 'umete mumura, kwixi meta maraika,

¹⁴ yunaiti hukurixi meta wahepai memi'anene hipati,

¹⁵ meta yunaima kwatsari xepikawakwa'ani,

¹⁶ meta 'aru 'aminena, nipe, meta yunaiti yiki memi'anene paturi wahepai memi'anene,

¹⁷ mikiri, kwaxu meutsinaïye, patu,

¹⁸ tikaipu, patu hepai mi'ane 'amanuyepa, wiriki.

¹⁹ Kwaxu 'aminena, meta yunaiti yiki memi'anene kwaxuri, tsurakai meta 'atsixi.

²⁰ »Yunaiti memite'awiwawe menauka 'ikatikaiti miki xepiwamaika memika'itiyaki,

²¹ Hipatita memuxiawe naukameki meheu'uwati meta me'awiwaweti, miki xemiwatikwani xepiyiwawe, mikita wakarutsa peukakukuni meta mepiyiwawe memititsunaxiani,

²² meta yunaiti 'utsikari wahepai memite'anene 'itsita memeutsunatika meta xuxuitsi.

²³ Peru hipati naukameki memu'uwe meta mema'anatika, xeme xepikawakwa'ani miki mepika'itiyatika.

Tniari niukiyarite yeuta mitiuyeika xikatiumayiani mikati'itiya

²⁴ »Xeme 'iki wakimana xeka'itiyati xepuyuhayewa:

»Kemi'ane xeme miki mekwikwi'ime miwamayiani miki ka'itiyati puyuhayewa kepaukake mikiyiretsie.

25 »Kemi'ane mikime manukukweni, miki ka-neuyeweka yu'ixurikite miti'ekwa, miki ka'itiyati puyuhayewa kepaukake mikiyiretsie.

26 »Xemeri xepiwaxeiyani yeutari memika'itiyatika meta yunaime kemi'ane mika'anutahuhuta wakarutsate meta mikareka'iyawame. Tsepa kemi'ane mimayiani ka'itiyati kanayeimiki.

27 »Meta memitexiawe naukameki me'u'uweti memeu'uwa, mikita memika'itiya xepitewamaika yukitsimeki me'u'uweti memiteku'uwa, kemi'ane mikime mimayiani ka'itiyati kanayeimiki kepauka mikiyiretsieke,

28 yunaiti kemi'ane menukuhana kaneuyeweka yu'ixiriki memiti'ekwa, meta meka'itiyati mepakine kepauka mikiyuretsieke. Miki yeutari xeme memika'itiya xepitewamaika.

29 »Yunaiti memitexiawe yutawima memiteku'uwa, miki memika'itiyatika mepihikitini: kirupuxi, naikatsi meta katsaxi hipati yukimemi'anene,

30 mataika, ketse, tekaxi, kuu 'iwipame,

31 'iki mekanihikitini yeutari xeme meka'itiyakame xemiwarayeitiaka yutawima memiteku'uwa watsata. Kemi'ane mikime mimayiani miki ka'itiyati kaniyuhayewamiki kepauka mikiyiretsieke.

Hipati tawari 'iniari niukiyarite kwiepa memitexuawe memika'itiyatika xika wakumaiwani

32 »Kepauka yeutanaka waiyarieya mikiti ka'itiyati tixati kiyetsie mitikaweni, yatini 'ixurik-itsie, yatini nawitsie, yatini kamixa 'amayetsuye yamiranakatikietsie, miki ka'itiyati kanayeimiki.

Kaneuyeweka haki mitahauxinireki, meta ka'itiyati kaniyuhayewamiki kepaukake mukiyiretsie. Hiki 'ana 'itiyati kanayeimiki.

³³ »Xika xewiti 'iki yeutari waiyarieya mikiti haxu xariyarita heukaweni, miki xari meta tita muwa mitiyepika kati'itiyati kanayeimiki, kaneuyeweka xari mitatararieniki.

³⁴ Naiti 'ikwaitsie haa xarita mieme xika 'ukayeurieni ka'itiyati kanayeimiki, yaxekiata tita miti'iwa miki xariyarita timieme ka'itiyati payani.

³⁵ Xika kaxari yapaimeti tixaititsie tiukaweni miki ka'itiyati payani, kaneuyeweka mita'unaki huxunu meta huxiniyu hetsiena mukaweki. Miki kaxari pika'itiya mipai xepute'ixeyani.

³⁶ Peru xeikia haixa muhanetsiemieme meta putsuta hakewa haa matihawa pi'itiyaka xeikia, matsi kemi'ane yeutanaka kaxarieya mikime mimayiani tsepa kemtitita ka'itiyati kaniyuhayewamiki.

³⁷ »Xika xewiti miki yeutari mikiti ra'imiarita heukaweni, miki hatsi 'itiyati puyuhayewani.

³⁸ Peru xika 'imiari hapa 'utihawiya, xika tixiati timikiti mana tikaweni, ka'itiyakame xekanayeitiakakuni.

³⁹ »Xika tewa mupitariiekai mitakwanikekaiki hekuwiekaku 'umini, kemi'ane mikime mimayiani, mikita ka'itiyati puyuhayewa kepauka mikiyiretsieke.

⁴⁰ Kemi'ane miki waiyaririeya mitakwani, miki yukemari piti'ekwa ka'itiyati puyuhayewa kepauka mikiyiretsieke. Kemi'ane menukweni

mikita yu'ixurikite piti'ekwa ka'itiyati
piyuhayewa kepauka mikiyiretsieke.

*Keyupaimeti memitexiawe kwiepa yutawima
memiteku'uwa meta 'aixia memi'anene*

⁴¹ »Yutawima memuyukuhapatiwe
xepikawakwa'ani, miki xepiwaxani'erieka.

⁴² Xepikatewakwa'ani yutawima mukuyeika,
yanitsitini yukitsimeki memu'uwe, yatini
waikawa 'ikate memexeiyatika. Xeimetima
xepikakwaka yutawima memiteku'uwa miki
memika'itiyaki,

⁴³ xepika'ipitiaka mikiki xeka'itiyati xemakineki,
miki memika'itiyaki.

⁴⁴ Ne Yawé xekakaiyari nepihiki, xekeneyu-
patani xepatsieti xekeneyuhayewani, ne
nemupatsieki. 'Ayumieme xeka'itiyati
xepikayuhayewani kwiepa yutawima
memiteku'uwa waheki.

⁴⁵ Ne Yawé nekanihikitini, nemixe'ayewiti 'Ekip-
itu kwieyaritsie, xekakaiyari nemayaniki. Xemeta
xekenepatsieka ne nemipatsieki.

Kememiteheutiparitia

⁴⁶ »'Iki 'iniari niukiyari kanihikitini:
memite'awiwawe wahetsiemieme, yunaime meta
hapa memiteye'uwa, meta yunaime yutawima
memiteku'uwa,

⁴⁷ mipai xemiwiwaweniki xemiwamateniki
kemi'ane mi'itiya meta mika'itiya, meta
kemi'ane memitakwani meta kemi'ane
memikatakwa'aniki».

12

Ttiya hepait̃sita kepauka nunutsi mit̃inuiwatsie

¹ Yawé Muiṭsexi m̃ipai katiniuta'ait̃iani

² 'ixaheritsixi m̃ipai mit̃iwatahiaweki: «Kepauka 'uka m̃it̃ihukata meta nunutsi 'ukit̃ime mit̃iniweni 'atahutamexia tukari ka'it̃iyat̃i puyuhayewani, kepauka xuriya miku'axiya hepai.

³ 'Atahaika tukari 'aye'ayu 'uki nunutsi xitekiya 'iniariyariki p̃i'iniaritiarieni.

⁴ Maamaya puyu'itieka xeitewiyari heimana tamamata heimana haika tukari yuxuriya muhanitsitiakaiki. Tixait̃i mit̃ipatsie pikatikumaiwani, meta tukita pikaheutahakeni, kepaukake 'itiya tukari maye'anitsieke.

⁵ »Xika 'ukat̃ime 'utiniweni maamaya ka'it̃iyat̃i puyuhayewa huta tsemanayari, kepauka xuriya miku'axiyatsie hepai, meta haika tewiyari heimana 'ataxewime tukari puyurieni yu'it̃iet̃i xuriyaya mutaxiriki.

⁶ »Kepaukari maye'ani m̃i'it̃iyaniki tukariyari, tsepa nunutsi 'ukit̃ime mut̃iniwexi yat̃ini xika 'ukat̃ime 'utiniweni, m̃iki xeime muxa panuhana xeiwiyari hikame mawari taiyariyari mayaniki, meta xeime haimi, xeimeta weurai 'it̃iyari mawariyari mayaniki, mawari wewiwame hetsia p̃iranupini, 'ixuriki tukiyarita miranutahakit̃iretsie,

⁷ m̃iki Yawé hixie kanixat̃iamiki. Mawari wewiwame m̃ixinarieni mawariyari m̃ipai p̃itiwewieni 'uka hetsiemieme, m̃iki p̃i'it̃iyani xuriyaya mut̃ayeuriki.

»'Iki 'aitsika kanihit̃ini 'ukaratsitsie mieme kepauka 'ukit̃ime ya'ukat̃ime mit̃iniwenitsie.

⁸ Xika muxa minaneniki ka'i'axeni, yuhutame weuraixi piwaranutiki yatini yuhutame haimixi, xewiti mawari taiyariyari payani xewitita 'itiya mawariyari. Mawari wewiwame mixinarieni mawariyari mipai pitiwewieni 'uka hetsiemieme, miki pi'itiyani».

13

Tnari niukiyari kwiniyate waiyaritsie mieme

¹ Yawé Muiťsexi meta 'Aruni mipai katiniwaru-tahiawe:

² «Xika xewiti xeme yunawiyaritsie heuhaka xetati kumariketi yatini tuxati heukumaneti 'anuteketi haiya kwiniyayari 'ayanike, miki 'Aruni mawari wewiwame mepi'atirieni, yatini mawari wewiwamete 'iparewiwamete.

³ Miki mawari wewiwame wahaiya pitixeyaxiani. Xika haiyatsie meuka'u huxariteya tuxani yatini maukumane waikawa heukukunini waiyarieyatsie, miki haiya kwiniyayari pihiki. Miki tewi kwiniyaya tixeyaxiame, 'anari mawari wewiwame pititaxatiani kename ka'itiyati 'ayani.

⁴ »Tuxati meukumane xika kaheukukunini waiyarieyatsie meta huxariteya katuxani, mawari wewiwame mitikuye yuxatame pupata 'atahuta tukari,

⁵ 'atahuta tukari 'aye'ayu hekwamekita pixeiya, xika yaxeikia reu'atikani kayemieni nawi-yarieyatsie tawarita 'atahuta tukari puyurieni tikwikame.

⁶ 'Atahuta tukari 'aye'atariyeu mawari wewiwame tawarita pixeiya hutarieka, xikari kwiniya kayemieni waiyarieyatsie yatini

yeyuximeni, 'anari yapitayini mi'itiyaki. Miki haiya xetati mukumarike xeikia pihikitikai, 'anari tewi kani'itiyamiki mitikuye meta yu'ixuriki kaniti'ekwamiki.

⁷ »Xika yaxeikia heu'aneni haiyaya yemieni nawiyarieyatsie, mawari wewiwame 'ixeyakutiti para mi'itivaniki, tikwikame tawarita mawari wewiwame hetsia pumie mixeyaki.

⁸ Mawari wewiwame kanixeyamiki miki xika haiyaya yemieni waiyarieyatsie, miki tewi mipai pititahawarieni haiya kwiniyayari mihikiki.

'Iniari niukiyarite kwiniya haiya mikayu'uayemarinia

⁹ »Kepauka tewi haiya mexeiya yunawiyaritsie, miki kaneuyeweka manuwitikieniki mawari wewiwame hixie,

¹⁰ tawarita pixeiya. Xika haiyaya meta huxariteya tuxani, meta meukuhatikatsie waiyarieya xika 'ayeniereni yuhekiaka,

¹¹ mikiri haiya meripaiti mimieme pihiki. Mawari wewiwame miki tewi pitahekiata mika'itiya mayaniki. Matsi miki tewi pikaheuyewetse hutarieka mipatsieniki yeuta, mimatsiikikiri mika'itiyaki.

¹² »Xika haiya yemieti tikwikame waiyarieyatsie heinika, hakewa xeikia mawari wewiwame miyiwe mixeyaki,

¹³ merikite mawari wewiwame pixeiya. Xikari naiti waiyarieyatsie 'inika, miki yapitayini kenameri 'itiya. Miki tewi pi'itiya naitiri yuwaiyaritsie mutaturixiki.

¹⁴ Mikitsi matsi ka'itiyati kanayeimiki xika yapauka 'ukayaxe haiya 'aminene.

¹⁵ Kepauka mawari wewiwame mita'ixiarieni waiyarieyatsie miki pitahekiata kename ka'itiya. Waiyarieya mika'itiyaki, haiya kwiniyayari kanihikitini.

¹⁶ Xika haiyaya 'aminene tuxati 'ayani, miki tewi mitikuye kaniyemieni mawari wewiwame hetsia.

¹⁷ Miki pixeiya xika haiya kayaxikeni tuxati, mawari wewiwame miki tewi pitahekiata mi'itiya pihikitini, mipai pi'aneni.

Iniari niukiyari haiya mayemane hepatsita

¹⁸ »Xika xewiti haiya heukayatsani yuwaiyarit-sie 'anutitekeme yatini kwitiwa 'anayeweni,

¹⁹ xika heimana heukateni haiya 'etsiwa tuxati, haiya heukumaneti xetati miki mawari wewiwame hetsia puyutaxata.

²⁰ Miki mixeiya. Xika haiyaya tetiatapaiti yemieni waiyarieyatsie meta huxariteya 'utiture, mawari wewiwame pitahekiata mika'itiyaki. Haiya kwiniyayari kanihikitini meukutekixiaki 'axeikia heukateti.

²¹ Matsi kepauka mawari wewiwame tikwikame mita'ixiarienitsie, xika huxariteya katitureme 'uxeiya meta haiyaya manutiteke tetiata kaheuneikati waiyarieyatsie heukateni, meta xika yeyuximeni, miki 'ateewa pipatsieni yuxaitame 'atahuta tukari.

²² Xikari haiyaya manutiteke yeyaxikeni waiyarieyatsie paiti tikwikame pitahekiata mika'itiyaki, haiya kwiniyayari mihikiki.

²³ Xikari miki haiyaya manutiteke kayeyaxikeni meta kakutureni, xika xeikia huyeriyari yuhekiaka, tikwikame pitahekiata kename 'itiya.

'Iniari niukiyari mukwaxe hepaitsita

24 »Xika xewiti 'ukwaxe, hakewa metak-waxixitsie xika tuxati yatini xetati haneni,

25 miki mawari wewiwame pixeiya, xika mamarixitsie huxariteya tuxani, xika waiyarieyatsie waikawa heukukunini, miki haiya kwiniyayari kanihikitini haiya mukwaxixitsie mane. Mawari wewiwame tikwikame pitahekiata mika'itiyaki, haiya kwiniyayari mihikiki.

26 »Matsi xika mawari wewiwame mukwaxixi xeiya'yu xika 'ikaxeiya huxariteya katuxame meukumanetsie meta waikawa xika waiyarieyatsie paiti kaheukukunini, meta xika hanukanuaximeni, 'ana miki tikwikame 'atahuta tukari yuxaitame putuiyamie yateewa paiti.

27 'Atahuta tukari 'aye'ayu mawari wewiwame tawarita pixeiya, xika naitsarie 'inika waiyarieyatsie miki yapitayini kename ka'itiya, haiya kwiniyayari kanihikitini.

28 Matsi miki mukuture nawiyarieyatsie xika kayemieni, tatsiari miki mutataiki xeikia hati. 'Ana mawari wewiwame yapititahekiata mi'itiyaki, miki xeikia mutataiki 'iniariyari mihikiki.

'Iniari niukiyari haiya hepaitsita mitikuxata ranawiyaritsie yatini rakipatsie ramixiyatsie

29 »Xika xewiti 'uki yatini 'ukaratsi haiya mu'uyatsie haneni yatini mixiyayatsie,

30 mawari wewiwame haiya kanixeyamiki. Xika waiyarieyatsiepai waikawa heukukunini, meta kipaya tataxawini 'etsipepeti, miki tikwikame pitahekiata kename ka'itiya. Miki

haiya xetati mukumarike kanihikitini haiya mu'utsie yatini 'ayekwaitsie mieme.

³¹ Xika mawari wewiwame 'etsa xeiayau, waikawa waiyarieyatsie kaheunetikani meta kipateya kayiyiwini, miki mitikuye haiya xetati mukumarike mexeiya 'ateewa paiti pupatsieni yuxaitame 'atahuta tukari.

³² Hiki 'atahuta tukari 'aye'ayu mawari wewiwame tawarita tikwikame kanixeyamiki, xika haiya xetati mukumarike kayemieni meta kipateya katataxawini, meta waikawa kaheukukunini waiyarieyatsie.

³³ Hiki 'anari tikwikame panuyuyexini, mahatsie 'ihayewati, hiki mawari wewiwame tawari xaitsie pipata yuxaitame 'atahuta tukari.

³⁴ Tawarita 'atahuta tukari 'aye'ayu mawari wewiwame tikwikame kanixeyamiki. Xikari haiya xetati mukumarike 'anukanuaximieni waiyarieyatsie meta waikawa kaheukukunini, yapititahekiata kenameri 'itiya. Hiki tikwikame yu'ixurikite kaniti'ekwamiki 'anari 'itiyati kanayeimiki.

³⁵ »Xikari haiya xetati mukumarikeki 'u'itiyakaitini hutariekata 'i'axiyani naitiri waiyarieya nika,

³⁶ mawari wewiwame pixeiya. Xika haiya xetati mukumarike yemieni naiti waiyarieyatsie paiti, pikaheuyewetseri mawari wewiwame kipa mitataxawi miwauneniki, miki tikwikameri pika'itiya.

³⁷ Matsi xika miki haiya xetati mukumarike kayemieni metatsiere kipateya yiyiwiti kayiyirani,

tatsiari mitikuyekai 'anayeweka. Pi'itiyari,
mawari wewiwame mipai katinitahekiatamiki.

Kuraruxiya waiyaritsie kwiniyayari

³⁸ »Xika 'uki meta 'ukaratsi tuxati kumariketi
kuneikani waiyaritsie,

³⁹ miki mawari wewiwame pixeiya. Xika
maukumane kutuxareni, miki waiyarieyatsie
manutinexia xeikia kanihikiti, miki tewi pi'itiya.

Kememitekahukeni yumu'utsie niukiyari

⁴⁰ »Xika xewiti yukatutsitia hahune, hametseti
yuhayewa, miki pi'itiya.

⁴¹ Mexika yukanatsie 'akahune kanametseti
yuhayewa yaxeikiatatsiere miki pi'itiya.

⁴² Matsi xika yukatutsitia meta yukanatsie
mametsesie haiya xetati haneni, miki haiya
mametsesie mane pihiki.

⁴³ Mawari wewiwame pixeiya. Xika haiyaya
xetani, yuwaiyaritsie meuhaka hepai 'aneneneni,

⁴⁴ kamitsi miki tewi haiya kwiniyayariki
pitikuye pika'itiya. Mawari wewiwame
pitahekia kename ka'itiya yumu'utsie haiya
mayetsaki.

Haiya hepatsita niukiyari

⁴⁵ »Xika xewiti tewi haiya hexeiyani, miki
tsanimeki piyukemaritiaka, pikayukatsikeni
yuhixie panuyuka'eimani. Piyemie 'utahiwati
mipai 'utaiti: "Nepika'itiya, nepika'itiya",

⁴⁶ miki kemireutere tikuyeti pika'itiyaka. Miki
mematiteitsie yuxaitame 'ateewa pukani.

'Iniari niukiyarite mutuxariya hepatsita

⁴⁷ »Kepauka kwiemuxa 'ixurikiyari yatini rinu 'ixurikiyaritsie waikawa mitimutuxaxiani,

⁴⁸ rinu 'ixurikiyari yatini tsepa muxa kamixayaritsie yatini nawitsie yatini miki maye'itsetsie xika yuhekiare,

⁴⁹ xika 'etsiwa tsiuraiyeni yatini xetani miki mutuxariyari muwerixi kanihikitini, peuyewetse mawari wewiwame mixeitsitianiki,

⁵⁰ miki meukuwetika kanixeyamiki meta 'atahuta tukari 'ateewa putuiyamie titatsie mitiwena.

⁵¹ 'Atahuta tukari 'aye'ayu mawari wewiwame mawena kanixeyamiki, xika miki yemieni kamixatsie yatini maye'itsetsie, yatini nawitsie, tsepa kemititita miki mutuxariya mutiyuwiriwe kanihikitini. Miki miya mi'ane pika'itiya.

⁵² Miki 'iwi yatini maye'itse, kwiemuxa, rinu tsepa kemitititsie nawitsie mirawena, miki mutuxariya 'axami'ane mihikiki pitataiyarieni.

⁵³ »Matsi kepauka mawari wewiwame 'iwi mixeiya mutuxariya kayemieme, meta maye'itsetsie meta mi'itatikateitsie, meta muxa 'itariyari meta rinu tsawanayari meta tsepa kemititita nawiyari,

⁵⁴ hiki miki pitita'aita mahauxinarieniki mapinitsie, meta tawarita 'akuxi 'atahuta tukari piyekani.

⁵⁵ Xeimieme tahauxinarieyu meukupinitsie mawari wewiwame pita'ixarieni. Xika yaxeikia 'aneni mukumarike kayupatani, miki mipai pitayini 'ixuriki ka'itiyati puyuhayewa tsepa mika'eyewiriewe naime. Naiti 'ixuriki pitataiyarieni ta'itana meta herie.

⁵⁶ » 'Arike ti'ekwarieyu, mawari wewiwame mix-eiyatsie xika 'ixeiya heukuwetikaime 'etsiwa, miki 'ixuriki peukutsanaxiani 'iwitsie meukuwetika, meta nawitsie, meta maye'itsetsie.

⁵⁷ Xika hekwameki hekunexiani kemaritsie yatini maye'itsetsie yatini tsepa kemititita nawitsie, tatsiari tawari hanutineka. Miyama'anetsie pataiyarieni,

⁵⁸ peru naiti kemarite, maye'itsetsie meta nawitsie kepauka mita'ekwarienitsie meukuwetikateitsie xika hayeixiani, tawarita pita'ekwarieni, 'ana miki 'itiyati payani».

⁵⁹ 'Iki 'iniari niukiyari kanihikitini mutuxariyatsie mieme kemaritsie muweriwe, kwiemuxatsie, rinutsie, maye'itsetsie, yatini tsepa tita nawitsie, yamititahekiatsieniniki kemuti'itiya yatini kemikati'itiya.

14

Kwiniyaki yuwairaitsie kememite'u'itiya

¹ Yawé Muiťsexi mĩpai katiniutahiawe:

² «'Iki 'iniari niukiyari kanihikitini tewi kemi'ane meu'etsa mi'itivaniki, miki mawari wewiwame hixie panuwitikieni,

³ miki yateewa paiti mematiteitsie pixeiya. Xika mawari wewiwame ya'utayini kenameri tewi meu'etsakai 'aixia reu'erieteti 'atia,

⁴ miki tewi pitita'aitiani mi'itivaniki yuhutame wikixi me'ayeneniereme me'itiyatikaime miwa'atianiki, meta xeime 'etsi'atayeukame kariuxa kiyeyari, meta xeime tuwaxa xetame, xeimeta hitsupu yaranukaime.

⁵ Hiki mawari wewiwame pitita'aita wiki xewiti meri muwaxitekieniki, haa haixata mieme haxu xariyarita hineti muyemata heima.

⁶ Xeimeta wiki mayeniere kanitituimiki, kariuxa mexayari, tuwaxa mitairaiye meta hitsupu xawariyari, miki pitahawiya naime yunikame wiki muwaxitekie xuriyaya haa mini'i haixata miemek.

⁷ Mikiki 'atahutamexia pi'iya kemi'ane mitikuye mi'itiyaniki, 'anari 'itiyakame payeitiani. Hiki wiki pitatuani mayeniere yeuta miyemieki.

⁸ »Kemi'ane miyu'itie miki yu'ixuriki piti'ekwa, yukipa naime pikaxini meta piti'iwa. Mipaike 'itiyati payani. Mipai tiyuriemeke piyiweni memakuteitsie meutahaniki, matsi 'akuxi yukiita pikaheutahani, matsi 'akuxi 'atahuta tukari takwa paiti puhupuni.

⁹ 'Atahutarieka tukaritsie naime puyukaxini, meta yumixiya naime pataxini meta yukarimuxi, yu'ixurikite piti'ekwa meta piti'iwa. 'Anake 'itiyati payani.

¹⁰ »'Atahairieka tukaritsie 'aye'ayu, kemi'ane mi'itiyani miki yuhutame muxatsi 'ukitsi piwa'atiani xeimeta 'ukatime xeiwiari hikame 'aixia me'anenekame, tiriku mawariyari 'imikieriyari, 'ataxewime kiruyari kani'atiamiki tiriku mitixiyari 'aixia mi'ane hatseitiki pinariekame meta hatseiti xeiwatsuyari yunikame.

¹¹ Mawari wewiwame kemi'ane mi'itiyani muwewieni Yawé hixie piyetuani, 'ixuriki tukiari kitenie, kemi'ane muyu'itieni meta mawarieya.

12 'Arike mawari wewiwame xeime muxa panuhana meta hatseiti yunikame, mawari pixatiani mirayukatuani mawariyari mayaniki. 'Iyuitiwati Yawé hixie, miki 'imikieri teiki heitserati 'uyuitiariwati mihikiki.

13 Manata hakewa makupatsietsie muxa puwaxiteni, hakewa tita mitimawarie mematikwikwiwatsie tatsiari 'itiya mawariyari meta mawari taiyariyari matiwwewiwatsie, mirayukatuani mawariyari meta 'itiya mawariyari, mawari wewiwame hetsie kanimiemetini. Miki waikawa kanipatsieka.

14 Hiki mawari wewiwame xuriya yapaimeme ti'ime mirayukatuani mawariyaritsie mieme, kemi'ane mi'itiyani nakaya heima tserietana mieme puwirieni, meta mamaya 'itiwameteya 'amupayaritsie tserietana mieme, metatsiere 'ikaya 'amipayaritsie tserietana mieme.

15 Mawari wewiwame hatseiti yapaimeme 'anatuame yumamá meuweweritsie yu'utatamiemetsie.

16 Yu'itiwame yutserieta mieme pitahawiya hatseitiki yumamá meuweweritsie yutserieta miemetsie menatuakaiki, hatseiti kani'iyamiki Yawé hixie 'atahutamexia.

17 Meta hatseiti 'akuxi mawari wewiwame mamayatsie muyuhayewa, kemi'ane muyu'itieni 'etsiwa nakaya tserietanatsie piwirieni, meta mamaya 'itiwameteya 'amupayaritsie tserietana mieme, metatsiere 'ikaya 'amipayaritsie tserietana mieme, xuriya mirayukatuani mawariyari heima.

18 Hatseiti mawari wewiwame mamayatsie

muyuhayewa kemi'ane muyu'iti mu'uyatsie peitituani. Mipai pitiyurieni miki mixinarieniki Yawé hixie.

¹⁹ Hiki mawari wewiwame 'itiya mawariyari puwewieni, yatiyurieneti mixinarieni mawariyariki kemi'ane miyu'itie tita mikati'itiyaki. Mipai tiyurieme tita mitimawa puwaxiteni mawari taiyariyatsie mieme,

²⁰ mawari taiyametsie mawari taiyariyari pautiteni tiriku mawariyari yinikame piyetuirieni. Mipai mixinarieni mawariyari pitiwewieni hetsiena mieme, 'itiyati kanayeimiki.

²¹ »Kemi'ane mi'itiyani xika tixa'iti karexeiyani meta minaneniki tita mira'iwauriwa ka'i'axeni, miki xeime muxa panuhana mawari mirayukatuani mawariyari mayaniki, miki teiki petserarieni 'uyuitariwati miki mixinarieniki. Meta hatsite 'imikieriyari panutini, huta kiruyari tiriku mitixiyari 'aixia mi'ane hatseitiki pinariekame meta hatseiti xeiwatsuyari,

²² yuhutame weuraixi yatini haimixi, kemitiyiweni titaki mitiyutuani xewiti 'itiya mawariyari mayaniki xewitita mawari taiyariyari.

²³ 'Atahuta tukari 'aye'ayu, tukita piwaranuhapani, mawari wewiwame hixie, para Yawé hixie mi'itiyaniki.

²⁴ Mawari wewiwame muxa panuhana meta hatseiti nikame pixatiani, Yawé hixie teiki heitserati 'iyuitiwati pixatiani, miki 'imikieri teiki heitserati 'uyuitariwati mihikiki.

²⁵ 'Arike muxa piwaxiteni 'imikieri mirayukatuani mawariyari mihiki, 'etsiwa

xuriya kwewieme nakaya tserietana miemetsie piwirieni, meta 'itiwameya 'amipayaritsie, meta 'ikayatsie mieme 'amipayari tserietana mieme kemi'ane muyu'itieni hetsie,

²⁶ mawari wewiwame hatseiti yumamá yu'utata meuweweritsie peutituani,

²⁷ meta yu'itiwame yutserieta miemeki 'atahutamexia pi'iya, Yawé hixie.

²⁸ Meta kemi'ane muyu'itieni mawari wewiwame hatseiti mamayatsie muyuhayawaxiki 'etsiwa piwirieni. Nakaya heima tserietana miemetsie meta 'itiwameya 'amipayari tserietana miemetsie meta 'ikayatsie mieme 'amipayari tserietana mieme, hakewa xuriya mirayukatuani mawariyari meyutawiritsie.

²⁹ Hatseiti muyuhayewa mawari wewiwame mamayatsie kemi'ane muyu'itieni mu'uyatsie pikawirieni, Mipai miki mixinarieni mawariyari pitiwewieni Yawé hixie.

³⁰ Hikita wauraxi piwayetuanani yatini haimixi, miki kemitiyiweni mitiyutuaniki,

³¹ xewiti 'itiya mawariyari payani, xewitita mawari taiyariyari, hatsite yunikame mitataiyarieniki. Mipai mawari wewiwame mixinarieni mawariyari pitiwewieni hetsiena mieme, Yawé hixie kemi'ane muyu'itieni».

³² 'Iki 'inari niukiyari piwewiyarieni xika tevi yuwaiyaritsie heuhati nuani, xika kaheixeiyani mitiyutuaniki 'imikieri 'aixia 'anekame kimana mi'itinyaniki.

Kemiti'itiwa kii kwiniyaki

³³ Hiki Yawé Muitsexi meta 'Aruni mipai katini-warutahiawe:

³⁴ «Xeme kepauka xemeutahaxianitsie Kanani kwieyaritsie, nemixeyetuirie xehetsiemieme mayaniki, ne hipame xekitetsie mutuxariya mitiyuwiriwe nepawetsitiaxiani,

³⁵ kii kutsiyari mawari wewiwame mipai pititahiawe: “Nekiita mutuxariya kanawetikani”.

³⁶ Hiki mawari wewiwame kaheutahaweti 'akuxi mireukuwetika xeiya ke piwata'aitiani yukiita memitewayepiniki, kapa yutiwirieniki tita muwa mirayepine. Mipai tiyurieme mawari wewiwame peutahani mixeiya.

³⁷ Meukuwetika 'ixumeritsie 'etsiwa tsitsirawiti, xetatiri 'ixumeritsie heuyunixiaximeni,

³⁸ mawari wewiwame kiita piwayeyani, pureunani 'atahuta tukari xewiti muwa pikaheutahakeni.

³⁹ 'Atahutarieka tukarietsie punuani pixeiya. Xika 'akuxi 'ixumeritsie yemieni matsi waikawa,

⁴⁰ pitita'aita tetexi mamutuxietika manayetikiexianiki meta kiekari manuniere yateewa mitixiriyani hakewa mikahaku'itiyarietsie.

⁴¹ Yaxeikiata pitita'aita kii taita meta mukaherikarie kiekarie manuniere yateewa pitixiriyani, hakewa mikahaku'itiyatsie.

⁴² 'Ariketa tetexi memeukitikixiatsie hehekwame mepikayatsa, 'anari 'aixia kii 'aneti payani mutahekwariyarieki haxu 'ukawiriyarieka.

⁴³ »Xika 'arike tetexi mewakutikiyu mireukuwetikatei meta kiitata 'aixia

mewakuyurieyu, tawarita mutuxariya 'uhekiare meta naiti kiita 'uwakuwere,

⁴⁴ mawari wewiwame pimie mixeiyaki. Xika mutuxariya naitsarie kiita wakuneni, miki mutuxariya mitiyuka'unawe pihiki. Mikiri kii pika'itiya.

⁴⁵ Miki kaneuyeweka titixieme mewiwianiki, hakewa mikahaku'itiyarietsie kiekari tetsitapai, meta 'ixumeriyari meta tetexi mexate naiti pexiriyani.

⁴⁶ »Xika xewiti kiita heutahani mexi 'akuxi re-unameni, miki ka'itiyati puyuhayewa kepauka mikiyiretsieke,

⁴⁷ meta kemi'ane muwa kiita meukuni yatini muwa mitikwani yu'ixirikite kaniti'ekwamiki.

⁴⁸ »'Arike kii 'aixia 'itiarieyu, mawari wewiwame mutuxariya pixeiy xika kayemieni, miki kenameri 'itiya pititahekiatsieni, meukuwetikateiri meukuyunixiaki.

⁴⁹ »Mawari wewiwame kii mi'itieniki yuhutame wikixi kaniwaranutikimiki, kariuxa mexayari 'et-sihatayeukame meta hitsupu xawariyari, yax-eikiata tuwaxa mixeta.

⁵⁰ Xeime wiki piwaxiteni haxu xariyarita haa muyemata haixata mieme muwa xuriyaya ka-neukatuamiki,

⁵¹ kariuxa kiyeyari panukweni, meta hitsupu xawariyari meta tuwaxa mixeta, xeimeta wiki mayeniere, 'iki naime mekatenitiwirikuni wiki muwaxitekie xuriyayaki meta haa haixata miemekiki.

⁵² Hikita mikiki kii 'atahutamexia pi'iya, pi'itieni wiki xuriyayaki meta haa haixata miemekiki, wiki

mayeniereki, kariuxa kiyeyari, hitsupu xawariyari meta tuwaxa mixetaki.

⁵³ Hiki wiki pitatuani mayeniere yeuta paiti. Mipai kii mixinarieniki mawariyari pitiwewieni, 'anari 'itiyati puyuhayewa.

⁵⁴ »'Iki 'iniari niukiyari pihiki mireuyehiwiyarieniki, tsepa kemtitita haiya xetati mukumarike waiyarieyatsie,

⁵⁵ yatini mutuxariyaki, 'ixurikitetsie yatini kiita 'ixumeritsie heukuwetikani,

⁵⁶ yatini xika 'utahani, yatini haiya, yatini tuxati heukunexiani,

⁵⁷ miyiweniki miti'ikitaniki naitsarie kepauka tita miti'itiya yatini mikati'itiyaki. 'Iki 'iniari niukiyari kanihikitini kwiniya mitiyuwiriwe hetsiememe».

15

Ketitaki 'uki ka'itiyati mirayani

¹ Yawé Mui sexi meta 'Aruni 'ipai katiniwaruta'aitiani,

² 'ixaheritsixi mipai memitewatahiaweki: «Xika xewiti 'ukititi tiuhanitsitiaka, tita mitiuhanitsitia miki paka'itiya,

³ yaxeikiata 'uki, xika tiwatiyeuriwani yatini hawaiki.

»Miki mitiuhanitsitiaki kati'itiyakame pirayeitiani 'iki hetsie:

⁴ »Ka'itiyati pirayani naiti mitiuhanitsitia hakewa mekahupunitsie, yaxeikatatsiere naiti titatsie mirayeixani.

⁵ »Kemi'ane 'itarieya meta mukahuputsie mititimayiani miki yu'ixuriki kaniti'ekwamiki

meta kaniti'iwamiki, miki ka'itiyati kaniyuhayewamiki kepauka mikiyiretsieke.

6 »Kemi'ane mana mayerini hakewa mitiuhanitsitia mayatsie, miki yu'ixuriki kaniti'ekwamiki meta kaniti'iwamiki, ka'itiyati kaniyuhayewamiki kepauka mikuyiretsieke.

7 »Kemi'ane mitiuhanitsitia memimayiani, mikita yaxeikia kaniyuti'ekwamiki meta haki kaniti'iwamiki, 'ana ka'itiyati kaniyuhayewamiki kepauka mikiyiretsieke.

8 »Xika mitikuye tiuhanitsitiati xeime mi'itiya 'u'aitsikawiya, miki yu'ixurikite piti'ekwa meta piti'iwa, 'ana ka'itiyati puyuhayewa kepauka mikuyiretsieke.

9 »Miki tewi mitikuye tiuhanitsitiati xika puxu xirayatsie 'anutiyerini, mikita ka'itiyati kaniyuhayewamiki.

10 »Kemi'ane tsepa kemtitita mitimayiani tikwikame mitiuhanitsitia hetia mirayepikai miti'itakai ka'itiyati kaniyuhayewamiki kepauka mikiyiretsieke. Kemi'ane miki piinite miranupini peuyewetse yu'ixurikite miti'ekwaki meta miti'iwaki, meta 'ana ka'itiyati puyuhayewa kepauka mikiyiretsieke.

11 »Mitiuhanitsitia xika xeime 'umayiani haki kakamaimaweti, kemi'ane mumayiya miki yu'ixuriki piti'ekwa meta puti'iwa 'ana ka'itiyati puyuhayewa kepauka mikiyiretsieke.

12 »Xika mitiuhanitsitia haxuki mitiwewiya tiumayiani, tita mitiumayiya kanitatarariemiki, meta kiye mexayari xika 'umayiani miki haki kanitahauxinariemiki.

¹³ »Xika tikwikame mihanitsitiakai heunuani, 'atahutamexia tukari kanikwewimiki miki mi'itinyaniki. 'Anari yu'ixurikite kaniti'ekwamiki meta kaniti'iwamiki haa haixata miemeki, 'anari 'itinyati kanayeimiki.

¹⁴ 'Atahairieka tukaritsie yuhutame wauraxi yatini yuhutame haimixi puwaranitiki, Yawé hixie kaniyuhematikamiki, 'ixuriki tukiyarita mireutahakitiretsie. Muwa memawiwawe kanawayetuamiki mawari wewiwame hetsia,

¹⁵ mikiri xeime piyetuani mi'itinyani mawariyari mayaniki, xeimeta mawari taiyariyari mayaniki. Mawari wewiwame mipai pitinyurieni Yawé hixie, mitikuye mixinarieniki mawariyari mitiuhanitsitiakaiki.

¹⁶ »Kepauka 'uki mitiwatituani, miki peuyewetse yuwaiyaritsie naiti miti'iwa, 'ana ka'itinyati piyuhayewa kepauka mikuyiretsieke.

¹⁷ Xika 'ixurikitsie 'ukatsune yatini waiyarieyatsie, miki pahauxinarieni, 'ana ka'itinyati puyuhayewa kepauka mikuyiretsieke.

¹⁸ »Kepauka 'uki 'uka hamatia memiyukumayianitsie xika tiwatituani, miki yuhutati mepiti'iwa 'ana meka'itinyati 'akuxi mepuyuhayewa kepauka mikuyiretsieke.

'Ukaratsi kemitiu'itinyani xuriya 'ita'axiyayu hepaitsita

¹⁹ »Kepauka 'ukaratsi xuriya mita'axiyatsie maye'ani, 'atahuta tukari ka'itinyati puyuhayewa.

»Kemi'ane mikumayiani miki ka'itinyati puyuhayewa kepauka mikuyiretsieke.

²⁰ »Tsepa ketititatsie miki mirahuni xuriya 'i'axiyakaku 'akuxi ka'itinyati puyuhayewa.

»Tsepa ketititatsie miki mirayeixani xuriya 'i'axiyakaku 'akuxi ka'itiyati puyuhayewa.

21 »Miki 'uka 'utaya kemi'ane mĩmayiani yu'ixurikite piti'ekwa meta piti'iwa, 'ana ka'itiyati puyuhayewa kepauka mikiyiretsieke.

22 »Kemi'ane miki tita hetsie marakatei mitimayiani, miki yu'ixuriki kaniti'ekwamiki meta kaniti'uwamiki 'ana ka'itiyati puyuhayewa kepauka mikiyiretsieke.

23 »Xika xewiti tiukumayiani tixa'iti 'utayatsie mirapikai yatini hakewa miki mayatsie, miki ka'itiyati kaniyuhayewamiki kepauka mikuyiretsieke.

24 »Xika xewiti 'uki miki 'uka 'ukumayiani, miki kati'itiyakame mĩrexeiya hetsiena puyuhayewa, 'anari ka'itiyati payani 'atahuta tukari. Yaxeikiata tsepa miki hakewa 'utatsie mekahuni ka'itiyati puhuhayewa.

25 »Xika 'uka xuriya 'uhanitsitiaka tukarieya ka'aye'awekaku meti'axiyatsie, xikari mĩxa tukari mipai 'aneni, ka'itiyati kaniyuhayewamiki 'atsita kemireutereke, xuriya meti'axiya hepai.

26 »Ke'aneme 'utatsie mikahuni mexi 'akuxi kwiniyaya kaheunuaweni ka'itiyati kaniyuhayewamiki, xuriya mi'axiyani hepai.

»Tsepa titatsie mirayerini miki ka'itiyati kaniyuhayewamiki, xuriya mi'axiyani hepai.

27 »Kemi'ane miki naime tipiinieya mitikumayiani miki ka'itiyati payani. 'Ayumieme kaneuyeweka yu'ixurikite miti'ekwaki meta miti'iwaki, 'ana ka'itiyati puyuhayewa kepauka mikiyiretsieke.

²⁸ »Kepaukake mitiuhanitsitiakai maunuani, miki 'atahuta tukari pikwewieni mi'itiyaniki.

²⁹ 'Atahairieka tukaritsie yuhutame wauraxi yatini yuhutame haimixi, piwaranutiki 'ixuriki tukiyarita miranutahakitiretsie, muwa mawari wewiwame piyetuirieni,

³⁰ mikiri xeime piyetuani 'itiya mawariyari mayaniki, xeimeta mawari taiyariyari mayaniki. Mawari wewiwame mipai pitiyurieni Yawé hixie mitiuhanitsitiakai mixinarieniki.

³¹ »Xeme mipai xeteyurieti xekaniwapatakakuni 'ixaheritsixi meka'itiyati memikayuhayewaniki. Mipai xeteyurieyu miki mepikakwini netuki muyepatsie wahixiata muwe metsewiximayu.

³² »'Iki 'iniari niukiyari kemi'ane ka'itiyati muyuhayewa kaniwewiyariemiki tiwatiyeurieme,

³³ kemi'ane xuriya mita'axiya, tsepa 'uki meta tsepa 'ukaratsi xika tiuhanitsitiaka, kemi'ane memuyukumayiani, metatsiere kemi'ane 'ukaratsi ka'itiyakame mukumayiani».

16

'Aitsikate 'itiya 'axamiti'ane 'ayewaikawametsie kemiti'ayumieme

(Maw 16:2-34 - Maw 23:26-32, 'Inia 29:7-11)

¹ Yawé Muitsexi mipai katiniutahiawe. 'Aruni niwemama yuhutati me'ukwikuri, meheutahaxiaka memukwi Yawé hixie 'atsimekatemaiti.

² Yawé Muitsexi mipai katiniutahiawe: «'A'iwa 'Aruni mipai ketineutahiawi hau'erietu pikaheutahakeni tsepakepauka, muwa

muyepatsietsie 'ixuriki meuwitsie warita, tatsiari Kakaiyari ma'axetsie kakunitsie maka hixie, kapa 'uminiki kepauka haiwitisie ne mana heimana nemunuanitsie.

³ »Matsi 'Aruni muyepatsieta kaneutahamiki tsikeru temaiki 'ahanati 'itiya mawariyari mayani meta xeime muxa 'uki mawari taiyariyari mayaniki.

⁴ Rinu kamixayari mi'itiya panakatini meta tetiata mieme. Rinu kamixayaritsie heimana panayuhiani kuxiraki meta rinu mukuretsiyari panakeni. 'Iki kemari mipatsie kanihikitini, 'arike ti'iwame katinanakatimiki.

⁵ »'Ixaheritsixi wakiekaritsie, 'Aruni tsipuri 'ukitsi yuhutame piwarayehapani mixinarieni mawariyari memakineki, meta xeime muxa 'uki mawari taiyariyari mayaniki.

⁶ 'Arikekeri 'Aruni 'ixatiame tsikeru 'itiya mawariyari yuhetsiemieme mixinarieni mawariyari mayaniki meta yuniwema wahetsiemieme,

⁷ yuhutame tsipuri 'ukitsi piwaranuhapani Yawé hixie piwa'atiani, 'ixuriki tukiya miranutahakitiretsie.

⁸ Hiki 'Aruni yuhutame tsipuri 'ukitsi wahetsie 'iniari kanitawewimiki kemi'ane hetsie mitinakenikekai, xeime Yawé hetsiemieme mayaniki xeimeta yeuta makumawetsie mitatuaniki.

⁹ Tsipu Yawé hetsie mitiunakixi 'Aruni pixatiani 'itiya mawariyari mayaniki,

¹⁰ matsi Yawé hixie 'ayeniereme xeime kaniyet-uamiki, mixinarieni mawariyari mayaniki, miki

tsipu 'uki mitatuani makumawetsie, Hatsatseri hetsia penuni'ani.

11 »'Aruni mana pixatiani tsikeru temaiki 'itiya mawariyari yuhetsiemieme mayaniki, yapitiyurieni yuhetsiemieme mixinarieni mawariyari meta yuniwema wahetsiemieme. 'Anari tsikeru 'itiya mawariyari yuhetsiemieme kaniwaxitemiki,

12 hiki pitsiwiwame tii hineme kanitihanimiki mawari taiyametsie 'eyehaname Yawé hixie makatsie, huta tuiyari hipineti 'ikwa witsimu'ia mimiyanii yinikame, 'ixuriki meuwie warita paiti piranupini,

13 hiki mana Yawé hixie 'ikwa witsimu'ia taipa pauwiwieni, kitsiyari witsimu'ia Kakaiyari ma'axetsie manukananiki kakuni hakewa tiratu 'iniariyari meyeka hetsie maka. Mipai tikayame 'Aruni pikamini.

14 Mipaita tiyurieme 'etsiwa tsikeru xuriyaya tihaname, 'etsatana tau manatineikatsie yu'itiwameki pi'iya Kakaiyari ma'axe manukaname taita, hixienata 'atahutamexia pi'iya.

15 »Hiki 'anata kwitiwa tsipu 'uki puwax-iteni 'itiya mawariyari mayani teiteri memiteheuyehiwiyarieniki. Xuriyaya pani'ini 'ixuriki meuwie warita, mikiki yaxeikia pitiyurieni tsikeru xuriyayaki mitiuyuri hepai, Kakaiyari ma'axe pi'iya heimana meta hixienatsie.

16 Mipai pitiyurieni tuki mixinarieniki meta tita mikati'itiyaki 'ixaheritsixi teiteriyari 'iniari memutitsanaxiaki, mipai

mepiteheuyehiwiyarieni tsepa titaki 'axamemite'uyuri. Yaxeikiata katiniyurimiki 'ixuriki tukiari hetsiemieme, wahixiata muwe tita mikati'itiyaki wahetsiemieme.

¹⁷ Xewiti 'ixuriki tukiari pika'ayekani kepauka 'Aruni meutahani mixinarieni mawariari wewienike muwayepatsietsie kepauka miwayeyanike, mexixi mixinarieni mawariari yuhetsiemieme wewiene meta yuniwema, yaxeikiata yunaime 'Ixaheritsixi wahetsiemieme.

¹⁸ »'Aruni wayeyame kwitiwa memixinarieni mawari puwewieni mawari taiyame Yawé hixie muwetsie. Tsikeru xuriyaya piti'ini meta tsipu 'uki xuriyaya, mawari taiyame xexuime 'awateya pitwirieni,

¹⁹ yu'itiwameki mawari taiyame pitwirieni 'atahutamexia xuriyaki. Mipai mepatsieti mepakine me'itiyati 'ixaheritsixi titaki memikate'itiyakai.

²⁰ »Kepauka 'Aruni mititahayewa memixinarieni mawariari wewieti tukita muyepatsieta, 'ixuriki kiiyarita meta mawari taiyametsie, manata tsipu 'uki 'ayeniereme kaniyetuamiki,

²¹ hiki 'Aruni mu'uyatsie putimeni. 'Ixaheritsixi tita 'axamemite'uyuriki meta 'inari memutitsanaxiaki pititahekiata, tsepa ketititaki 'axamitiuyuriki. Miki tsipu naime pitititini, mepenuni'ani 'itsita paiti makumawetsie tewi kemi'ane hetsiena mitiunakixi mipai mitiyurieniki.

²² Miki tewi tsipu pitatuani makumawetsiepai, miki naime 'axamiti'ane piranutini teiteri

memikahakuteitsie paiti.

²³ »Hiki 'Aruni 'Ixuriki tukiyarita heutahame, rinu kemariyari panutihina muyepatsietsie heutahanike menakati, muwa piku'eirieni.

²⁴ Miki muwa muyepatsietsie haki kaniti'iwamiki meta tawari puyutikemaritiani. 'Anaketa wayeyame pixatiani mawari taiyariyari yuhetsiemieme meta teiteri wahetsiemieme. Mixinarieni mawariyari mipai katiniwewiemiki yuhetsiemieme meta teiteri wahetsiemieme.

²⁵ Matsi 'itiya mawariyari wiyayari mawari taiyametsie pititaiya.

²⁶ »Kemi'ane mihiritiarie tsipu yeutapai makumawetsie metatuaniki, miki yu'ixurikite puti'ekwa meta puti'iwa. Mipai tiyuriemeke mematiteitsie kaninuamiki.

²⁷ »Tsikeru temaiki 'itiya mawariyari mayeitiarie meta tsipu 'uki 'itiya mawariyari mayeitiarie, miki xuriya me'iya muyepatsietsie mixinarieni mawariyari mayaniki, miki piwayetikieni teikwariepai, nawiyari waiyari kwitaya pititaiyarieni.

²⁸ Kemi'ane mititaiya miki yu'ixuriki piti'ekwa meta piti'iwa. Mipai tiyurieme 'anake punuani mematiteitsie.

²⁹ »'Iki 'aitsika yuheyemeki 'aixia mi'ane xehetsiemieme payani yaxemitekahuniki, yunaime xehetsiemieme meta 'ateewa kiekatari: Tamamata tukaritsie 'atahutarieka metseritsie xepiyuhakieni tixaiti 'uximayatsika xepikatehexeiyani.

³⁰ Miki tukaritsie xemixinarieni mawariyari puyetuiyani xemi'itiyaniki, Yawé hixie

xekani'itiyakuni naimeki ke'axaxemite'uyuriki.

³¹ Xeme xehetsiemieme xeitukari pu'uxipiyatini 'ana xepiyuhakieni. 'Iki 'aitsika yuheymeki 'aixia mi'ane kanihikitini.

³² »Mawari wewiwame kemi'ane manayexei-yarie meta yamitiuta'aitiarie yupaapa 'utima mieme mayaniki miki mixinarieni mawariyari puwewieni. Miki rinu 'ixurikiyari mipatsie kananakatimiki,

³³ mixinarieni mawariyari piwewieni Waikawa Muyepatsietsie mieme meta 'ixuriki Tukiyarita mieme meta mawari taiyame hetsiemieme. Yax-eikia meta pitiyurieni mawari wewiwamete wahetsiemieme meta kiekatari memiyutixexeiriwa wahetsiemieme memixinarieniki.

³⁴ »'Iki 'aitsika yuheymeki 'aixia mi'ane kanihikitikamiki yatemitekahuniki: Xeiwiwari 'aye'axekaku xeimieme mixinarieni mawariyari xepukuwewiwani yunaiti 'ixaheritsixi wahetsiemieme naimeki yunaiti 'axamemiteyurieki».

Mipai katinaye'atiarieni Yawé Muitsexi kemitiuta'aitiakai.

17

Kemira'imariwa xuriya mikwakaki

¹ Yawé Muitsexi katiniuta'aitiani,

² 'Aruni meta niwemama meta 'ixaheritsixi yunaime mipai mitiwatahiaweki: «'Iki kanihikitini Yawé mitati'aitia:

³ »Kepauka xewiti 'ixaheri tewiyari wakaxi yatini muxa meta tsipu, mitimawa mematiteitsie yatini 'ateewa paiti.

4 Miki hetsiena pirahiiani xuriya metayeuriki meta mikaheihaki 'ixuriki tukiyari miranutahakitiretsie mumierieniki, muwa mixatianiki mawari Yawé hetsiememe mayaniki tukieya hixie. 'Ayumieme miki payeweiyarieni yuteiterima watsata.

5 'Iki 'aitsika kanihikitini 'ixaheritsixi Yawé memi'atiriwaniki mawari yeuta memitiwewiwa. Mawari wewiwame hetsia mepi'atiwani 'ixuriki tukiyari miranutahakitiretsie, Yawé memiyetuirieniki 'aixia memiteyuxeiyani mawariyari mayaniki.

6 Mawari wewiwame xuriya pitayeurieni mawari taiyame Yawé tipinneyatsie, 'ixuriki tukiyarita miranutahakitiretsie, meta wiyayari kanititaiyamiki witsimu'ia Yawé minake mihikiki.

7 Hatsuakuri mawari mepikawaxatiani yukakaiyarixi memiwarexeiya, tsipuri 'ukitsi wahapai me'aneneme memiwarutiwewi. 'Iki 'aitsika yuheyameki 'aixia mi'ane kanihikitini miki wahetsimieme meta watiriyama.

8 »Kepauka xewiti 'Ixaheri tewiyari yatini 'ateewa kiekame xehamatia muka mawari taiyariyari miyetuani yatini mawari,

9 xika kaheihana 'ixuriki tukiyarita miranutahakitiretsie Yawé mixatianiki, miki payeweiyarieni yuteiterima watsata.

10 »Kepauka xewiti 'ixaheritsixi yatini 'ateewa kiekame xehamatia muka xika naime tsepa tita mitixuriyaya tikwaka, ne nepiyeha'ani hepaitsitana meta teiterimama wahetsia nekaneyeweyamiki.

11 Yunaiti memite'ayeneniere xuriyaki mekanayeneniereni. Ne nekimana nepixeyetuirie mawari taiyametsie, xemixinarieniki yuxexuiti, miki xuriyaki katiniyimiki xemixinarieniki.

12 'Ayumieme mipai nepitixekihawe: Xewiti xeme xuriya pikakwa'ani, meta 'ateewa kiekame pika'itikwani xehetsia 'ukaiti.

13 »Xewiti 'ixaheritsixi yatini 'ateewa kiekame xehetsia 'ukaiti xika tixaiti remieni yeutanaka yatini weurai memitikwaniki memupitiarie, miki xuriyaya 'ayekuname kwiepa mitayeurieni penu-teuku,

14 yunaiti memite'ayeneniere xuriyaki mekanayeneniereni. 'Ayumieme yanepitixekuhawe: Memitexiawe waxuriya xepikakwa'ani, yunaiti memite'ayaneniere xuriyaki mekanayeneniereni, kemi'ane mitikwani miki payeweiyarieni yuteiterima watsata.

15 »Yunaiti 'ixaheritsixi yatini 'ateewa kiekame xika xewiti wai 'utikwani 'irawe 'imieyu yanitsitini heititsanaxiaku, miki yu'ixuriki piti'ekwa meta haki piti'iwa, ka'itiyati puyuhayewa kepauka mikiyiretsieke 'anakeri 'itiyati payani.

16 Xikari yu'ixuriki ka'uti'ekwa meta xika ka'uti'iwa, miki 'axamitiuyuriki tiuka'eniwati payani».

18

*Kemitiwaruta'imaiyaxi
memikawakumaiwaniki*

hipame

¹ Yawé Muitsexi mipai katiniuta'aitiani,

2 'ixaheritsixi mipai mitiwatahiaweki: «Ne Yawé xekakaiyari nekanihikitini.

3 'Ekipitutari yuyeyari kememitehexeyakai wahapai xepikateyurieka, meripaiti xematitekait-sie, meta Kanani kiekatari wahapai, ne hakewa hiki nemixehewititsie. Wa'aitsika xepika'anukuweweyani,

4 matsi ne'aitsikatsie yaxekateneyurikuni meta ne'iniari niukiyaritsie yaxekatenekahukuni. Ne Yawé xekakaiyari nekanihikitini.

5 Ne'iniari niukiyaritsie yaxeketenekahuni meta ne'aitsikatsie, kemi'ane memeye'atiani miki tukari mekanipitiariekuni. Ne Yawé nekanihikitini.

*Kemira'imariwa memuyukumaiwaniki
hepaitsita*

6 »Nixewiti 'ahurawa yu'iwa hetsia pika'aye'axeni hamatiana mikahuniki 'ikumayianike 'uka yatini 'uki. Netsi Yawé nekanihikitini.

7 »'Apaapa pepikatewiyatsitiaka, 'amaama hamatia pepika'ukahupuni pe'ikumayianike. Mipai pepikayianeni miki kani'amaamatini.

8 »'Apaapa 'iyaya hamatia pepika'ukahupuni pe'ikumayianike, 'apaapa pepikatewiyatsitiaka.

9 »'Ataru hamatia pepika'ukahupuni pe'ikumayianike, 'apaapa meta 'amaama memeyexei, 'axeikia xe'utinunuiwame yatsepa xaitsie metinuiwaxi.

10 »'Aniwe 'uki nu'aya 'uka hamatia pepika'ukahupuni pe'ikumayianike, meta 'aniwe 'uka nu'aya hamatia, 'eki 'akimana pemi'ananimaka hepai kani'aneni.

11 »'Apaapa nu'aya yu'iyatsie meyexei hamatia pepika'ukahupuni pe'ikumayianike. Pepika'itewiyatsitiaka miki pi'a'iwa.

12 »'Apaapa taruya hamatia pepika'ukahupuni pe'ikumayianike, 'apaapa pepikatewiyatsitiaka.

13 »'Amaama 'iwaya hamatia pepika'ukahupuni pe'ikumayianike, 'amaama pepikatewiyatsitiaka.

14 »'Apaapa 'iwaya 'uki pepikatewiyatsitiaka, 'iyaya hamatia pepika'ukahupuni pe'ikumayianike, kariki miki kani'ateteitini.

15 »Yaxeikia 'amu'e hamatia pepika'ukahupuni pe'ikumayianike. 'Aniwe pepikatewiyatsitiaka.

16 »'A'iwa 'iyaya hamatia pepika'ukahupuni pe'ikumayianike, 'akimana pekani'atewiyatsitiakamiki.

17 »Yuhutame 'ukari wahamatia pepika'ukahupuni pemiwakumayianiki maamaya meta niweya meta mama'imama, tatsiari niweya 'uki nu'aya, yatini nu'aya 'uka nu'aya. Miki 'ahurawa mekani'iwamarixitini, 'ayumieme xika 'ikumayiani waikawa 'axakatiniyurimiki.

18 »Pepika'itewitiki 'akwe, meta hamatiana pepika'ukahupuni pe'ikumayianike mexi 'akuxi 'a'ia 'ayeniere, kapa meyuyehexianiki.

Hutarieka kememite'uhiritiarie

19 »Xeime 'ukaratsi hamatia pepika'ukahupuni pe'ikumayianike, mexixi 'akuxi xuriya 'i'axiya.

20 »'Ahepai tewi 'iyaya hamatia pepika'ukahupuni pe'ikumayianike, kapa mikiki peka'itiyati pe'uuyuhayewaki.

21 »Kemititewaki 'akakaiyari kapatsiekame pepika'ayeitiaka, 'aniwe peyetuati Muruki

kakaiyariyari hetsia, mawari mitataiyarieni mayaniki. Ne Yawé nekanihikitiini.

²² »'Uki hamatia pepika'ukahupuni 'uka hamatia pemukahupuni hepai. Mikiri mixani'eriwa kanihikitiini.

²³ »Tewatsiekate memitexiawe pepikawakumaiwani. Mikiki peka'itiyati pepikahayuyeitiaka.

»Meta yaxekia tewatsiekame 'uka pikakumaiwani. Mipairi yianeti 'axapi'itiarieka.

²⁴ »Mipai xeteyurieti xeka'itiyati xepikahayuyeitiaka, mipai mete'uyurieku nuiwarite hiki nekaniwarayeweyamiki xeme nemixenaki'erieki,

²⁵ mikiki kwie yukimana 'axapuyuyuri. 'Ayu-mieme nepuwaru'uximatia 'axamemite'uyuriki, miki kwie yuteiterima kaniwaruhayani.

²⁶ Xeme yaxeketenekahuni ne'iniari niukiyaritsie meta kenemiti'aita. Tsepa xeme meta 'ateewa kiekatari xehamatia memititei miki mixani'eriwaki mipai xepikateyurieka,

²⁷ matsi miki miyamiti'ane yamekateniyuriekaitini 'iki kwieyaritsie memititekai xeme 'ena 'akuxi xeka'axiawawekaku, kwie 'axa'aneti kanayani.

²⁸ Xikata xeme kwie ka'itiyakame xe'ayeitiani, mikita pixehayani nuiwarite kemitiwaruhaya hepai hetsiena memukutekai xeme 'akuxi 'ena xeka'axiawawekaku.

²⁹ »Kemi'ane 'iki mitixani'eriwaki yamitiyurieni miki kanayeweyariemiki yuteiterima watsata.

³⁰ Xeme yaxeketenekahuni kenemiti'aita, xeketenehayewani tita mitixani'eriwaki

yeiyari kememiteyuriekai 'ena kwiepa xeme
 'akuxi xeka'axiawawekaku. Xeka'itiyati
 xepikahayuyeitiaka mikiki. Netsi Yawé
 xekakaiyari nekanihikitini».

19

Kememite'uta'inierie memipatsiekaki

¹ Yawé Muiťsexi katiniuta'aitiani,

² 'ixaheritsixi memuyutixexeiriwa
 mitiwataxatiani'ipai mitiwatahiaweki:
 «Xekenepatsieka, ne Yawé xekakaiyari
 nemipatsieki.

³ »Xeme yunaiti yumaamama meta
 yupaapama xeketeniwareuyehiwirieka. 'Uxipiya
 tukari xekena'eriwani ne Yawé xekakaiyari
 nekanihikitini.

⁴ »Kakaiyarixi tixaiti memikatehiki wa-
 hetsia xepikahekikani, kakaiyarixi tepiaki
 memuwewiyatika xepikawawewieka. Ne Yawé
 xekakaiyari nekanihikitini.

⁵ »Kepauka Yawé mawari 'aixia
 memiteyuxeianiki mawariyari
 xemiteyetuirieni, kemireuyewetseki
 xeketeneuyuri miki Yawé 'aixia 'anemek
 mitanaki'erieniki.

⁶ Xekeneutikwa'i kepauka xemiwewienitsie
 yatinita 'uxa'arieka. Hairieka tukaritsie mieme
 muyuhayewa xekanitataiyakuni.

⁷ Xika xewiti hairieka tukaritsie 'itikwani,
 miki mawari pikatanaki'eriwa, mixani'eriwa
 pihikitiniri.

⁸ Xika xewiti hairieka tukaritsie 'itikwani, ka-
 tinika'eniexiamiki 'axamitiuyuriki tita mitipatsie

Yawé hetsiemieme kapatsiekame mayeitiaki. Miki yuteiterima watsata payeweiyarieni.

'Ahepai tewi kepemitinaki'erieka

⁹ »Kepauka 'itsanaxa maye'anitsie, naime xepikaka'itsanani yuwatsiyata timieme meta miayeyari naime xepikakapineni mana xekeneuhayewa.

¹⁰ »Tawari 'akuxi kaxie xatsimuyaritsie 'imatirieka mieme xepikawautiweni takari meta mikaxiriwe pepikakuteixini. Tixaiti memikatehexeiya keniwaruhayewi meta 'ateewa kiekatari. Ne Yawé xekakaiyari nekanihikitini.

¹¹ »Pepikatinawayani.

»Xepikateyu'itaiyani.

»'Ahepai tewi pepikati'iriwiyani.

¹² »Yaki xeikia pepika'ahiritiaka kenemititewaki, meta kenemititewaki 'akakaiyari kapatsiekame pepika'ayeitiaka. Ne Yawé nekanihikitini.

¹³ »'Ahepai tewi pepikananaimaka, meta wairiyarika pepikatikunawairiwani tita mirexeiya.

»Ti'uximayatame tuminieya pe'a'iti 'uxa'ariekake pepika'iku'itiwani.

¹⁴ »Mikaheu'ena 'axapepikatiuhaweni, mikaheuniere hixie pepikatiuyetsani pe-meikahianiki, matsi 'akakaiyari kenayemakaka. Ne Yawé nekanihikitini.

¹⁵ »'Eki heitseriemeki yaketinekuxatani, xeime xeikia pepikaparewimikini tixaiti memikatehexeiya meta xikutsixi wahetsie, matsi kemitiheitserieki ketineyurieneni yunaime wahetsie.

16 »'Ateiterima watsata 'axaniuki pepikawewieka, meta 'ahapai tewi pe'itati pepikahekiatani. Ne Yawé nekanihikitini.

17 »'A'iwa 'a'iyaritsie pepika'uxiwe'erieka, matsi 'ahapai tewi keneutati'a hahekiakameki kapa petiuka'eniexianiki miki ke'axamitiuyuriki.

18 »'Ahapai tewi pepikatikihiwiriwani kemumatsi'uyuriki, meta haxia pepika'utani hetsiena mieme. 'Ahapai tewi kenenaki'erieka 'eki kepemiti'anaki'erie hepai. Ne Yawé nekanihikitini.

Tawarita kememite'uta'aitiarie

19 »Yaxeketenekahuni ne'aitsikatsie:

»Tewaxi hipame yiki memi'anene wahamatia xepikawaweiyatsitiatiweni.

»Yuwatsiyata huta 'imiariyari yiki'anenekameki xepika'etiweni.

»'Ixuriki hiru hutame yiki 'anenemeki wewiyakame xepika'anakatikini.

20 »Xika xewiti 'uki, 'uka wairiyarika ti'uximayatame hamatia 'ukahuni xeime hamatia memuyutiwinikekaiki yame-tekuxatakaku, matsi xika 'akuxi kareyuka-tuiyawekaitini kaxinariewekaitini, miki yuhutati yamepitipitiarieni kemireuyewetse xeikia memiteka'eniexianiki, matsi mepikakwi'iwa miki 'uka mikatatuiyawekaiki 'akuxi.

21 Miki 'uki kaneuyeweka Yawé muxa 'uki mawariyari miyetuirieniki hetsiena mirahiyaki. 'Ixuriki tukiyarita miranutahakitiretsie kanenuhanimiki,

²² muwa mawari wewiwame 'itiya mawariyari kaniwewimiki Yawé hixie 'axamiti'ane hepaitsita, Mipai miki ke'axamitiuyuriki pireuyehiwiyarieni.

²³ »Kepauka xeme miki kwieyaritsie xemi'axiani xika kiyexi 'ikwaxi mikwaiwa mukaxuawitiwa xete'uka'iteirita, haika wiyari 'ikwaxiyari xepikatikwani matsi ka'itiyakame xekanayeitiakakuni.

²⁴ Nauka wiyaritsieke naiti 'ikwaxi Yawé pixatiarieni mawari mayaniki Yawé pamipariyutsi me'ipitiati,

²⁵ 'auxiwirieka wiyarike 'ikwaxiyari xemitikwaniki xepiyiwaweni. Mipai xeteyurieyu waikawa pitiukaxuxuawereni. Ne Yawé xekakaiyari nekanihikiti.

²⁶ »Tixaiti rayexureme xepikatekwaka.

»Kakaiyarixi memiwaruta'iwawiya kemitiyini mipai xepikateyurieka meta xemiteyukewaiyaniki.

²⁷ »'Akipa pepikahaxitiyeikani xikiraiye manuyemareki meta 'amixiya 'a'ayekwaitsiememe kitsiena pepikahanuyexikani.

²⁸ »'Awaiyaritsie pepika'atixitekeni mikite wahetsiememek, meta pepikareu'utiarieka 'anawiyaritsie. Ne Yawé nekanihikiti.

²⁹ »Yuniwema wairiyarika xepikawapitiaka tuminiki memukumayiiwaniki,* kapa yunaiti teiteri hipame kakaiyarixi mewarayexeyati me'akineki meta kwiepa 'axamiti'aneki 'akunini.

* **19:29 19:29** Hipati kananitari mipai mepite'u'eri kename 'ikiki Kakaiyari metemawieritianikekai.

Tawarita xewiti kemireuyewetse

³⁰ »'Uxipiya tukari xekena'eriwani, netuki xeke-nayexeiyani. Ne Yawé nekanihikitini.

³¹ »Mikite wahamatia memitekuxata wahetsia xepikakinetiweni, hipame 'iyarite memuwakihawe xepikawakuwautiweni matsi xeka'itiyati xepakine miki waheki. Ne Yawé xekakaiyari nekanihikitini.

³² »'Amiyumate pexeyame keneutakexi.

»'Ukirawetsixi 'aixia ketinewaxeiyani.

»'Akakaiyari kenayemakaxeni. Ne Yawé nekanihikitini.

³³ »Xika xewiti 'ateewa kiekame kiekaritsie xematiteitsie nuame mana hetayerini, xepikahei'uximatiaka.

³⁴ Matsi 'aixia xeketenexeiyani xewiti xehetsia mimiemetini hepai. Xekenenaki'erika xeme kexemiteyunaki'erie, mipai xetemaiti xemeta kikamete 'Ekipitutsie xemihikitikaiki. Ne Yawé 'ixaheritsixi wakakaiyari nekanihikitini.

³⁵ »Ti'iniinatame tiyukwamanameki pepikati'iniatani, kemautatewaki, meta kemirahete meta kepaimeti mirakanakeki.

³⁶ Miranuyewiwitiwa kenexeiyani kemirahete 'aixia reku'iniaritikaime. Ne Yawé xekakaiyari nekanihikitini, 'Ekipitu nemixe'ayewiti.

³⁷ »Matsi naime ne'aitsikatsie yax-eketenekahuni. Yaxeketeneyurieka naime tita nemiti'aita. Ne Yawé nekanihikitini».

20

'Axamiti'aneki kememite'ukwinixi

¹ Yawé Muitsexi mipai katiniuta'aitiani

² 'ixaheritsixi mɪpaɪ mɪtiwatahiaweki: «Yunaiti 'ixaheritsixi meta 'ateewa kiekatari 'Ixaheri kwieyaritsie memɪtiteni xika xewiti yuniwe mitataiyarieniki yetuani, Muruki kakaiyariyari mawarieya mayaniki. Miki kanimieriemiki. Kiekatari memiyutixexeiriwa mepimieni tetexiki me'itituaxati.

³ Ne miki hepaitsita nepiyeha'ani meta teiterimama watsata nepeyeweiya, xeime yuniwe miyetuaki mitataiyarieniki Muruki kakaiyariyari mawarieya mayaniki, ka'itiyakame mayeitiaki netuki muyepatsieta meta kenemɪtɪtewaki nekapatsiekame minetsi 'ayeitiaki.

⁴ »Xika kiekatari memuyutixexeiriwa 'atsimekate'uyurieni miki tewi hepaitsita yuniwe xeime miyetuaki Muruki hetsia, meta xika meka'imieni,

⁵ ne miki nepaye'unieka meta tiiriyamama, meta nepeyeweiya teiterimama watsata meta yunaima teiteri Muruki hamatiana memukahini hepai memiyi me'eyexeiyati.

⁶ »Yaxeikiata tsiere nepiwaraye'unieka kemi'ane mikite wahamatia memitekuxata meta hipame 'iyarite memiwakihawe wahetsia memikinetiwe wahapaitsita meta mewaranukuweiyame 'iyarite wahamatia memukahini hepai mekaniyiakakuni. Teiterimama watsata nekaniwarayeweiyamiki.

⁷ »Nehetsia xekeyeyu'itiekā, meta xekenepatsieka, netsi Yawé xekakaiyari nekanihikitini.

⁸ »Yaxeketenekahuni ne'aitsikatsie xeke-naye'atiaka. Ne Yawé, nemixepata nekanihikitini.

⁹ »Xika xewiti yupaapa 'axatiutahawe meta yumaama, miki ke'umierieni: yupaapa yumaama

hepaitsita 'axamutayiki, miki mimierieniki het-siena pitinakeni.

¹⁰ »Xika xewiti yuhepai tewi 'iyaya 'ukumayiani, mikiri yuhutati mekanikwi'iwakuni 'uki meta 'uka.

¹¹ »Xika xewiti yupaapa 'iyaya hamatia 'ukahuni, yupaapa kanitewiyatsitiaka. 'Uki meta 'uka mepikwi'iwa, miyamemite'uyuriki wahetsie pitinakeni memikwi'iwaki.

¹² »Xika xewiti yumu'e hamatia 'ukahuni, 'uki meta 'uka mekanikwi'iwakuni. Waikawameki 'axamemite'uyuriki, miyamemite'uyuriki wahetsie pitinakeni memukwi'iwaki.

¹³ »Xika xewiti 'uki hamatia 'ukahuni, 'uka hamatia mukahuni hepai, mikiri mixani'eriwaki memite'uyuri yuhutati mekanikwi'iwakuni, wahetsie pitinakeni memikwi'iwaki.

¹⁴ »Xika xewiti maamaya meta niweya mame warukumayiani, mikiri waikawa 'axamepite'uyuri. Miki yuhaikati mekaniti-taiyariékuni, tawarita xetsata 'iki 'axamiti'ane mikatixuaweniki.

¹⁵ »Xika xewiti 'ukititi titewatsiekame 'ukumayiani, miki ke'umierieni meta yaxeikia tewatsiekame kanimieriemiki.

¹⁶ »Xika xewiti 'ukatiti tewatsiekame 'ikumayiani, miki yuhutati mepikwi'iwa wahetsie pitinakeni memikwi'iwaki.

¹⁷ »Xika xewiti 'ahurawa yu'iwa 'ukumayiani, mikiri tewiyikimeki katiniyurimiki yuhutati miirikia mekananuhapaniekuni. Yu'iwa kaniutewiyatsitiani, miyamutiuyuriki katinika'eniexiamiki ke'axamitiuyuriki.

18 »Xika xewiti xeime 'uka xuriya 'i'axiyakaku hamatia 'ukahuni 'ikumayiani, miki mitiuhanitsitia matsiikime kanayeitiani, yaxeikiata miki 'uka kaniyuhekiata yuxuriya muhanitsitiaki. Miki yuhutati yuteiterima watsata mepayeweyarieni.

19 »'Atetei 'apaapa meta 'amaama 'iwaya hamatia pepika'ukahupuni, mikiri 'ahurawa 'a'iwa pekanitewiyatsitiaka, miki yuhutati mekatenika'enieixiakuni ke'axamemite'uyuriki.

20 »Xika xewiti yutetei hamatia 'ukahuni, yutatatsi kanitewiyatsitiaka, miki yuhutati mekatenika'enieixiakuni ke'axamemite'uyuriki: nuiwari mekawaraxeyame mekanikwikuni.

21 »Xika xewiti yumatsika 'iyaya wairiyarika 'ipitiatu 'ikumayiani, mikiri ka'itiyakame pirayeitia yumatsika hepaitisa: yu'iwa kaniutewiyatsitiani mikiri yuhutati yunuiwarima mewarexeiyati mepika'akine.

22 »Naime ne'aitsikate xekenaye'atiaka meta ne'iniari niukiyarite. Yaxeketenekahuni, kapa kwie nemixeyetuirieni mana xemetiteniki xe'uhayaniki.

23 Miki nuiwarite kememiteyurie xewa'iketi xepika'u'uwani xeme nexenaki'erieti nemuwarayeweiya. Miki naime mipai mekate-niuyurieni, ne miki nekaniwarutixani'erieni.

24 Matsi xeme nekatnixekihaweni: "Ne miki kwie nuiwarite mematitekaisie nepixeyetuirieni, kwie retsi meta xiete waikawa maxiawetsie. Ne nekimana nepixeyetuirieni xehetsie mitinakeniki".

»Ne Yawé xekakaiyari nekanihikitini, hipame nuiwaritetsie wahetsia yiki xe'aneneme nemixe'ayeitiaki.

²⁵ 'Ayumieme, xemeta yuki me'aneneme xekeniwarayeitiaka yeutari memitexiawe memi'itiatika meta memika'itiatika, meta memite'awiwawe watsata memi'itiatika meta memika'itiatika. Xemixani'eriwa xepika'ayuyeitiaka miki memitexuawe yeutari waheki, memite'awiwawe meta tsepa ketita yutawima mitikuyeikaki, ne memika'itiatiki miki nepixe'u'iniaritia.

²⁶ Xeme xekenepatsieka, ne Yawé nemipatsieki, ne yukipita xe'aneneme nekaxenayeitiani hipame nuiwarite watsata, nehetsia miemete xemihikitiniki.

²⁷ »Xika xewiti 'uki yatini 'uka mikite wahamatia tikuxatani meta hipame 'iyarite muwakihawe, miki kanimieriemiki. Tetexiki tituaxiexiame kanimimiki, hetsiana mitinakekaiki mumierieniki».

21

Mawari wewiwamete kememitepatsie

¹ Yawé Muiťsexi katiniuta'aitiani mawari wewiwamete mipai mitiwatahiaweiki, 'Aruni niwemama: «Xeka'itiatiki xepikahayuyeitiaka mikite yukiekaritsie xewakumaiwati,

² matsi miki xeikia mepiyiwaweni 'iwaya 'aurawatanaka, maamaya, paapaya, nu'aya 'uki, niweya 'uka, xika xewiti 'umini 'ahurawa 'iwaya

³ yatini 'iwaya 'uka kawikietiki hetsiana muka.

⁴ Miki memanuyetei memihikiki yukiekaritsie, meka'itiyati mepikahayuyeitiaka meta mepikayutsewiximaka.

⁵ »Mawari wewiwamete yumu'utsie mepikayukaxikani, yumixiya kitsie yu'ayekwaitsie mieme mepikahataxikani meta yuwaiyaritsie mepikayutixitekeni.

⁶ Kaneuyeweka memipatsiekaki yukakaiyari hetsiemieme, meta miki kemititewa kapatsiekame mepikahayeitiwani. Miki mekanihikiti 'imikieri taipa warikariekame Yawé memiteyetuiriwa, paa yukakaiyari hetsiemieme hepai mekani'aneneni. 'Ayumieme mekanipatsiekakuni.

⁷ »Xewiti tima mawari wewiwame xeime tuminiki mukumayiiwa pikatiwitikini, yatini 'eiriwakame, meta xeime 'uka mayiiyakame, yukakaiyari hetsiemieme mipatsieki.

⁸ Patsiekame kenayeitiaka, miki 'akakaiyari paa miyetuiriwaki. 'Ahetsiemieme kanipatsiekamiki, ne Yawé nemipatsieki, xeme xepatsiekame nepixe'ayeitia.

⁹ »Mawari wewiwame niweyatiti tuminiki mukumayiiwa xika 'ayuyeitiani miki yikimana kapatseti payuyeitiani yaxeikiatatsiere yupaapa kapatsiekame kanayeitiamiki. Kaneuyeweka 'ayeniereti mitataiyarieniki.

Mawari wewiwamete tiwa'aitiwame kemitipatsieka

¹⁰ »Kemi'ane manayexeiyarieni yu'iwama watsata mawari wewiwamete tiwa'aitiwame mayaniki, mu'uyatsie hatseiti mitiyupata mukawiriyarie, meta kemi'ane mawari

wewiwamete wakemari manakatini
miyetuiriye, 'aixia reyutsiketi puyeikani meta
yukamixa pikaheukatsanani.

¹¹ »Kaxari muyekatsie tima pikaheutahakeni.

»Ka'itiyati pikahayuyeitiaka, yupaapaki meta yu-
maamaki.

¹² »Tukita pikawayeyeikani kapa kapatsiekame
yukakaiyari tukieya 'ayeitianiki, miki
mipatsieniki hatseiti mitiyupata 'ukawiriyarieka
manayexeyarieki yukakaiyaritsie mieme. Ne
Yawé nekanihikitini.

¹³ »'Uka mitiwitini 'iyaya mayaniki
pikamayiyaka.

¹⁴ Meta wiura pikatiwitikini metatsiere
'eiriwakame, yaxeikiata tuminiki mukumayyiwa.
Matsi memakuteitsie kiekame mikamayiya
kanitiwitimiki,

¹⁵ kapa mekapatsiekame yunuiwari
warayeitianiki yuteiterima watsata. Ne Yawé
nekanihikitini nemixepata».

*Kemireuyewetse memi'aneneniki mawari wewi-
wamete*

¹⁶ Yawé Muitsexi mipai katiniuta'aitiani

¹⁷ 'Aruni mipai mititahiaweki: «Xewiti 'anuiwar-
itsiemieteme xika yuwaiyaritsie 'aixia ka'aneni
miki pikayiwani 'ahurawa muyaniki yukakaiyari
hetsia paa mawariyari miyetuaniki.

¹⁸ Tikuyeti yuwaiyaritsie pikayiwani 'ahurawa
muyaniki mipai 'aneti: kaheuniereti, 'uti'itsaiwati,
yihixie kanirieti, meta waiyarieyatsie
reuyewetikaikaku,

¹⁹ 'ikateya meta mamateya 'akamumurikaku,

20 'anatutsiti meta 'etsi'utewiti, meta heuneritsieti yatini haiya xetati mukumarike hexeiyati, hixitana tiukuturekaku, yatini 'ataripiyati.

21 Mawari wewiwame 'Aruni nuiwarieya xika xewiti miki kwiniya mipai 'aneme hexeiyani pikayiwani 'ahurawa muyaniki Yawé 'imikieri taipa warikariekame miwewirieniki. Meta pikayiwani paa mawariyari yukakaiyari miyetuirieniki.

22 Kaniyuwemiki xeikia paa mawariyari meta 'ikwai mipatsie meta waikawa mipatsietika mitikwaniki,

23 miki kwiniya mexeiyaki 'ixuriki meuwieta paiti pikaheutahani meta mawari taiyametsie 'ahurawa pika'uyani, kapa netuki kapatsiekame 'ayeitiakaki. Ne Yawé nekanihikitini mawari wewiwamete nemiwapata».

24 Muitsexi 'iki naime 'Aruni meta niwemama yaxeikiata yunaime 'ixaheritsixi katiniwarutaxatiani.

22

Yawé mawarieya

1 Yawé Muitsexi mipai katiniuta'aitiani

2 'Aruni meta niwemama mipai mitiwatahiaweki: «'Aixia 'anemeki meketeyurieka waikawameki me'eyexeiyati 'ixaheritsixi mawari mipatsie meminetsiwewirie, kapa kenemititewaki nekapatsiekame menetsi'ayeitianiki. Ne Yawé nekanihikitini».

3 Yaxeikiata mipai katinita'aitiani mipai mitiwatahiaweki: «Xika xewiti 'Aruni nuiwarieya

ka'itiyati mawari 'aurie 'ahurawa 'uyani 'ixaheritsixi Yawé memiyetuiriwatsie, miki nehixie payeweiyarieni. Ne Yawé nekanihikitini.

⁴ »Xika xewiti 'Aruni nuiwarieya tixaiti mitiyuwiriweki yuwaiyaritsie tikuyeni, yatini tiuhanitsitiaka miki pitihayewa mawarite mitipatsietika tikwati, kepauka muyu'itienitsieke. Xika xewiti tixaiti kati'itiyati timikiti hetsiena reutawereyu tixaiti tiumayiani yatini tiuhanitsitiakame,

⁵ yatini yeuta memitexuawe, yatini tewi ka'itikayame, tsepa titaki memikate'itiyatika,

⁶ miki ka'itiyati kaniyuhayewamiki kepauka mikiyiretsieke. 'Ayumieme, mawari mipatsie pikatikwani. Haki kaniti'iwamiki,

⁷ tau makayunetsieke 'itiyati puyuhayewa. 'Anakeri kaniyiwemiki mawari mipatsie mitikwaniki, miki mi'ikwaiyaki.

⁸ Tixaiti timikiti titaxeiyarieyu pikatikwaka yatini tiyukwa'ame 'itexierieya, kapa ka'itiyati 'ayaniki. Ne Yawé nekanihikitini.

⁹ »Mawari wewiwamete yameketekahuni ne'aitsikatsie, mipai 'axamepukateyurieni meta mepikakwini kapatsiekame nemawari me'ayeitiame. Ne Yawé nekanihikitini, mawari wewiwamete nemiwapata.

¹⁰ »Xewititima mawari wewiwamete watiriyama wahetsie kamiemetiti mawari mipatsie mitikwani pikayiwani, meta xewiti mawari wewiwame kiita 'ayekaiti, metatsiere ti'uximayatsiriwame.

¹¹ Matsi xeikia wairiyarika ti'uximayatame mawari wewiwame minanai piyiwani mitik-

waniki, metatsiere wai'riyarika ti'uximayatame kiena mutinuiwaxi.

¹² Xika mawari wewiwame niweya 'uka xeime mawari wewiwame kahikitime 'utiwitini, pikayiwani mawari memiyetuiyariwa 'imikieri 'aixia mi'anene mitikwaniki.

¹³ Matsi xika kinaya 'umini yatini 'uku'eiriwa nunutsi meka'ayexeiyawaweti, miki punuani yupaapa hetsia yaxeikia muyuxewini hepai, 'ana piyiweni paapaya tita mitikwa'a mitikwaniki. Matsi kemi'ane mikanuiwarieya pikapitiarie mitikwaniki.

¹⁴ »Xika xewiti 'atsikatimaiti mawari mipatsie 'utikwani, mikita mawari piyetuani 'auxiwimeyaritsie mieme tawari xei'iniariyari kaniyetuamiki.

¹⁵ »Mawari wewiwamete mawari mipatsie kapatsiekame mepika'ayeitiaka 'ixaheritsixi Yawé memiyetuiwa,

¹⁶ 'ayumieme xika memitikwaniki hipame mewarupitiani yuhetsie 'axamiti'ane mepite'ahiani peuyeweka mirayukatuani mawariyari memiyetuaniki. Ne Yawé nekanihikitini nemixepata».

Mawarite Kaka'yari mikatinaki'erie

¹⁷ Yawé Muitsexi mipai katiniuta'aitiani

¹⁸ 'Aruni mipai mitiwatahiaweki meta niwe-mama meta yunaime 'ixaheritsixi: «Xika xewiti xeme 'ixaheritsixi yatini 'ateewa kiekame 'Ixaheri kwieyaritsie 'ukaiti, Yawé mawari tai-yariyari yetuirieni kemutayi raye'atianike yatini kemitiyuwai'riya mawariyari,

¹⁹ miki mitanaki'eriwaki tewa 'ukitime 'aixia 'aneme kaniyetuiriemi, tuuru, muxa, yatini tsipu.

²⁰ Xeime tewa 'axa'aneme xepika'ixatiaka, mipai 'anekame xepikatanaki'eriyarieni.

²¹ »Xika xewiti, kemutayi miraye'atianiki yatini kemitiyuwairiya mawariyari Yawé yetuiriени tuuru yatini muxa 'aixia memiteyuxeiya mawariyari mayaniki, miki 'aixia pi'aneni mitanaki'eriwaki.

²² Tewaxi yawe mepikayetuiriwani mawari taipa warikariekame mayaniki mekaheune-niereme, me'uti'itsaiwame, me'ikamimirime, meheu'etsatikaiame, meheuneritsietikaiame, meta haiya xetati kumarikeme wanawiyaritsie mehexeiame. Mipai me'anenekame mawari taiyametsie xepikawayetuayani.

²³ Kemitiyuwairiya mawariyari mayaniki xeikia xepiyiwaweni xemiyetuaniki xeime tuuru yatini muxa tsepa 'etsihawekame, peru kepemutayi pemiraye'atianiki mipai 'aneti mawari pikatanaki'eriwa.

²⁴ »Yawé xeime xepikayetuiriwani memitexuawe 'ipuriteya tiukwinitiarieyu, piratsietikaikaku, haxitekietikaiame yatini hatsatsanime. Yukwietsie mipai xepikateyurieka.

²⁵ 'Ateewa kiekatari xika mipai me'aneneme mewayetuayani xepikawanaki'eririeka, 'iyetuanike xekakaiyari 'ikwaiya mayaniki. Miki 'axamemi'aneneki xepikatanaki'eriyarieni».

²⁶ Yawé Muitsexi mipai katiniutahiawe:

²⁷ «Kepauka tsikeru mitinuiwa, yatini muxa yatini tsipu nunutsi, miki piyuhayewa yumaama

hamatia 'atahuta tukari. 'Atahaika tukari meutiyune Yawé pitanaki'erieni mawari taipa warikariekame miyetuiyani mayaniki.

²⁸ »Xeitungariaritsie mieme xeime wakaxi meta xeime muxa meyuniwematikaime xepikawaranutixitekeni.

²⁹ »Kepauka Yawé xeime mawari xemiyeuirieni pamipariyutsi xemipitiaki, 'aixia 'anemekixeketeneuyuri xemitanaki'eriyaerieniki.

³⁰ Miki tukaritsie xeikia xekanitikwaikuni, xepika'ikuhayeikawani 'uxa'arieka mieme mayaniki. Ne Yawé nekanihikitini.

³¹ »Yaxeketenekahuni ne'aitsikatsie mipai xeketeneuyurika. Ne Yawé nepihiki.

³² »Kenemititewaki nekapatsiekame xepikanetsi'ayeitiwani matsi xekenenetimati nemipatsieki 'ixaheritsixi watsata. Ne Yawé nekanihikitini nemixepata.

³³ Ne 'Ekipitu nekaxenayehapani xekakaiyari nemayaniki. Ne Yawé nekanihikitini».

23

Kepauka 'ixiarari mematiwewiwatsie

¹ Yawé Muitsexi katiniuta'aitiani

² 'ixaheritsixi mipai mitiwatahiaweki:
«'Iki 'ixiararite pihiki ne nemixe'utawewiri,
xeme xemiwakuxaxatiwaniki patsiekameki
memuyukuxexeiriwaniki nehetsiemime. Ne
Yawé 'iki nemixe'utiwewiriki.

Xawati 'ixiarariyari

³ »'Ataxewime tukari xeikia xepite'uximayaka,
matsi 'atahutarieka tukariyaritsie 'uxipiya

tukari kanihikitikamiki, miki tukaritsie 'ixiarari patsiekameki memuyukuxexeiriwa nehetsiemieme pihikitini, 'ana tixaitikitima xepikate'uximayaka. Tsepa xeme hakewa xemetiteni, xawati kanipatsiekamiki Yawé hetsiemieme.

Patsikwa 'ixiarariyari

(Maw 23:4-8 - Mem 12:14-20, 'Inia 28:16-25, Hut 16:1-8)

⁴ »'Iki 'ixiararite kanihikitsixitini Yawé mixe'utawewiri, patsiekameki memuyukuxexeiriwa hetsiemieme xeme xepikuxatani xexuiti tukari mika'iniairitikatsie:

⁵ »Patsikwa Yawé hetsiemieme tamamata heimana naurieka tukayaritsie putsuti mexiakame metseriyaritsie tau makayunetsieke.

⁶ Tamamata heimana 'auxiwirieka tukari 'aye'ayu miki metseriyaritsie paa mikakuxanariyarietika 'ixiarariyari kanitsutini Yawé hetsiemieme. 'Atahuta tukari paa mikakuxanariyarietika xepikwaka.

⁷ Mexiakame tukaritsie mepiwewieni 'ixiarari patsiekameki memuyukuxexeiriwa hetsiena mieme, miki tukaritsie tixaitikitima xepikate'uximayaka.

⁸ 'Atahuta tukari Yawé 'imikieri taipa warikariekame xekaniwewirikakuni, 'atahutarieka tukaritsie 'ixiarari patsiekameki memuyukuxexeiriwa hetsiena mieme xekaniwewikuni, miki tukaritsie tixaitikitima xepikate'uximayaka».

'Ikwaxi matiarimieme 'ixiarariyari

⁹ Yawé Muitsexi mipai katiniuta'aitiani,

¹⁰ 'ixaheritsixi mīpai mītiwatahiaweki: «Kepauka xeme xemeutahaxiani kwie nemixeyetuirienitsie, meta tiriku xemika'itsanatsie, mawari wewiwame hetsia xeimanukuyari xekananukweikuni matiari mītiharieni mika'itsanatsie mieme.

¹¹ Mawari wewiwame tiriku 'anahiakame 'imikieriyari teiki kanetseramiki 'iyuitiwati Yawé hixie mītanaki'eriarieniki. Xawatiki 'anutiyayu 'uxa'arieka ximeri miyetuaniki.

¹² 'Ana kwiti miki tukariyaritsie xeime muxa xekanitimawakuni xeiwiyari hikame, 'aixia 'aneme, mawari taiyariyari Yawé hetsiemieme mayaniki.

¹³ Meta xepiyetuirieni nauka kiruyari tiriku mītihiyari 'aixia mī'ane hatseiti wiriyariekame, tiriku mawariyari mayaniki, 'imikieri taipa warikariekame witsimu'ia Yawé minake, meta xeirituruyari kaxie winuyari yetuame kanitiyeurimiki.

¹⁴ Paa xepikatikwani meta 'uriyari xarikiyari meta mīhehekwa kepauka miki 'imikieri yukakaiyari xemi'atīrienitsie. 'Tki 'aitsika pīhikitini yamemitekahuniki yunaiti 'anuiwaritsie miemete, tsepa hakewa memekuteni.

'Itsanaxa 'ixiarariyari

(Maw 23:15-22 - 'Inia 28:26-31, Hut 16:9-12)

¹⁵ »Miki xawati tukariyari 'aye'ayu 'uxa'arieka, tatsiari kepauka tiriku 'imikieri manukuyari xemi'atianitsie, 'atahuta tsemanayari 'aye'arikame xekani'iniatakuni.

¹⁶ Xewitita niuki pī'iniarini, huta tewiyari heimana tamamata tukari xekani'iniatakuni 'atahuta xawatiyaritsie 'uxa'arieka ximeriyari

xe'iniatatita, 'ana Yawé xekaniyetuiriekuni 'imiari mihehekwa mawariyari.

17 Paa yukie mieme Yawé xekani'atiriekuni, teiki hetserarieti 'uyuitariwati mawariyari mayaniki matiari mitiukaxuawerixi, paa hutame nauka kiruyari tiriku mitixiyari 'aixia mi'aneki wewiyatikaime, tikuxanariyameki kwaxiyariekame.

18 Meta 'atahutame muxatsi 'ukitsi xepiwayetuan paa nikame xeiwiyari mehitikaime 'aixia me'aneneme, xeime tsikeru meta yuhutame muxatsi 'ukitsi. Tiriku mawariteyari meta kaxie winuyari mitiyeuriyani mawariyari yinikame, xeime mawari taiyariyari Yawé hetsiemieme, witsimu'ia Yawé minake.

19 Hiki tsipu 'uki xekanitimawakuni 'axaxemite'uyuri mawariyari mayaniki, meta yuhutame muxatsi xeiwiyari mehitikaime kememiteyuxewi mawariyari mayaniki.

20 Mawari wewiwame muxatsi memuyuhuta teiki kaniwaretseramiki 'iyuitiwati, meta paa matiari mieme heutinikame. Miki mawari 'uyuitariwati Yawé hixie miyetuiwaki, mawari mipatsie Yawé hetsiemieme meta mawari wewiwame hetsiemieme pirayani.

21 'Ana kwiti miki tukaritsie, xeme xekaniyukuxerikuni 'ixiarari patsiekame Yawé hetsiemieme xewewienike, miki tukaritsie tixaitiki xepikate'uximayaka. 'Iki kanihikitikamiki 'aitsika yuheyemeki yamemiteyuriekaki yunaiti 'anuiwarima, tsepa hakewa memetiteni.

22 »Kepauka 'itsanaxa tukari maye'ani, naimetetsitanapai xepika'itsanatiweni meta

muyukuhayeikawa naime xepikayeteixiri meni.
 Xekenekuhayeikawani tixaiti memikatehexeiya
 meta 'ateewa kiekatari wahetsiemieme
 mirayaniki. Ne Yawé xekakaiyari nekanihikitini».

Kuxinetate 'ixiarariyari

(Maw 23:23-25 - 'Inia 29:1-6)

²³ Yawé Muiťsexi katiniuta'aitiani

²⁴ 'ixaheritsixi mipai mitiwatahiawe ki:
 «Mexiakame tukaritsie 'atahuta metseriyaritsie
 'ana xeme 'uxipiya xepexeyani, xeme
 xeme'eriwaniki miki tukaritsie kuxineta
 pukayuaneni, 'ixiarari patsiekameki
 memuyukuxexeiriwa Yawé hetsiemieme.

²⁵ Miki tukaritsie tixaitiki xepikate'uximayaka,
 matsi pita Yawé 'imikieri taipa warikariekame
 xekateniyetuiriekakuni».

Kemireuyehiwiyarieni tukariyari

(Maw 23:26-32 - Maw 16:2-34, 'Inia 29:7-11)

²⁶ Yawé Muiťsexi mipai katiniutahiawe:

²⁷ «Tamamata tukaritsie 'atahuta metseriyaritsie
 'ana xemiteheuyehiwiyariwa tukariyari
 pihikitini. 'Ixiarari patsiekameki memuyukux-
 exeiriwa Yawé hetsiemieme xekaniwewiekuni,
 meta xekaniyuhakiekuni meta 'imikieri taipa
 warikariekame xekaniyetuakuni.

²⁸ Miki tukaritsie tixaitiki xepikate'uximayaka
 mireuyehiwiyarieni tukariyari mihikiki, kepauka
 Yawé xekakaiyari hixie 'itiya mawariyari
 mukuwewiwaki xehetsiemieme.

²⁹ Xika xewiti kayuhakieni miki yuteiterima
 watsata payeweyarieni.

³⁰ Xika xewiti tiuta'uximayata miki tukaritsie,
 ne nekimana kiekarieyatsie nekanenuyehiamiki.

31 'Ayumieme, xeme tixaitiki xepikate'uximayaka. 'Iki 'aitsika yuheyemeki kanihikitikamiki yaxemitekahuniki yunaime xenuiwaritsie kanimiemetini, tsepa hakewa xemetiteni.

32 Miki 'uxipiya tukari xehetsiemieme payani xemeyexeianiki, meta xekaniyuhakiekakuni. Miki xawati 'atanauka tukariyari taikaiyaritsie xepitsutiani miki metseriyaritsie 'uxa'arieka taikaiyaritsie paiti».

Xamaru matiwwiwa 'ixiarapa mieme

(Maw 23:33-43 - 'Inia 29:12-39, Hut 16:13-17)

33 Yawé Muiťsexi mipai katiniuta'aitiani

34 'ixaheritsixi mipai mitiwatahiaweki: «Tamamata heimana 'auxiwiriekaka tukaritsie 'atahuta metseriyaritsie, xekanitsutiakuni Xamaru 'ixiarariyari Yawé hetsiemieme, miki 'atahuta tukari xekaniyurikini.

35 Mexiakame tukaritsie 'ixiarari patsiekameki memuyukuxexeiriwa Yawé hetsiemieme xekaniwewikuni. Miki tukaritsie tixaitiki xepikate'uximayaka.

36 'Atahutamexia tukari Yawé 'imikieri taipa kwaxiyariekame xekaniyetuiriekakuni. 'Atahairiekaka tukari 'ixiarari patsiekameki memuyukuxexeiriwa xekaniwewikuni Yawé hetsiemieme meta tawari mawari 'imikieri taipa warikariekame xekaniyetuiriekuni. 'Ixiarari patsiekameki memuyukuxexeiriwa kanihikitini. Miki tukaritsie tixaitiki xepikate'uximayaka.

37 »'Iki 'ixiararite kanihikitini Yawé mixe'utawewiri, xeme xemikuxataniki patsiekameki memuyukuxexeiriwa Yawé

hetsiemieme, xemiyetuirieniki mawari 'imikieri taipa warikariekame, mawari taiyariyari, tiriku mawariyari, meta mawarite meta kaxie winuyari mitiyeuriwa mawariyari, kemireku'ukaiki maye'atarieniki xexuime tukaritsie.

³⁸ 'Iki naiti 'ixiararite xawati tukariyaritsie kanixeitaparitini Yawé tukari 'uxipiyayatsie ketemite'umikiwa, kepemiti'ahiritia mawariyari, yanutsu kepemiti'awairiya mawariyari xeme xemiyetuirie.

³⁹ »Tamamata heimana 'auxiwirieka tukariyaritsie 'atahuta metseriyaritsie, kwiepa 'ikwaxite mitiutixuawerixi xetekuxeiriemer, 'atahutamexia tukari Yawé hetsiemieme xekaniwewiwakuni. Mexiakame tukaritsie meta 'atahairieka tukariyaritsie 'uxipiya tukari kanihikitini.

⁴⁰ Mexiakame tukariyaritsie, katinitipimiki 'iteirite 'aixia mi'anenetsie timieme, taki xawariyari, meta 'iteiri xawariyari mi'etiriwiwe, meta hapuri 'aki 'utia muxuawe, 'atahuta tukari xekaniyutemamawiekakuni Yawé xekakaiyari hixie.

⁴¹ Xeiwiyari 'aye'axekaku, 'atahutamexia tukari xekanitiwewiwakuni 'iki 'ixiarari Yawé hetsiemieme. 'Atahutarieka metseriyaritsie xekanitiwewiwakuni. 'Iki 'aitsika kanihikitikamiki yuheyemeki mumieme 'aixia mi'ane nuiwarite 'umemahu wahetsiemieme.

⁴² 'Atahuta tukari mekaniyuriekuni xamaru kiiyarita me'ayeteti. Yunaiti 'ixaheritsixi mana memutinunuiwaxi xamarutia mekanayetekuni,

⁴³ wanuiwarite yamemitehetimaniki kename ne xamaru mipai 'anenemeta

newareutayatsaxi 'ixaheritsixi kepauka 'Ekipitu nemīwarayewititsie. Ne Yawé xekakaiyari nekanihikitini».

⁴⁴ Mipai Muiťsexi 'ixaheritsixi katiniwaruta-hekiatiani Yawé 'ixiararite kemitiutawewiekaiki.

24

Muyepatsietsie kemitiuyehekiaka

(Maw 24:1-3 - Mem 27:20-21)

¹ Yawé Muiťsexi mipai katiniutahiawe:

² «'Ixaheritsixi mipai ketiniwaruta'aitia huriwa hatseitiyari hikiameki pinariekame memimatsi'atiirieniki, tukita muyehekiakaki. Mipai kixeme yuheyemeki pitatikani.

³ 'Aruni 'ixuriki tukiyarita kixemete kanikuha'aritamiki, 'ixuriki meuwie hixie Kakaiyari tiratuya miwayekatsie, tikariki mitakaki Yawé hixie. 'Iki 'aitsika yuheyemeki payani xenuiwarite 'umemahu wahetsiemieme.

⁴ Kixemete, kixeme 'uitiwameta huruki miwewiyatikata 'uyewetikaiti yuheyemeki pitatikani Yawé hixie.

Yawé paa kemitiyetuiriyariwa

⁵ »Tiriku mitixiyari 'aixia mi'ane kenewatituka keneutikwaxiya huxunuta tamamata heimana huta tsuirayari. Xexuiti miki nauka kiruyari piraheteni.

⁶ Yawé hixie kenamana mexa huruki xeikia miwewiyatsie, hutakia 'ataxewime payari xexuimetsie 'anuyemanetikaimie.

⁷ Xexuime xurukuyaritsie 'ikwa witsimu'ia hikiakame pepeutamanatiani. Mipai paa

ma'eriwa mawariyari Yawé muxatiarie taipa warikariekame kanihikitikamiki.

⁸ 'Tki paa Yawé kaniyetuiriyariwamiki yuheyemeki xawatiki. 'Tki kanihikitini 'aitsika 'aixia mi'ane 'ixaheritsixi kaniwahetsiememetini.

⁹ Miki paa 'Aruni hetsiemieme pihiki meta niwemama, miki muyepatsietsie mepitikwani. Mawarika yamipame waikawa mipatsie mihikiki Yawé muxatiarie mawari taipa warikariekame. Miki 'aitsika yuheyemeki 'aixia mi'ane kanihikitini yaxemitekahuniki».

'Axame'utiyuati kememitekwi'iwani

¹⁰ 'Ixaheritsixi watsata xewiti tewi puyeikakai maamaya 'Ixaheri tewiyari pihikitikai, paapayata 'ekipitutanaka tihikitikai. Hiki heiwa miki tewi 'ixaheri tewiyari hamatia memaititeitsie 'imieri mekaniutsutiani.

¹¹ Matsi 'ukaratsi 'ixaheri tewiyari nu'aya, 'axatayinike, Yawé 'utateriwati hepaitsitana 'axakaniutayini, hiki Muitsexi hetsia mekaneihana. (Maamaya Tserumiti katinitewakaitini Riwiri niweya, Rani nuiwarieyatiti).

¹² Hiki kananutahiiani kepaukake Yawé yamitiwatahiawekekai kememiyurienikekaiki.

¹³ Hiki Yawé Muitsexi mipai katiniutahiawe:

¹⁴ «'Axatiniukame xematiteitsie xekenayeni'a. Kemi'ane memi'eni miki yumamaki mu'uyatsie mekeheutimeni meta memuyuxeirie yunaiti mekanitituaxixiakuni.

¹⁵ Mipai 'ixaheritsixi ketiniwaretahawi: "Kemi'ane 'axamitayini yukakaiyari hepaitsita, katinika'enieximiki 'axakememitiuyuriki".

16 Yaxeikiata, kemi'ane Yawé kemitiwaki mitateriwa yuhepai tewi 'axatitahiaweke kanimieriemiki. Memuyutixexeriwa yunaiti mekanitituaxixiakuni. Tsepaneti 'ateewa mikiekame yatini mana munuiwame, xika Yawé 'utateriwa yuhepai tewi hepaitisa 'axatayinike. Miki kanimieriemiki.

'Iniari niukiyari tewi kemitiuhiritiarie

17 »Kemi'ane xeime tewi mimieni, mikita kanimieriemiki.

18 »Xika xewiti xeime tewatsiekame 'umieni, xeime tewa kanikihiamiki.

19 »Kemi'ane yuhepai tewi mitikwinitiani, yaxeikiata miki kanitikwinitiariemiki titaki mitikwinitia:

20 Xika xeime 'umeya 'akamura mikita 'umeya ke'akamuriyarieni, Xika xeime hixieya watituni mikita hixieya kewatituiyani, xika tameya 'anaye'una mikita tameya ke'anaye'uniyarieni, pitiuka'eniwani yuwaiyaritsie ketitaki miyamitiuyuriki.

21 »Kemi'ane tewatsiekame mumieni xeime kaniyetuamiki mimiki, matsi kemi'ane tewi mumieni mikita kanimieriemiki.

22 Yuxewiti 'iniari niukiyari katinita'aitamiki, 'ena nuiwakame meta 'ateewa kiekame wahetsie. Ne Yawé xekakaiyari nekanihikitini».

23 Muitsexi 'iki naime 'ixaheritsixi katini-warutaxatiani, 'axatiniukame memakuteitsie mekanayeni'ani, mana mekanetitituaxixiani. Yawé Muitsexi kemitiuta'aitiakai 'ixaheritsixi mipai mekatenuyurieni.

25

'Uxipiya wiyaritsie

¹ Hiki Tsinahi yemuriyaritsie Yawé Muitsexi katinuta'aitiani,

² 'ixaheritsixi mipai mitiwatahiaweki: «Kepauka xeme xemeutahaxiani kwie nemixeyetuirienitsie, miki kwie kanika'uxipimiki xeiwiyari, Yawé hetsiemieme.

³ 'Ataxewime wiyari xemaku'etsatsie xepika'eni, meta yukaxie xepanuwitexiani 'ikwaxiyari xekanika'itsanakuni,

⁴ matsi 'atahuta wiyari 'aye'ayu, kwie xeiwiyari kanika'uxipimiki meta kaniyutemawiekamiki Yawé hetsiemieme. Xemaka'etsatsie xepikaka'eni meta yukaxie xepikahanuwitekeni,

⁵ yukimana watiyiraxiaka mitixuawerixi xepikaka'itsanani meta 'akaxie pemika'ika'e pepika'anuwitekeni. Kwie xeiwiyari 'aye'arikameki kani'uxipiekamiki kaniyutemawiekamiki.

⁶ Matsi, naime tita kwie mititixuawitiani mika'uxipieni wiyaritsie, xekanitikwaikuni matsi 'axaitame hawaiki yunaiti mekatenikwakakuni te'uximayatamete meta te'iwamete meta 'ateewa kiekatari xehetsia memititei.

⁷ Meta 'atewama yunaiti mekatenikwakakuni meta yunaiti xekiekaritsie memitexuawe. Naiti kwiepa mitiutixuxuawereni, miki wiyaritsie naiti katiniwa'ikwaitikamiki.

Mematatuiwa wiyari

⁸ »'Atahutamexia 'atahutame wiyari pekani'iniatamiki xawatiki, miki huta tewiyari heimana 'atanauka wiyari kanayeimiki,

9 tamamata tukariyaritsie 'atahuta metseriyaritsie, tatsiari memiteheuyehiwiwariwa tukariyaritsie, 'ana kanitahitsieriemiki kuxineta naitsarie kiekaritsie.

10 Huta tewiyari heimana tamamata wiyari 'aye'ayu kanipatsiekamiki, 'ana mematixinariwatsie kanihikitikamiki yunaiti mana memititei. Xehetsiemieme mematatuiwa wiyari maye'axe pihikitini, yuxexuiti mekanitayeixiakuni yunuiwarite wahetsia meta yukwie mekaniyetuiyariiekuni.

11 Huta tewiyari heimana tamamata wiyari 'aye'axekaku xeputatuiwani: miki wiyaritsie xepika'uka'etsani meta xepika'uka'itsanani, yikimana mititixiawere meta kaxie pemika'ika'e pepika'anuwitekeni.

12 Miki wiyari mematatuiwa kanihikitini xehetsiemieme kanipatsiekamiki. Miraka'etsitiretsie xeikia yikimana tita mitiutixuxuawere xekatenikwakakuni.

13 »Mematatuiwa wiyaritsie yuxexuiti yunuiwarite wahetsia mekanitayeixiakuni.

14 »Xika xeme xewiti xeime tiutuirieni yupiini yatini xeime tiunanairieni tixaiti tipiinieya, yuxexuiti xepikayukwamanani.

15 'Eki 'ahapai tewi pekaninanairiemiki kepaiyeti wiyari meuyewetse paimemeki mematatuiwa wiyari maye'aniki, mikita metsituirieni kepaiyeti wiyari meuyewetse mika'itsanaki mipai raye'arikameki.

16 Xika 'akuxi waikawa wiyari heuyeweka mematatuiwa maye'aniki, miki waikawa piraye'aka, peru xika 'etsipaimeti wiyari

heuyewekani, miki 'etsiwa kanika'irikamiki kemiraye'akai kepaimexia pemika'itsanaki miki mipai kametinituiriemiki.

¹⁷ Yuxexuiti xepikayukwamanani matsi yukakaiyari xekenayemakaxeni. Ne Yawé xekakaiyari nekanihikitini.

Yametekahuti kemititixuawere

¹⁸ »Ne'aitsikatsie yaxeketenekahuti ne'iniari niukiyari xekenaye'atiaka, kwiepa 'aixia 'anemeki xekaniu'uwakuni.

¹⁹ Kwie pitiutixiawitiwani, meta xeme xepikayehakakwitiweni, mana 'aixia 'anemeki xekanititekuni.

²⁰ »Xika xeyuku'iwawiyanike mipai xe'utiyuati: “¿Tita tetetikwani 'atahutarieka wiyaritsie, xika teka'uka'eni xika ta'iku teka'uka'itsana?”

²¹ mipai nepitixetahiawe 'ataxewirieka wiyaritsie nepixehani'airieni waikawa 'aixia xemi'itiarieniki kwiepa pitiutixiawere haika wiyaritsie mieme.

²² Kepauka xeme xemika'eni 'atahairieka wiyaritsie, 'ana 'akuxi yu'ikwai xekatenex-eiyakakuni meripaiti mieme xemika'itsanaxi, meta 'akuxi 'aiki mieme xekwati yurikatsie timieme xepika'itsana.

Kemitiwaruhiritia kwie hepaitsita

²³ »Kwie yuheyemeki mukuma xepikatuaka, miki kwie nepiini kanihikitini, xeme matsi ku'uwamete xekanihikitini xeminiitiarie xeikia mana xemititeniki.

²⁴ 'Ayumieme, kwie xematiteitsie piyiweni tawari kwie kemi'ane mutuiiri minanairieniki.

25 »Xika xewiti 'ahurawa 'a'iwa tixaiti karex-eiyati 'ayani, xika yutiiyama tiwahetsiemieme mirexeiya tituamiki, miki 'iwaya 'ahurawa kaninanairiemiki para heitserie mexeiyaniki tita mitituirieni.

26 Xika miki 'uki xeime 'ahurawa yu'iwa ka-heixeiyani para hetsienamieme mitiyutuaniki, matsi xika miki yukimana waikawa rexeiyati hayuyeitiani para yukwie minaneniki,

27 miki kaniti'iniatamiki kepaimexia wiyari manuyetia mituatsie meta kanixeirimiki kemiraye'axe kemi'ane minanairi hetsiemieme. Mipai tawari katininuamiki yukwietsie.

28 Matsi xika mitiyutuaniki kara'atiatiyani, kwie minanairi hetsia puyuhayewa kepaukake mematatuiwa wiyari maye'anitsieke, kepaukake kemi'ane mitua hetsiana manuani, 'anake hetsiena mieme meta tiiriyamama wapiini pirayani.

29 »Xika xewiti kii 'utuani kiekari mukurarutiarietsie yeweme, xeiwiyari ka'aye'awekaku mutiyutuaniki heitserie kanexeiyakamiki, kepauka mituatsie tsutiti. Mipai xeikia katineuterimiki para mitiyutuaniki.

30 Xika kiiki katiyutuawekaku xeiwiyari 'aye'ani, mematatuiwa maye'anitsie pikayetuiriyarieni matsi kemi'ane minanai piinieya yuheyemeki kanayeimiki meta xiixarimama.

31 »Kiite kiekarite 'etsimiyeyeutsie miti'utika kakurarutiariekaiti miki kwie miyetuiwa hepai pi'aneni, mirayukatuiyaniki piyiweni memiyetuiriyarieniki mematatuiwatsie.

³² »Rewitsixi heitserie mepexeiyani tsepa kepauka yukiite memitinaneniki hakewa memetiteitsie miti'u.

³³ Xika xewiti rewiti xeime yukii 'utuirieni, kii mutua yukiekaritsie 'uweme mematatuiwa wiyaritsie kaniyetuiriyariemiki, miki kiite rewitsixi wakiekaritsie miti'u watiiriyama wahetsie kanimiemetini 'ixaheritsixi watsata.

³⁴ Matsi miraka'etsitire wakiekari warita mananetika pikatuiyani, miki mitiwapiiniki xewiti mikayiwe miwanawarieniki.

³⁵ »Xika xewiti 'a'iwa tixaiti karexeiyati hayani titaki mitiyuparewieka, keneuparewi 'ateewa kiekame yatini kuyeikame kepemitiparewieka hepai: mipai xetewaparewiekaku xehetsia mekanikutekuni.

³⁶ Hena'iwakameki pepika'iwiyani kepauka tumini peminiutiani yatini tikwaiwame, matsi 'akakaiyari kenayemakaxeni, mipai 'a'iwa xetsata pukani.

³⁷ Metatsiere tumini rana'iwameki pepika'iniituaka meta tita mitikwaiwa pemitikwetatia pepikarana'iwani.

³⁸ Ne Yawé xekakaiyari nekanihikitini, 'Ekipitu kwieyaritsie nemixe'ayewiti, Kanani kwieyari nemixeyetuirieniki meta xekakaiyari nemayaniki.

³⁹ »Xika xewiti 'a'iwatiti tixaiti karexeiyati hayani xika yutuamikini 'ahetsia, wairiyarika ti'uximayatame hepai pepikati'uximayatsitiaka.

⁴⁰ 'Aixia ketinexeiyani ti'iwame yatini 'ateewa kiekame xetsata muka hepai. 'Ahetsiemieme piti'uximayaka mematatuiwa

wiyari maye'anitsieke.

⁴¹ Hiki 'ana yuniwema wahamatia miyemieki pepipitiani, meta 'anake mepiyiwaweni yu'iwama wahetsia memiyehuki meta watewarima kwie memuwaruku'eiriritsie mepi'axiani.

⁴² Yunaiti 'ixaheritsixi nete'uximayatsiriwamete mekanihitini. Ne 'Ekipitu kwieyaritsie nekaniwarayewitini, 'ayumieme mepikatuinyani wairiyarika te'uximayatamete wahepai.

⁴³ Hahetemeki pepikatiwa'aitiaka, matsi 'akakaiyari kenayemakaxeni.

⁴⁴ »Wairiyarika texe'uximayatsiriwamete 'ukitsi meta 'ukarawetsixi nuiwarite xe'aurie mamanetikatsie mepikiekataritini, mana xepiwatinaneni.

⁴⁵ Yaxeikiatatsiere pepiyiweni wairiyarika te'uximayatamete xekwietsie memutinunuiwaxi pemiwatinaneniki, miki 'ateewa kiekatari mepiwaniwematini xetsata memititei. Miki xehetsie mekanimiemetetikakuni,

⁴⁶ meta yutiriyama xemiwakuhayewieniki xepiyiwaweni xepiini miki wahetsie mitinakeniki para yuheyemeki memitewa'uximayatsirieka kememiteheutereke. Xeme matsi xeyu'iwamati hahetemeki xepikateyu'aitiaka.

⁴⁷ »Xika xewiti 'ateewa kiekame yatini kuyeikame xetsata waikawa rexeiyati hayani, matsi xika xewiti xe'iwa reuyehiati tixaiti karexeiyati hayani meta 'uyutuani 'ateewa kiekame hetsia yatini watiriyama wahetsia,

⁴⁸ heitserie kemirexeiya pikaheiyehiani mitiyutuinyaniki hetsiena mieme 'arikekeri

'uyutuayu. Piɣiweni tsepa 'iwaya xewiti mitiyutuaniki:

⁴⁹ xewiti tatatsieya yatini 'iwaya tsepa kemipaiki 'iwayatiti xeikia. Xika matsi yukimana waikawa rexeiyati hayuyeitiani pitiyutuanani yuhetsiemieme.

⁵⁰ Muyutua meta kutsiyarieya mepiti'iniata tukari kepaimexia manuyetia, ke'aneme wiyariyaritsie muyutua mematatuiwa wiyaritsie maye'anitsieke. Mixinarieniki ti'uximayatame kepaime me ma'iwaxi miyareutereka hepai katineyukatuamiki.

⁵¹ Xika 'akuxi waikawa wiyari heuyeweka, mixinarieniki pitiyutuanani yapaimeme hanutimaname kepauka muyutuatsie miemekiki mi'itiariekaiki.

⁵² Xika 'etsipaimeti wiyari xeikia heuyeweka mematatuiwa wiyari maye'aniki, kan-iti'iniatamiki katiniyutuamiki mixinarieniki kepaime ti wiyari meuyewetse miemekiki.

⁵³ Xeme xekanixeiyakakuni kutsiyarieya xeiwiyari memite'uta'uximayata wahepai mitixeiyaniki, meta waikawa hahetemeki pikati'aitiaka.

⁵⁴ »Xika 'a'iwa hetsiemieme karayukatuuiyani 'iki kemiraxaxatsiwaki, miki meta niwemama mepixinarieni mematatuiwatsie wiyari 'aye'ayu.

⁵⁵ »'Ixaheritsixi nete'uximayatsiriwamete mekanihikitini. Ne 'Ekipitu kwieyaritsie nekaniwarayewitini. Ne Yawé xekakaiyari nekanihikitini.

Yametekahuti 'aixia kememi'it'arieka

¹ »Kakaiyarixi xepikawawewieka, meta tetexi patsietikaime meta tixaitimexi wa'ikiya xepikati'uitiwani. Yukwiepa xepikawati'uitiwani tetexiki metewewiyatikaime meta wahetia xepikatihixima'uweni. Ne Yawé xekakaiyari nekanihikitini.

² »Xekeneuka'uxipiwani xawati tukariyaritsie, netuki xekenayexeiyani. Ne Yawé nekanihikitini.

³ »Xika yaxete'u'uwani kenemitiixe'u'aitia meta ne'aitsikatsie yaxetekahuni 'aixia 'anemeki,

⁴ ne wiyeri tukarieyatsie nepixehani'airieni, kwie meta 'iteiri 'ikwaxi p'ititixiaweriya,

⁵ tiriku 'urietikaiti 'apireutere kepauka mitika'iniiyanitsiekéri, mitika'iniiyanita kepauka mitika'etsititsiepai p'ireutere. Xepikayehakakwitiweni mana kwiepa 'aixia 'anemeki xepu'uwani.

⁶ »Ne 'akwietsie 'aixia 'iyari nekaniwapitiamiki, xeme 'aixia 'anemeki xekanitikukutsukuni xekaheumamati. Kwiepa memitexiawe memamariwaweti nekaniwapatamiki memiteyukwa'a memiteyukewe meta kuyaxa 'akwietsie pikaxiaweni.

⁷ Memixe'aye'unie xekaniwaranukuweiyakuni, xehixie mekanikaxirikuni 'ixiparateki xewakwiyu.

⁸ Xeme yu'auxiwiti xeitsienituyari xekaniwaranukuweiyakuni, xemeta xeitsienituyari tamamata miriyari xekaniwaranukuweiyakuni, xehixie mekanikaxirikuni 'ixiparaki xewakwiyu.

⁹ »Ne nekanixexeitsitiamiki 'aixia kenemitiuka'iyari. Ne xeyuxitiakame

nepixe'ayeitiani. Nekanixetimiiriyamiki meta netiratu xehetsia nekaniwewimiki.

¹⁰ 'Akuxi 'aikipai mieme xemika'itsanaxi xekanikwakakuni kepauka meripai mieme xemiwaye'ini para mihehekwa pita xemeuta'utaki.

¹¹ Xetsata nekii nekanitawewimiki muwa nemayekaniki, meta hatsuaku nepikaxetixani'erieni.

¹² Xehamatia nekaniumiemiki. Ne xekakaiyari nepihikitini, xeme nekiekari xepihikitini.

¹³ Ne Yawé xekakaiyari nekanihikitini, 'Ekipitu kwieyaritsie nemixe'ayewiti wairiyarika xete'uximayati xemitehayewaki. Ne xeyuku kaunariyari nekananuteke xemenuyetekakaiki waikawa xete'aitiarieti, meta heitserie xehanukuneniereme nepixe'ayeitia.

'Axa'aneme kememitepitarieni yamekatekahuti

¹⁴ »Xika xeme kenemitixe'u'aitia mipai xekatekakine 'iki naime 'aitsikate hetsie,

¹⁵ xika ne'aitsika xe'uxieka meta ne'iniari niukiyari xexani'erieka, meta yaxekate'uyurieni naime ne'aitsikatetsie, netiratu xetitsanati,

¹⁶ hiki ne nekimana nepixe'uximatiani waikawa haxia kwiniya nekaxenani'airiemiki, hiiya miki kanixetiweranariyamiki, xekaheuneniereme kanixe'ayeitiamiki meta kanixekwimiki. Yaki xeikia yu'imari xekanika'ekuni, memixe'aye'unie pita memitikwaniki.

¹⁷ Neri nepikaxeparewieni xehetsia nekaninepatamiki, memixe'uweiya mekaxena'iwakuni. Memixe'aye'unie mekaxetenita'aitiakuni, xeme pita

xekaniyuta'unaxiakuni tsepa xewiti
mikaxe'uweiya.

18 »Xikari 'iki naiti ranuyeyayu 'akuxi
xekanetsiheu'enieka, 'atahutamexia
nekanixe'uximatiamiki 'axakexemiteyurieki.

19 Kexemiteyuti'ire ne nekanika'unamiki
meta xemikaheu'enanaki. Muyuawi tse'ime
nepayeitiani tepia hepai, kwie wurunitse hepai
'aneme nepayeitianita,

20 yakixeikia yutirikariya mepitixitiani, tixaiti
kwiepa pikatitixiawere meta 'iteirite 'ikwaxi
pikawatixiawitirieni.

21 »Xika matsi 'akuxi menetsi'aye'unieka,
meta mekanetsi'enieka, matsi tawari
'akuxi 'atahutamexia nepiwa'uximatiani
ke'axamemite'uyuriki.

22 'Irawetsixi teyukwa'amete yeutari
xehetsia nepiwaranini'ani, xeniwema
mepixetihapanirieni meta xetewama
mepuwareuyehiani. Mipai mepiteyurieni
yakixeyupaimeme memixe'ayeitianiki meta
xehuye yuxaitame muyuhayewaki.

23 »Tsepaneti 'iki naiti miyamitiiyi,
xika matsi 'akuxi kenemitiwa'ikitia
newa'uximatitai meka'i'enieni, matsi xika 'akuxi
menetsi'aye'unieti meyewekani,

24 neta nex'e'aye'unieti nepinehayewani. Ne
nekimana nepixetikwinitiani 'atahutamexia 'ax-
axemite'uyuriki.

25 Ne nekaniwapitiamiki memixe'aye'unie
memixekwiniki 'ixiparateki, netiratu
kemireku'uxaki yaxemikatekakiki. Kepauka
yukiekaritsie xemiyehe xeyuta'unake, ne

nepix'e'anuni'airieni kwiniya mimiya, meta memixe'aye'unie wahetsia nepixeyetuan.

26 Kepauka xe'ikwai naime nemitikumaweriyatsie tamamata 'ukari paa mepikwaxiyani xeihuxunuta xehetsiemieme. Meta mepuwatamini yapapaimeme, kepauka xemitikwani mikiki xepikatihuxani.

27 »Xika miyatiti mete'uka'eniwati matsi 'akuxi mekanetsiheu'enieka, matsi xika 'akuxi menetsi'aye'unieti meyuhayewani,

28 kamitsi neta nepix'e'aye'unieka. 'Atahutamexia nepix'e'uximatiani 'ax-axemite'uyuriki,

29 meta yuniwema 'ukitsi 'ukari wawaiyari xekanitikwaikuni.

30 Xetukite 'etsimipepe kakaiyarixi xemitewaranutimawiriwa nepika'unaxiani, meta mawari taiyame 'ikwa witsimu'ia xematitaiyatsie nepika'unaxiani, meta xekaxarite 'aneme nepikeni xekakaiyarixi memika'ayeneniere wa'ikiyari waheima, nehaxia xehetsia punuani.

31 Xekiekarite nepakumaweriyari, watukite nepatixiriexiani. Xemawari witsimu'iatikatei minetsinakekaikiri nepikayukatemawieni.

32 Yaxeikiatatsiere kwiepa xematiteitsie hakumaweme nepayeitiani, memixe'aye'unie mepihixiyani kepauka memi'axiani mana memitiyaxeki.

33 Hipame nuiwarite watsata nekanix-etaxiriexiamiki: 'ixipara newatihaname nepiwaranukuweiya wakwie yuxaitame nepihayewa, wakiekari nepika'unaxiani.

34 Hiki kwie pu'uxipieka naime tukariyaritsie

kepaimexia wiyari yuxaitame muyuhayewa, mexixi xeme memixe'aye'unie wakwietsie xetiteni, mipai kwie pitika'uxipieni xawatiki yutemawieti.

³⁵ Mexixi kwie 'akumaweti yuhayewa, miki 'uxipiya kanexeiyakamiki kepauka xawatiki wiyari maye'axekaitsie kemikareixeiyakaiki kepauka mana xemitiyaxixitsie paiti.

³⁶ »Keyupaimeti memuyukuhayewa, memiwaraye'unie wakwietsie me'u'uwati waikawa mekanimamakakuni, xatsi 'ekaki kuyuitiariwakaku me'enieti mepuyuta'unani. Xewiti 'ixipara 'akweti muwaruweiyani hepai mekateniunanautsakuni, mekanekaxirikuni tsepaneti xewiti kawaruweiya.

³⁷ 'Ixi para memumakarime hepai, yu'iwama wahetsie mekaniuyexiruwekuni xewiti kawaruweiyakaku, mepikayiwaweni yuneukixiwima memiwatakwiniki.

³⁸ Hipame nuiwarite watsata xeka-neuyewekuni, memixe'aye'unie wakwie kaxenitikwaimiki.

³⁹ Xeme hipati xemiyuhayewa memixe'aye'unie mematiteitsie xekanikaxirikuni, ke'axaxemite'uyuriki xepaapama xepanutiniitiriyarieni.

⁴⁰ »Matsi xika xe'itahekiata 'axakexemite'uyuriki meta xepaapama 'axakememite'uyuriki, meminetsi'uku'eiriki, meta menetsi'aye'unieti memakiki,

⁴¹ mikiki wairiyarika mepinetsi'upitia nemiwaranini'aniki memiwaraye'unie wakwietsie, xika wa'iyari kemitiyumate tixaiti

mekateheyeitiati meta meheyutimaixiame
'axakememite'uyuriki,

⁴² hiki nepeye'erieni netiratu kenemitiutawewi,
Kakuwu, 'Itsahaki meta 'Apirahami wahamatia,
yaxeikiatatsiere kwie nepaye'erieni.

⁴³ Miki kwie meku'eirieyu, kaniyutemaw-
iekamiki xawati tukari maye'axenitsie mexixi
mana katikuteitini. Matsi ke'axamemite'uyuriki
yamekateneiyutimaikuni, ne'aitsika
memika'utanaki'eriki meta ne'iniari niukiyari
memuti'uxiwe'eriki.

⁴⁴ »Miyatiti, tsepa memiwaraye'unie
wakwietsie memititini, ne nepikawarayexirieni
meta nepikawatixani'erieni meta
nepikawarakumaweriya, netirati wahetsia
nepikatitsanaxiani. Ne Yawé xekakaiyari
nekanihikitini.

⁴⁵ Matsi watutsima wahetsiemieme tiratu
kenemitiutawewi nekanaye'erimiki, kepauka
hipame nuiwarite wahixie 'Ekipitu kwieyaritsie
nemwarayewiti wakakaiyari nemayaniki. Ne
Yawé nekanihikitini».

⁴⁶ 'Tki 'aitsikate kanihikitini yaxemitekahuniki
ne'iniari niukiyari kemaine, 'iki 'aitsika
kanixeyetuirieni Muitsexi Yawé yatitahiaweku
kaxeniutawewirieni, Tsinahi yemuriyaritsie miki
hamatia meta 'ixaheritsixi.

27

*Yawé mawarika mewewiekaku
kemitwarutawikweitsitia*

¹ Yawé Muitsexi mipai katiniuta'aitiani

² 'ixaheritsixi mipai mitiwatahiaweki: «Xika xewiti kemutayiki 'imikieriyari Yawé yetuiriemiki tewi kemiraye'axeki,

³ yakatiniyutuamiki kepaimemeki mu'iniaritsie:

»'Ukitsi xetewiyari wiyari memexeiyatikatsie tsutiti haika tewiyari wiyari memexeiyatikatsie meye'atikaiti, miki pitiyutuiyaka huta tewiyari heimana tamamata pirata tuminiyari, tukita keraye'akameki memiteyukutuaya hepai.

⁴ »'Ukarawetsixi waheki xetewiyari heimana tamamata pirata tuminiyariki.

⁵ »'Ukitsita 'auxiwime wiyari memexeiyatikatsie tsutiti xetewiyari wiyari memexeiyatikatsie meye'atikaiti, xetewiyari tuminiyariki mekateniyutuakakuni, yaxeikiata tamamata tuminiyariki pitiyutuiyaka 'ukarawetsixi mipai paime wiyari memexeiyatika wahetsiemieme.

⁶ »'Ukitsi tirixi xeimetseri memexeiyatikatsie tsutiti 'auxiwime wiyari memexeiyatikatsie meye'atikaiti, 'auxiwime 'iniariyariki pitiyutuiyaka, meta haika 'iniariyariki katiniyutuiyakamiki 'ukari tirixi wahetsiemieme mipai paime wiyari memexeiyatika.

⁷ »'Ukitsi 'ukirawetsixi haika tewiyari wiyari memehitika mautiyune tamamata heimana 'auxiwime 'iniariyariki pitiyutuiyaka, meta tamamata 'iniariyariki 'ukarawetsixi mipai paime wiyari memexeiyatika wahetsiemieme.

⁸ »Matsi kemi'ane kemutayiki 'imikieriyari miyetuani xika ka'i'axeni mitiyutuaniki kemiraye'axe, miki kaniyemieni mawari

wewiwame hetsia miki kananukahiwiyariemiki, pitiyutuani xeikia kepai mi'axeni.

⁹ »Matsi xika Yawé mawari miyetuiriyarieni tewa hikitini, miki patsieti kaniyuhayewamiki Yawé miyetuiriyarieki.

¹⁰ Pikayiwani mipataki xeime 'aixia 'anemeki xeime 'axa'anemeki, meta 'axami'aneki xeime 'aixia 'anemeki. Xika xe'ipata xeimeki, miki yuhutati mepatsieti mekaniyuhayewakuni.

¹¹ »Matsi xika Yawé mawari miyetuiriyarieni tewa hikitini mika'itiya, miki mawari wewiwame hetsia kananuhaniemiki,

¹² miki yapitayini kemiraye'akani. Kemitika'iniatsieni mawari wewiwame kemutiu'iniaritaxi kanitanaki'eriwamiki, tsepa kemi'aneni.

¹³ Xika kutsiyarieya tiyutuamiki hutarieka minaneniki yutewa, miki katiniyutuamiki 'auxiwimeyaritsie mieme tawari xei'iniariyari kaniyetuamiki tuminiyari mawari wewiwame kemitika'iniatsirieni.

¹⁴ »Xika xewiti yukii Yawé yetuirieni, mawari wewiwame yakanitayimiki kemiraye'aka. Mawari wewiwame kemitayini yapitika'iniaritikani, tsepa kemititita.

¹⁵ »Yukii Yawé miyetuiri mipataki xika yukiiki tiyutuamikini, miki 'auxiwimeyaritsie mieme xei'iniariyari tawari kaniyetuamiki mawari wewiwame kemitini'iniaritiatsie, miki kii 'ana piinieya kanayeimiki.

¹⁶ »Xika xewiti yukwie yetuani Yawé hetsiemieme, yakatini'iniaritariemiki kepaimeiti 'imiariyari mitinakeni mana hetsiena

mika'etsieniki, huta tewiyari heimana tamamata tuminiyari katinaye'akamiki, huta tsienituyari heimana xeitewiyari rituruyari tsewara 'imiariyari tinaketi mika'etsieni xexuimetsie.

¹⁷ Xika yukwie yetuani mematatuiwa wiyari-yaritsie 'aye'ayu, kemitika'iniari mipai piraye'aka.

¹⁸ Matsi xika 'arike 'iyetuirieni mematatuiwa wiyari 'anutiyayu, mawari wewiwame yakatinika'iniaritamiki kepaimeiti wiyari meuyewekani tawari mematatuiwa wiyari maye'aniki, mipai paimeimeki kananukaxiriyariemiki.

¹⁹ »Kemi'ane yukwie miyetua Yawé hetsiemieme, xika yemeki 'inanaimeki hutarieka, 'auxiwimeyaritsie mieme xei'iniariyari tawari kaniyetuamiki mawari wewiwame kepaimeime mitaxatiatsie, 'ana miki tipiinieya kanayeimeki.

²⁰ Matsi xikari ka'inaneni yatini xeime 'utuirieni pikayiweniri tawari hetsiena mieme mayaniki.

²¹ Kepauka mematatuiwatsie miki kwie miyetuiyanikekaitsie, miki patsieti puyuhayewa Yawé hetsiemieme, miki mawari wewiwame hetsiemieme payani.

²² »Xika xewiti kwie 'unaneni 'ahurawa 'iwaya kakwieyatikaku, meta Yawé hetsiemieme mayaniki 'iyetuani,

²³ mawari wewiwame 'iti'iniatame yakanitayimiki yamiraye'akaki kepaimeiti meuyewetse mematatuiwa wiyari maye'aniki. 'Ana kwiti yukwie miyetua kemiraye'akani katiniyutuamiki, miki Yawé hetsiemieme kanipatsieka.

24 Mematatuiwatsie wiyari, kwie meripaiti
memikutsiyarimamatikai hekwarekita
kutsiyarimama mepakine.

25 »Naiti piti'iniatsieni pirata tukita
keraye'akameki memiteyukutuaya, tamamata
kiramuyari xeituminiyari raheteti.

26 »Matsi, xewiti tima pikayiwani matari mieme
yutewa miyetuaniki, yuwakaxi yatini yumuxa,
matari miemetexi Yawé hetsia memumiemeteki.

27 Xika tewatsiekate memika'itiya mehikitini,
piyiwani minanaiyaniki mawari wewiwame
kemitu'iniaritaxi mipai paimeme yetuame, matsi
tawari 'auxiwimeyaritsie mieme xei'iniariyari
kaniyetuamiki. Xika ka'inaneni mawari
wewiwame kemitu'iniarita mipai katinituiyamiki.

28 »Xewiti tima pikayiwani yupiinitikai
mitituaniki meta minaneniki, tsepa mititewi,
tewaxi yatini maku'etsakaitsie, xika pe'iyetuan
Yawé hetsiemieme mirayaniki yuheyemeki. Naiti
Yawé mitiyetuiyariwa waikawa kanipatsieka
Yawé hetsiemieme.

29 Xewiti tewi miyetuiya pikayiwani
minanaiyaniki, matsi miki kanimieriemiki.

30 »Tamamatatsie mieme xeime naiti kwiepa
mitituxuawerixi, tsepa tita memite'uka'e 'uri-
yari ya'ikwaxi kiyetsiemieme, Yawé hetsia katin-
imietetini, miki katinietuiyarieka.

31 Xika xewiti tamamatatsie mieme
xeime yetuame 'inanimikini, kemiraye'aka
kaninanimiki matsi tawarita 'auxiwimeyaritsie
mieme xei'iniariyari kaniyetuamiki.

³² Tamamatatsie mieme xeime wakaxi meta muxa, tamamatatsie xewiti 'iniariti miki kanipatsieka Yawé hetsiemieme.

³³ Tewaxi wahiweme yiki pikatiwaxeiyani 'aixia memi'anene meta 'axamemi'anene, meta xeimeki pika'ipatani. Matsi xika xeimeki 'ipata yuhutati mepatsieti mekanakinikuni meta pikayiweniri minaneniki».

³⁴ 'Iki 'aitsikate kanihikitini Yawé Muitsexi miyetuiri 'ixaheritsixi wahetsiemieme, Tsinahi yemuriyaritsie.

**KAKAFYARI NIUKIEYA XAPAYARI
WIXARIKAKI**

**The Holy Bible in the in Huichol language of Mexico,
2020 edition**

**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3